





10609

I Мое. Ст. Др. P



10609





058 12p17
1
3
2
CODEX POENALIS

4
5
PRO

GALICIA OCCIDENTALI.



VIENNAE

TYPIS JOSEPHI HRASCHANZKY, Cæf.

Reg. Aulae Typogr. Bibliop.

1796.

CODRUX POTENTIALIS

PRO

CALICIA OCCIDENTALIS

BIBLIOTH. UNIV.



MACELLONIA

10.609 I

Nos Franciscus Secundus
Dei Gratia Electus Romanorum
Imperator semper Augustus, Germaniæ,
Hungariæ, Bohemiæ, Galiciæ, & Lo-
domeriæ Rex, Archidux Austriæ, Dux
Burgundiæ & Lotharingiæ, Magnus Dux
Hetruriæ &c. &c.

Galiciæ occidentalis imperium
assumentes præcipuam attentio-
nem Nosram eo direximus, ut
hæc quoque provincia talibus in-
strueretur legibus, quarum ope de-
licta communi omnium tranquilli-
tati & securitati adversantia inve-
stigentur & puniantur, verumta-
men unusquisque ab incusationi-

bus fundamento destitutis præmu-
niatur, & reus ipse nonnisi a judi-
ce competente, prævia inquisitio-
ne ad normam legis accommoda-
ta, ex legitimis probationibus con-
demnetur, ita ut pœna ejus tantum
ex lege, nunquam pro arbitrio de-
cernatur.

Hæc spectantes præsentem Co-
dicem pœnalem pro Galicia occi-
dentali vulgamus, atque manda-
mus, ut is a prima Januarii 1797.
pro hacce provincia universim ob-
ligandi vim & effectum habeat,
quoniam ab hoc inde tempore om-
nes leges priores, quæ delicta,
eorumque pœnas, modumque circa
ea in foro procedendi concernunt,
abrogatas declaramus.

Præ-

Præcipimus quoque, ut in causis pœnalibus seu jam nunc pendentibus, seu ante mox memoratum terminum obventuris præsens codex jam ab hocce publicationis tempore eatenus pro norma sumatur, quatenus ad illius præscriptum causa leniorem, quam per leges hucusque vigentes, sortiri deberet exitum.

Similiter delicta ante hanc publicationem patrata, quæ post supra dictum terminum in inquisitionem judicalem trahentur, eatenus solum ex pristinis legibus dijudicari poterunt, quatenus fors illæ mitiorem sententiam exigerent.

Datum Viennæ die 17^{ma} mensis
Junii anno milesimo septingentesi-
mo nonagesimo sexto, Regnorum
nostrorum quinto.

Franciscus.



Procopius Comes Lazanz

Regis Bohicæ Sup^{us} & A. A. pr^{mus} Canc^{l^{us}}

Ad Mandatum Sacræ Cæs^o.

Regiæ Majestatis proprium.

Lepoldus de Haan.

P A R S I.

De delictis, eorumque pœnis.

C A P U T I.

De delictis in genere.

§. 1.

Quælibet legis violatio animadversioni obnoxia est. Ut delicta vero eæ tantum legibus contrariæ actiones & omisiones reputari possunt, quæ hoc codice delicta esse definiuntur.

§. 2.

Delicta pro ea, qua statum securitatis & tranquillitatis publicæ lædunt, relatione in criminalia, & civilia dividuntur.

§. 3.

Sub recepta delictorum criminalium denominatione ea comprehenduntur, quæ ob majus, quod inferunt, detrimentum, gravioribus poenis subsunt.

§. 4.

Tanquam civilia delicta ea imputantur, quæ quidem ad superius delictorum genus accedunt, attamen ex natura sua mitiori poenæ locum relinquunt.

§. 5.

Aliæ transgressiones, prout eæ, vel constitutiones politicas, vel ordinationes circa publicos redditus, vel leges civiles violant, secundum normas desuper specialiter vigentes & per munera publica pro diverso respectu ad id designata tractentur.

§. 6.

Ad delictum requiritur malum propositum, & libera voluntas.

§. 7.

§. 7.

Mali autem propositi non tantum is reus est, qui vel ante vel in ipsa commissione vel omissione malum exinde ortum præmeditatus est, atque decrevit, verum etiam ille, qui ex alia mala intentione aliquid commisit aut omisit, unde malum tale plerumque sequi solet aut saltem facile evenire potest.

§. 8.

Actio, vel omissio e contrario ut delictum imputari nequit, si

a.) malum ex ignorantia, negligentia, aut casu fortuito ortum est.

b.) Si delinquens usu rationis plene destituitur,

c.) si actio a mente capto, cui sunt lucida intervalla, durante delirio, vel

d.) in fortuita, citra intentionem ad delictum contracta, plena ebrietate, aliaque sensuum perturbatione, ob quam de-

linquens facti sibi conscius non erat, perpetrata est ;

e.) si delinquens decimum quartum ætatis annum nondum explevit ;

f.) si actio vi, cui nullo modo resisti poterat, extorta est ;

g.) si talis intervenit error, sine quo actio licita fuisset.

§. 9.

Cum delictum ex malitia delinquentis oriatur, nequaquam vero ex ejus, in quem commissum fuit, habitu & circumstantiis, delicta etiam in malefactores, mente captos, infantes, dormientes, immo in tales etiam personas committuntur, quæ ipsæmet, ut damno adficientur, considerant.

§. 10.

Delicti reus est non solum immediatus delicti auctor, sed & quilibet, qui libere & ex proposito jussu, suasione, laudatione, instructione delicto ansum dedit, illud

lud instituit, promovit, ad id perpetrandum suppeditando media aut removendo impedimenta, aut quacunque ratione auxilium præstitit, vel ad certiores ejusdem executionem quidquam contulit, vel saltem cum ipso delinquente de præbenda ei post patratum delictum ope, aut super parte lucri, & emolumenti exinde capienda prævie convenit.

§. 11.

Qui vero absque prævia conventionem post perpetratum demum delictum opem, auxiliumque præbet, aut e noto sibi facinore lucrum, commodumque percipit, is se quidem non ejusdem, attamen peculiaris delicti reum facit, quemadmodum id subsequenter in præfenti codice determinabitur.

§. 12.

Ad delicti imputationem haudquam necesse est, ut factum consummetur. Maleficii adtentatio jam ipsum delictum

lictum est, simul ac malo quis animo actionem ad ejus executionem tendentem suscepit; etsi delicti consummatio ob impotentiam illud adtentantis, aut aliunde interveniens impedimentum, aut fortuitum ob casum intermissa fuerit.

§. 13.

De cogitatis, aut interno proposito, si mala actio externa haud commissa, nec quidquam eorum, quæ leges exigunt, omissum fuerit, nemo ad rationem reddendam vocari potest.

§. 14.

Iis in casibus, in quibus juxta §. 8. actio quædam mala ab ebrio vel impubere commissa, delicti quidem imputationem habere nequit, politicæ tamen auctoritatis erit, severis, attamen congruis mediis providere, ut tam ebriosi, quam improbæ ac neglectæ proles ad meliora reducantur.

§. 15.

§. 15.

Cum hoc in codice ejusmodi tantum actiones aut omiſſiones pro delictis declarantur, quarum a recto aberratio ipſo naturæ lumine facile dignoſci poteſt, nemo ſeſe eo, quod leges has ignoraverit, a delicto excuſare poterit.

C A P U T II.

De Pœnis delictorum in genere.

§. 16.

Nonniſi legitimi judicis eſt, de punitione delinquentis cognoscere.

§. 17.

Judex poenam accurate ſecundum legem decernat. Sub gravi animadverſione ei inhibitum eſt, poenam aliter vel exacerbare, vel mitigare, ac id lex pro delicti & delinquentis qualitate permittit. Sed nec aliud poenæ genus, quam quod præſenti codice definitum eſt, decernere,

nere, nec poenam ob transactionem inter delinquentem & læsum initam remittere unquam valet.

§. 18.

Si delinquens poenam, licet a iudice incompetenti ad præscriptum legis tamen decretam, jam subivit, ob idem facinus nulla ei amplius poena infligenda est. Ast in quovis casu, quo iusto gravior irrogata fuisset, eam a iudice competente, quantum fieri adhuc potest, secundum legis normam temperari oportet.

§. 19.

Delictum a subdito hujate in extera ditione patratum, siquidem delinquens in hisce provinciis deprehensus fuerit, secundum tenorem præsentis legis punitor, sine respectu ad illius loci leges, in quo delictum admissum fuit.

§. 20.

Peræque contra extraneum in hujate territorio delinquentem unice secundum præsentem codicem judicator.

§. 21.

Delicta ab extero in exteris regionibus commissa, hujati autem statui publico perniciofa juxta præsentis codicis præscriptum dijudicentur; ad ea vero, quæ publicam rem harum ditionum non offendent, codex iste poenalis adplicandus quidem non est, quin tamen ideo necessaria excludatur cautela, quæ exigere potest, ut periculosus hujuscemodi homo inquisitioni subjiatur & civitate excedere jubeatur, vel si delictum ex hoc codice, criminale foret, cum civitate externa, in qua deliquit, de ejus extraditione tractetur, generatim denique id omne adhibeatur, quod mutuum gentium auxilium ad reprimenda delicta postulat.

§. 22.

§. 22.

Pœna delictorum est mors delinquentis, vel ejusdem in carcere detentio.

§. 23.

Pœna mortis laqueo in patibulo executioni mandanda est. Cadaver puniti elapsis duodecim horis juxta locum supplicii inhumator.

§. 24.

Pœna carceris pro graduum diversitate in severissimam, duram, & mitiorem dividitur.

§. 25.

Pœna severissimi carceris talis est : Delinquens in separato carcere, in quo illi non nisi tantum spatii & lucis usuræ conceditur, quantum necesse est, nullo non tempore gravibus catenis manibus, pedibusque, nec non ferreo circulo circa corpus ducto, quo extra tempus laboris catenis illigatur, vinctus custoditur; ternis duntaxat per hebdomadem vicibus uno cocto

cocto cibo , excepta tamen carne , nutritur ; ceteris vero diebus nullum ipsi alimentum præter aquam & panem conceditur ; lectus ipsius ad nudos asseres restringitur ; denique & omnis ei cum quocumque demum conversandi & colloquendi facultas denegatur.

§. 26.

Ad duros carceres condemnatus minus gravibus compedibus vincitur , & quotidie uno cocto cibo , nec tamen carne , nutritur ; quoad lectum vero , & interdictum cum personis ad immediatam ipsius custodiam non pertinentibus colloquium , æque ac in priori carceris genere tractatur.

§. 27.

Ad mitiores carceres condemnatus absque compedibus ita tamen , ut fugæ periculum absit , custoditur , eidemque aliquantum melius , quam priori , alimentum præstatur. Nullus attamen ei præter aquam potus admittendus , nullus item,

ni carceris custos præfens adfit, cum aliis congressus, nullumque in lingua custodi ignota colloquium concedendum est.

§. 28.

Delinquens vel ad dies vitæ, vel ad certum tempus carcere coercetur. Infima carceris temporarii poena, mensem, summa viginti annos durat. Propior determinatio inferius cuique delicti speciei adnectetur.

§. 29.

Cum poena carceris semper quoque præstatio operarum conjuncta est. Quamobrem ad carcerem damnatus eas tenetur operas perficere, quæ pro instituto cujuslibet loci, ubi poena subeunda est, præscriptæ sunt. Cura porro danda est, ut in his ædibus, ad plectendos facinorosos destinatis, rei ea ratione ad duriores labores adigantur, qua ad severiorem carceris poenam condemnati sunt.

§. 30.

Pœna carceris exasperari potest

- a.) operis publicis,
- b.) expositione ad infamem catastam,
- c.) fustium & virgarum ictibus,
- d.) jejunio.

§. 31.

Ad publicas operas nonnisi delinquentes sexus masculini condemnari possunt, & cum hæ nonnisi in vinculis peragendæ sint, hinc tantum poenæ duri aut durissimi carceris adjungi queunt.

§. 32.

Expositio ad infamem catastam sic fiet : Condemnatus gravibus catenis manibus pedibusque vinctus inter excubias in spatioso, frequentioris populi recipiendi capaci, loco super machina paulo altius exstructa, tribus continuis diebus integra semper hora publico spectaculo exponitur; & tam delictum, quam poena definita in pendente ante pectus tabula

breviter ac conspicue indicatur. Hæc exacerbatio in iis duntaxat casibus locum obtinet, ubi ea vel expresse lege præscribitur, vel poena, cui ea adjicitur, carcer saltem decennis est.

§. 33.

Fustium ictibus plectuntur masculi adulti, virgarum ictibus mulieres & adulescentes, qui nondum decem & octo annorum sunt. Castigatio hæc durante poena sæpius iterari potest. Numerum ictuum, ac reiterationem iudex prudenti arbitrio dijudicabit, respiciendo gravitatem delicti, malitiam delinquentis, nec non corporis constitutionem. Una eademque vice centum ad suum ictus delinquenti infligi possunt. Executio intra muros loci poenæ peragenda est.

§. 34.

Dura, aut mitior carceris poena jejunio exasperari potest, ita, ut delinquenti certis diebus nihil præter aquam, &

& panem in alimentum præbeatur; quod tamen non ultra quatuor per hebdomadam dies extendi potest.

§. 35. *Generales sententiæ*

Generales sententiæ pœnalis in delinquentem criminalem latæ effectus sequentes sunt :

a.) Quisque officium aliquod publicum gerens & criminalis delicti reus declaratus, vigore hujus legis officio suo privatum se sciat.

b.) Delinquens ad severissimum aut durum carcerem condemnatus a die publicatæ sibi sententiæ & durante poenæ tempore nec obligationem inter vivos contrahere, nec per actus ultimæ voluntatis disponere potest. Ast qui præcesserunt actus aut dispositiones per poenam valore suo non destituuntur.

c.) Si delinquens ad severissimos, vel duros carceres condemnatus nobilis est, sententiæ additor, eum omnia

jura nobilitatis, quæ secundum constitutionem harum provinciarum hereditariarum obtinent, pro sua persona amittere. Hæc igitur jactura in solum duntaxat delinquentem cadit, neutiquam autem in uxorem suam, aut procreatas ante latam sententiam proles.

d.) Si propter delictum criminale ad poenam damnatus de numero statuum provincialium dinastialis aut equestris ordinis, si membrum albo alicujus universitatis, vel lycei adscriptum, vel persona militaris fuerit, quæ ex statu militari retenta eadem dignitate ad officia civilia transivit, talis una expunctionem ex matricula statuum vel universitatis, vel amissionem dignitatis militaris incurrit.

§. 36.

Si judex merito suspicatur, condemnatum persoluta poena se denuo delicto daturum, sique ejus proscriptio e loco delicti pro apto ad id præcavendum medio

ha-

habetur, judex de ejusmodi proscriptione cum politica auctoritate conferat.

§. 37.

Sed & relegatio generalis, attamen non nisi contra externos delinquentes, locum habere potest. Hæc semper ad omnes provincias, quibus hic codex præscribitur, extendenda est, eique, si valde periculosa fuerit delinquentis conditio, stigmatis impressio adnecti potest, quæ ea ratione perficitur, ut sinistræ concavi corporis parti litera R. cum litera initiali provinciæ, in qua sententia pronuntiata fuit, conspicuo atque indelebili modo inuratur.

§. 38.

Si delinquens plurium diversi generis delictorum reus fuerit, poenam relate ad id delictum, in quod lex severius animadvertit, habita simul reliquorum delictorum ratione, emetiri oportet.

§. 39.

Quemadmodum reatus ita & ipsa poena personam tantum delinquentis tenere potest.

§. 40.

Pœna delinquenti illata jura eorum non minuit, qui per delictum læsi, damnumque passi fuerunt, quibus porro satisfactio, aut indemnitas a delincente, ab ejus hæredibus, aut ex ejus patrimonio præstanda est.

CAPUT III.

De diversis delictorum speciebus.

§. 41.

Delicta vel immediate commune vinculum societatis civilis afficiunt, vel mediate eidem per id noxia evadunt, quod personam, bona, libertatem, famam, aliaque singulorum civium jura lædant, bonosque mores corumpant.

§. 42.

§. 42.

Hinc pro delictis declarantur:

- 1.) Perduellio.
- 2.) Seditio, ac tumultus.
- 3.) Vis publica.
- 4.) Reversio proscripti.
- 5.) Abusus potestatis seu muneris publici.
- 6.) Chartarum publicarum adulteratio.
- 7.) Falsificatio monetæ.
- 8.) Religionis turbatio.
- 9.) Stuprum violentum, aut alia turpis libido.
- 10.) Homicidium.
- 11.) Abortus procuratio.
- 12.) Expositio infantum.
- 13.) Vulneratio, aliave corporalis violatio.
- 14.) Duellum.
- 15.) Incendium.
- 16.) Furtum, & aliæ amotiones.
- 17.) Rapina.
- 18.) Falsum.
- 19.) Bi-

19.) Bigamia.

20.) Calumnia.

21.) Subsidium delinquentibus præ-
stitum.

CAPUT IV.

De crimine perduellionis.

§. 43.

Crimen perduellionis incurrit :

a.) Qui personalem summi Principis
securitatem lædit;

b.) qui tale quidpiam suscipit , quod
violentam status publici revolutionem, in-
ductionem aut augmentum periculi ab ex-
trinsecus contra civitatem pro fine habet;
sive illud palam fiat, sive in societatibus
secretis, aut etiam a singulis personis, mo-
limine, consilio, facto proprio, armata,
vel inermi manu, communicatis secretis,
consiliisque in talem finem tendentibus,
con-

concitatione, conductione, exploratione, consociatione, adjumento, vel quacumque demum alia eo tendente actione.

§. 44.

In poenam delicti hujus criminalis, et si attentatum tantum, nec ullum inde damnum secutum fuerit, mors, delinquenti laqueo infligenda, statuitur.

§. 45.

Qui conatum, in crimen perduellionis tendentem, in suo progressu, dum facile, ac citra proprium periculum impedire poterat, consulto avertere intermittit, complicem semet ejusdem delicti reddit, & carcere severissimo ad dies vitæ puniendus est.

§. 46.

Pro complice is etiam habendus est, qui notum sibi criminis perduellionis reum potestati superiori denunciare animo præmeditato intermittit. Talis complex duro carcere ad dies vitæ punitur. Eo solum-

modo casu, quo se certum ac convictum habere poterat, non obstante denuntiationis omissione nullum amplius metuentum esse malum confectarium, pœna ad durum carcerem a quinque usque ad decem annos restringitor. Porro eadem hæc convictio tantum consanguineis delinquentis in linea ascendente, & descendente, fratribus ac sororibus ejus, nec non conjugii eatenus præsidio esse potest, ne ob intermissam denuntiationem in poenam incidant.

§. 47.

Qui procaci vituperio sive dictis, sive scriptis, sive aliis repræsentandi modis in publicum prolato ansam præbet, ut animi civium adversus formam regiminis, administrationem publicam, aut normam nexu civilis concitari possint, is ob ejusmodi perturbationem tranquillitatis publicæ, qua delicti criminalis reus duro carcere a
quin-

quinque usque ad decem annos puniendus est.

§. 48.

Qui secretas in puncto 2. §. 43. (b) commemoratas ad crimen perduellionis tendentes adfociationes ingressus quidem, attamen postea poenitentia ductus, earundem membra, horum statuta, intentiones, ac conatus, potestati superiori eo adhuc tempore, dum latébant, & damnum præpediri poterat, manifestaverit, huic omnimoda impunitas, & factæ ab eo denuntiationis occultatio hîsce promittitur.

CAPUT V.

De seditione et tumultu.

§. 49.

Coalitio plurium personarum eum in finem tendens, ut potestati superiori resistent, est criminale seditionis ac tumultus

de-

delictum, sive ea sit resistendum intentio, ut aliquid vi extorqueant, vel ut imposta obligatione se expediant, vel cujuscumque demum generis dispositionem superiorum evertant: nec interest, num in ipsum superiorem, num in ejus officialem, vel in inferiorem ministrum aut in communitalis praefectum, qui ad mandata exequenda destinati sunt, vis hujuscemodi exerceatur.

§. 50.

Quisque factionis confors delicti hujus reus fit, sive se, dum oriretur, sive in progressu consociaverit.

§. 51.

Qualis poena sumenda sit, si eo excreverit seditio, ac tumultus, ut judicio statario comprimi debeat; id peculiari de judicio statario capite tractabitur. Quod si judicio statario haud opus fuerat, concitatores ac duces ad duos carceres cum operis publicis a decem usque ad viginti

annos, aut si malitiæ, ac vis nocendi summus fuerit gradus, etiam ad dies vitæ condemnandi sunt.

§. 52.

Qui adventantibus ad sedandum tumultum officialibus aut vigiliis refragari pergunt, ii dura carceris poena a quinque usque ad decem annos & operis publicis plectuntur.

§. 53.

Ceteros complices habita ratione periculosæ & perniciosæ indolis, & pro modo participationis poena duri carceris ab uno usque ad quinque annos cum publicis operis manet.

§. 54.

Si seditio in suis principiis citra periculosam eruptionem sedata fuerit, poena carceris mitioris, & in concitatores quidem ac coryphæos ab uno usque ad quinque annos, in reliquos vero a tribus mensibus usque ad unum annum decernenda est.

CA-

CAPUT VI.

De vi publica.

§. 55.

Criminalis vis publicæ delicti sequentes
sunt casus:

§. 56.

Primus casus: Si quis utut solus iudici, aut superiorem quamdam potestatem habenti, ejusve ablegato, in rebus officii vigiliis, aut apparitori magistratualia iussa executuro, periculosa comminatione, aut violenta manu resistit, etiamsi id ipsum absque vulneratione accideret.

§. 57.

Talis delinquens duro carcere ab uno mense usque ad unum annum cum operis publicis, si vero armata manu resistit, aut læsio, vel vulneratio accessit, ab uno usque ad quinque annos puniendus est.

§. 58.

§. 58.

Secundus casus: si posthabita legitimi superioris imploratione pacifica cujuspiam in fundo suo proprio possessio coadunatis hominibus violenta invasione turbatur; si irruptio in domum, vel habitationem alterius armata manu, quamvis citra cater-
vam, fit, ibidemque personæ ejusdem, ipsius domesticis, vel bonis vis infertur, si-
ve illud ad injuriam, quam sibi quis illa-
tam putat, vindicandam, sive ex odio, si-
ve juris cujuspiam putativi persequendi aut
promissionis consequendæ aut remedii pro-
bationis extorquendi causa fiat.

§. 59.

Vis hujuscemodi auctor poenæ duri car-
ceris ab uno usque ad quinque annos sub-
jacet. Qui se ad auxilium præstandum in-
duci passi sunt, mitiori carcere a tribus
mensibus usque ad unum annum puniun-
tor.

§. 60.

Aliæ malitiosæ actiones , quibus res alienæ corrumpuntur aut destruuntur pro civilibus delictis habentor , ac secundum mensuram malitiæ & damni dati duro aut mitiori carcere ab uno mense usque ad unum annum vindicantur.

§. 61.

Tertius casus : si quis absque prævia legitimi superioris notitia , atque concessione hominem dolo , vel vi eo fine in suam potestatem redigit , ut eum invitum sive extraneæ , sive etiam intra territorii limites illegitimæ potestati dedat.

§. 62.

Hoc casu poena duri carceris a quinque usque ad decem annos statuitur , quæ ad viginti etiam annos prorogari potest , si interceptus de vita aut libertate recuperanda periclitabatur.

§. 63.

Qui militem pro alieno exercitu legit, aut virum ad nostrates copias pertinentem ad domicilium in externa civitate collocandum conducit, ad normam legum militarium, & a militari tantum foro judicator, atque punitor.

§. 64.

Qui data opera in id incumbit, ut subditos nostrates ad domicilium in exteris regionibus figendum inducat, civilis se delicti reum reddit.

§. 65.

Pœna hujus est mitior carcer ab uno mense usque ad unum annum.

§. 66.

Quartus casus: si quis hominem, in quem nulla sibi per leges potestas competit, & quem pro delinquente, seu pro noxio ac periculoso homine habendi fundamento destituitur, propria auctoritate inclusum detinet, vel quacumque demum

ratione eum in usu personalis suæ libertatis turbat, aut etiam, si interceptionem, quam ex iusta causa fecisse sibi videtur, competenti superiori illico indicare consulto intermittit.

§. 67.

Pœna delicti huius est mitior carcer ab uno mense usque ad unum annum. Si autem detentio ultra triduum duraverit, vel detento damnum, aliave molestia præter ademptionem libertatis illata fuerit, pœna duri carceris ab uno usque ad quinque annos obtinere potest.

§. 68.

Quintus casus: si femina invita vi dolove matrimonii cum ea ineundi, aut vagæ libidinis causa rapta fuerit, aut si mulier viro juncta, quamvis consentiens, marito suo, proles parentibus suis, pupillus tutori, aut nutritori dolo vel vi subducuntur; nec refert, num finis uno alteroque casu obtentus fuerit, nec ne.

§. 69.

§. 69.

Raptus in invitam personam aut in impuberem commissus pro varietate mediorum adhibitorum, secutique mali, duro carcere quinque annorum usque ad decem, sin persona rapta pubes ac consentiens fuerit, duro carcere trium mensium usque ad annum vindicator.

CAPUT VII.

De reversione proscripti.

§. 70.

Si quispiam ex provinciis, ad quas hic codex pertinet, relegatus in quampiam harum provinciarum, qualicumque sub prætextu revertitur; hæc ejus reversio criminale delictum involvit.

§. 71.

Talis delinquens ad infamem catastam exponitor, ac duro a tribus mensibus us-

que ad unum annum carcere punitur. Si ex hoc delicto jam punitus fuerat, poena exasperator, vel exasperatio duplicator.

§. 72.

Ex determinato quopiam loco proscrip-
tus, si eo revertitur, pro delinquente ci-
vili habetur, ac mitiori carcere ab uno
mense usque ad unum annum punitur. Ad-
versus eum, qui iterum deprehenditur,
poena exasperanda est.

CAPUT VIII.

De abusu potestatis seu muneris publici.

§. 73.

Qui superiore potestate vi officii sibi con-
credita eo abutitur, ut damnum cuipiam
inferat, is sive proprii commodi studio,
sive alio affectu aut fine moveatur, per
ejusmodi abusum delicti criminalis reus
evadit.

§. 74.

§. 74.

Idem delictum committit :

a.) Judex , qui favori personali indulgens se a legitimo officii sui implemento averti finit;

b.) Quisque officialis , qui in rebus officii falsum præstat testimonium ;

c.) Qui concreditum sibi officii secretum maligne detegit, vel curæ suæ vi officii commissum documentum destruit, seu cuiuspiam contra muneris sui partes impertitur ;

d.) Advocatus , qui in præjudicium sui proprii clientis, adversarium in faciendis ad litem scriptis, vel aliter consilio, & facto adjuvat.

§. 75.

Pœna criminalis hujus delicti est durus carcer ab uno usque ad quinque annos. Hæc pro mensura malitiæ, damnique etiam ad decem annos prorogari potest.

§. 76.

Officialis publicus, qui officium quidem suum, ut fas est, adimpleverit, at tamen ut illud adimpleret, donum seu immediate seu mediate acceptaverit, aut aliud sibi commodum comparaverit, delictum civile incurrit.

§. 77.

Talis delinquens civilis mitiori carcere ab uno mense usque ad unum annum puniendus est.

§. 78.

Si quis promissione, dono, aliisve astutis modis favorem judicis sibi conciliare, vel superiores ad violationem officii permovere conatur, delicti civilis per talem seductionem reus evadit, siue intentio hæc in proprium, siue in tertii cujuspiam commodum directa, successumque sortita fuerit, siue minus.

§. 79.

§. 79.

Pœna seductionis hujus communiter est mitior carcer ab uno mense usque ad unum annum.

§. 80.

Sin magna adparet versutia, & grave damnum datum fuit, seductio talis ut delictum criminale imputanda, ac duro carcere, qui usque ad quinque annos prorogari potest, punienda erit.

CAPUT IX.

De adulteratione chartarum publicarum.

§. 81.

Qui publicas ærarii chartas, quæ vel per se tantundem ac parati numi valent, vel ad quarum exhibitionem publicum quoddam ærarium solutionem præstare teneatur, effingere imitando ausus fuerit, seu res e voto processerit, seu non, sive ex

C 5

facto

facto hoc ærario , aut tertio alicui damnum illatum fuerit, sive non , sive dein adulteræ istiusmodi publicæ chartæ nostras , aut exterum ærarium concernant , is delictum criminale adulterationis chartarum publicarum committit.

§. 82.

Delicti hujus criminalis is quoque reus est, qui genuinas in se publicas chartas majorem iis , ac revera , dum confectæ sunt, continebant, inscribendo summam vitiat ; nec interest, an facilis, vel difficilis sit detectu adulteratio, damnum inde secutum fuerit, nec ne.

§. 83.

In delictum isthoc in casu §. 81. ad dies vitæ , in casu vero §. 82. a decem usque ad viginti annos duri carceris poena statuitur ; hæc , prout aggravantes magis & insignis momenti circumstantiæ delictum comitantur, exasperanda est.

§. 84.

Quidquid de criminali hocce delicto ejusque poena hic ordinatum est, contra eos etiam obtinet, qui solitas in publicis chartis subnotationes imitantur, insignia incidendo effingunt, papyrum, formas, matrices, literas, prela denique, aut quicumque aliud ad chartas publicas adulterandas aptum conficiunt, idque falsario ad falsificationem adjuvandam scientes tradunt, vel conficere, aut tradere adtentant, vel quacumque demum ratione ad adulterationem contribuunt.

§. 85.

Confors criminalis delicti adulterationis chartarum publicarum is est, qui de eroganda falsa aut adulterata charta publica cum eo convenit, qui ad eam falsificandam operam contulit.

§. 86.

§. 86.

Hic confors a quinque usque ad decem annos, & quum gravius damnum datum fuerit, usque ad viginti annos duro carcere coercendus est.

CAPUT X.

De crimine falsæ monetæ.

§. 87.

Delictum criminale falsæ monetæ committit ille, qui

a.) propria auctoritate monetam ad imaginem currentis in ditionibus austriacis monetæ ferit, etsi forte ea genuinam monetam probitate simul ac pondere exæquet, aut eam plane superet; aut

b.) ad imaginem ubicumque demum currentis monetæ seu ex probo ære levio-rem, seu e viliori metallo adulterinam monetam cudit, aut quacumque alia ra-

ti-

tione improbam monetam probæ pecuniæ
similem reddit; vel

c.) genuinas monetæ species quoquo
demum modo in intrinseco pretio ac
valore, quo cufæ fuerant, imminuit, vel
illis formam earum monetæ specierum,
quæ majoris sunt valoris, indere cona-
tur; vel

d.) instrumenta ad conficiendas fal-
sas monetas subministrat, vel quocumque
demum alio modo ad monetæ adultera-
tionem concurrat.

§. 88.

Pœna delicti hujus criminalis est durus
carcer a quinque usque ad decem, sique
singulare periculum vel grave damnum ac-
cedit, a decem usque ad viginti annos.
In eo duntaxat casu, quo adulteratio uni-
cuique in sensus cadit, vel moneta pro-
pria auctoritate cusa genuinam probitate,
ac pondere exæquat, pœna ab uno usque
ad quinque annos irrogari potest.

§. 89.

§. 89.

Ut complex adulterationis monetæ in delictum criminale incidit is, qui ex compacto cum adulterationis auctore aut opitulatore curam de eroganda falsa moneta in se fuscipit.

§. 90.

Hic confors poenam duri carceris ab uno usque ad quinque, & graviori damno dato, usque ad decem annos incurrit.

CAPUT XI.

De turbatione religionis.

§. 91.

Turbatione religionis is delicti reus fit,
a.) qui dictis, scriptis, aut factis
deum blasphemat;
b.) qui aliquod in civitate subsistens
religionis exercitium turbat, aut contume-
liosæ rerum cultui divino dicatarum viola-
ti-

tione, aut alias etiam factis, dictis aut scriptis contemptum religionis publice manifestat;

c.) qui christianum ad fidem christi deferendam seducere audet;

d.) qui irreligionem propagare, vel erroneam quampiam christianæ religioni adversam doctrinam disseminare, aut sectas fundare conatur.

§. 92.

Religionis turbatio in criminale delictum abit, si ea publicum scandalum datur; si seductio subsecuta aut commune periculum conjunctum fuerit.

§. 93.

Delictum hoc criminale duro ab uno usque ad quinque annos, proratione vero majoris malitiæ ac periculi ad decem etiam annos prorogando carcere vindicator.

§. 94.

§. 94.

Ubi circumstantiæ §. 92. memoratæ non interveniunt, turbatio religionis qua delictum civile pertractanda, ac mitiori carcere ab uno mense usque ad unum annum punienda erit.

CAPUT XII.

De stupro violento, aliaque turpi libidine.

§. 95.

Qui feminam periculosa comminatione, illata vi, aut fraudulenta sensuum ejusdem perturbatione, nefandæ suæ libidini resistendi potestate privat, eamque in tali statu vitiat, delictum criminale stupri violenti committit.

§. 96.

Pœna stupri violenti sit durus carcer a quinque usque ad decem annos. Ast si violentia in grave detrimentum sanitatis, aut

aut ipsius vitæ personæ vitiatæ redundat,
pœna a decem in viginti annos augenda erit.

§. 97.

Quævis attentata violatio, quæ in
personam nondum quatuordecim annos
natam committitur, stupri violenti instar
habetor, atque punitor.

§. 98.

Delictum turpis libidinis is quoque in-
currit.

I. Qui se cum pecude, aut cum per-
sona ejusdem sexus miscet.

II. Cognati in linea ascendente, ac
descendente, sive cognatio eorum e legi-
timo, sive illegitimo coitu oriatur, fratres,
& sorores, seu germani, seu consanguinei,
atque uterini, parentum, liberorum, fra-
trum, sororumque conjuges, incestum
committentes, & ii, cum quibus incestum
committunt.

III. Persona matrimonio juncta adulterium committens, prout & persona cælebs, quacum adulterium perpetratur;

IV. Corporis quæstum mercenarie sectantes.

§. 99.

Primo in casu, prout etiam tum, cum incestus in linea ascendente & descendente commissus fuerit, turpis libido criminale delictum evadit, & duro carcere a tribus mensibus usque ad unum annum punienda est.

§. 100.

Ceteris in casibus tanquam delictum civile mitiori carcere ab uno mense usque ad unum annum punitor. In determinando autem longiori tempore, aut exasperatione poenæ, seductionis, datique scandali ratio habenda est.

§. 101.

Porro ob adulterium durior poena de muliere quam de viro sumenda est, si de subsecuto partu, an legitimus sit, dubium oriri potest.

§. 102.

In adulterium tamen ex officio nunquam, verum tum demum inquiri, ac poena irrogari potest, cum a conjuge læso id ipsum expresse postulatum fuerit. Sed & hic id ipsum postulare ultra nequit, simul ac offensam, de ea certior factus, seu expresse, seu continuando coitum conjugalem remiserit. Cessat porro poenæ in adulterum conjugem decretæ executio, quamprimum pars læsa eum recipere, seque cum eo in conjugali consortio vivere velle, declaraverit. At poena in partem complicem decreta tali declaratione tolli nequitquam potest.

§. 103.

Per seductionem ad turpem libidinem delicti criminalis is reum se reddit, qui concreditam suæ educationi aut curæ personam ad libidinem seducit.

§. 104.

Talis delinquens duro carcere ab uno usque ad quinque annos puniendus est.

§. 105.

Civilis delicti reus evadit domesticus qui minorennem filiam, aliamve ad eandem familiam spectantem minorennem patris, matrisve familias cognatam seducit, atque vitiat.

§. 106.

Talis delinquens duro carcere ab uno mense usque ad unum annum punitur. Inquisitio tamen, ac poenæ irrogatio tum demum obtinere potest, si id ipsum ab eo petitur, cujus patriæ potestati aut tutelæ seducta subest.

§. 107.

§. 107.

Lenocinium illi in delictum criminale imputatur, qui speciem quæstus ea re facit, ut occasionem ad turpem libidinem exercendam procuret.

§. 108.

In poenam delicti hujus durus carcer ab uno usque ad quinque annos statuitur, hæcque tum omnino ad longius tempus proroganda est, si persona illibatae adhuc pudicitiae seducta fuerit. Si delinquens ob lenocinium jam antehac punitus fuerat, poena iterationis exasperabitur, hacque executioni mandata ex loco suæ hucusque commorationis, sique extraneus fuerit, ex universis etiam hæreditariis provinciis relegendus erit.

§. 109.

Qui consulto, etsi absque lucri cupidine feminam illibatae adhuc pudicitiae, in familiarem consuetudinem, atque in talismodi consortium & occasionem inducit,

qua ad libidinem pervertatur, talis ob hocce lenocinium perinde, ac seductor ob seductionem, at tum solummodo, si pars seducta factum incusaverit, qua delinquens civilis mitiori carcere ab uno mense usque ad unum annum puniendus erit.

CAPUT XIII.

De homicidio.

§. 110.

Qui cum intentione hominem lædendi tale quidpiam suscipit, ex quo mors ejusdem necessario consequitur, delicti criminalis homicidii reus evadit.

§. 111.

Si singulares relationes, quibus cædis auctor interemto junctus erat, nec non media & finis perpetratae necis respiciantur, legalis oritur diversarum homicidii spe-

specierum divisio, secundum quam poena etiam diversimode constituitur. Hæ species sunt: Parricidium cognatorum ac proxime conjunctorum, assassinium, homicidium proditorium, latrocinium, simplex homicidium.

§. 112.

I. Parricidium in cognatum ascendentis vel descendents lineæ aut in conjugem delinquentis commissum severissimo ad dies vitæ carcere puniatur.

§. 113.

Parricidium, quod in cognatum lineæ ascendentis vel descendents delinquenti parentela extra matrimonium orta junctum, aut in parentum, avi aviæque fratrem sororemve, in eorundem conjugem, aut in legitimum delinquentis tam germanum quam consanguineum atque uterinum fratrem vel sororem, in germanum denique, vel consanguineum atque uterinum conjugis sui tum fratrem, tum sororem com-

mittitur, duro carcere a decem usque ad viginti annos vindicandum est.

§. 114.

In feminam cælibem, quæ recens natam prolem suam in ipso partu interficit, duri carceris poena a decem usque ad viginti annos statuitur; si vero sobolem omissione necessariæ in partu curæ interire sinit, duro itidem carcere a quinque usque ad decem annos punienda est.

§. 115.

Quæ in §. 113. præscribitur poena, tunc quoque obtinet, quando homicidium a pupillo in tutorem, aut ab hoc in illum, aut inter famulitium & heros, inter superiores, & subordinatos, vel denique in officialem publicum, in officii sui executione, vel propter hanc ipsam executionem perpetratum fuerit.

§. 116.

II. Qui aliquem ad tertium quemdam interficiendum conducit, vel quocumque modo ad id permovere studet, etsi aggressio intermissa, aut mandatum neutiquam acceptatum fuerit, ad durum carcerem a quinque usque ad decem annos condemnandus est: si aggressio tentata equidem, cædes vero minime subsecuta fuerit, a decem usque ad viginti; si denique cædes commissa fuerit, ad dies vitæ severissimo carcere coercendus erit.

§. 117.

Qui mandatum acceptavit, eidem poenæ obnoxius est, quæ supposita acceptance pro varietate eventus contra mandantem ipsum §. præcedenti statuitur.

§. 118.

III. Qui veneno aliove versuto, simulato, insidioso modo, qui præcautionem ac defensionem alterius excluderat, cædem patrat, is ut homicidii proditorii

D 5 reus

reus ad severissimum carcerem ad dies vitæ damnandus est.

§. 119.

Si vero homicidium proditorium aut assassinium in patrem, matrem, maritum, aut uxorem perpetratum fuerit, homicida proditorius, aut is, qui cædem mandavit, morte plectendi sunt.

§. 120.

IV. Si ad rem alienam violenta oppressione ipsius personæ sibi comparandam, aut si in violenta ejusmodi aggressionem, etsi citra prævium occidendi propositum, quispiam interfectus, consequenter latrocinium commissum fuerit, tum quivis occisionis particeps morte puniendus erit.

§. 121.

V. Simplex homicidium, quod nunc ad nullas hucdum recensitas species refertur, sequenti servato discrimine actor:

a.)

a.) si citra intentionem occidendi præmeditate tamen vulnus, quod per se lethale est, mortemque adtulit, inflictum fuerit, in poenam durus carcer a quinque usque ad decem annos irrogandus est.

b.) Si cum animo occidendi agebatur, homicida duro a decem usque ad viginti annos carcere puniendus erit.

§. 122.

Si homicidium cum peculiari atrocitate perpetratum fuerit, ut exinde intentio mortem acerbiores reddendi eluceat, poena homicidæ ad dies vitæ durabit, sique hæc diuturnitas poenæ jam alioquin ob delicti qualitatem obtinet, ea graviter exasperanda erit.

§. 123.

Si quis occasione enatæ inter complures homines rixæ occisus fuerit, tum quilibet, qui huic lethale vulnus inflixit, homicidii reus erit. Si vero mors ex omnibus demum vulneribus simul sumtis secuta
fue-

fuerit, tunc equidem nullus homicidii, verum omnes, qui occiso manus iniecerunt, gravis vulnerationis rei habendi sunt.

§. 124.

Justa sui defensio ab homicidio excusat. Hæc tamen excusatio inculpatae tutelæ tunc duntaxat justa cenferi potest, si probatum fuerit, aut saltem ex circumstantiis personarum, temporis, & loci prudenter arbitrari liceat, patratores cædis vel proximum suum ab occiso adeo vehementer invasum fuisse, ut suimet ipsius vulnerationem, imo mortem ipsam juste metuere potuerit, ac proinde invasum jure necessariae defensionis ad suam, vel proximi sui vitam, bona, aut libertatem adversus violentam invasionem tutandam usum fuisse.

CAPUT XIV.

De procuratione abortus.

§. 125.

Femina , quæ consulto tale quidpiam suscipit , quo foetus suus abigi , aut quoquo modo id effici potest , ut partus in lucem mortuus prodeat , delicti criminalis rea evadit.

§. 126.

Si attentatus abortus minime subsecutus fuerit , poena mitioris carceris intra tres menses , & unum annum determinanda est. Ob consummatum vero abortum poena duri carceris intra unum & quinque annos locum habet.

§. 127.

Si pater foetus se complicem delicti fecerit , poena ejus omni in casu seu legiti-

tima seu illegitima fuerit generatio , exasperabitur.

§. 128.

Criminalis hujus delicti reatu ille se etiam obstringit, qui lucri causa, vel quaqua demum alia ex intentione citra scitum & consensum matris abortum efficit aut efficere attentat.

§. 129.

Talis delinquens duro intra unum, & quinque annos carcere, si autem matri etiam in persona sua malum quodpiam delicto hocce illatum fuerit, intra quinque & decem annos puniendus erit.

CAPUT XV.

De expositione infantis.

§. 130.

Qui infantem ea ætate, qua is vitæ suæ conservandæ nequaquam sufficit, eo fine exponit, ut eum seu periculo mortis objiciat, seu vitæ ejus conservationem fortuito saltem casui committat, delicto sese obstringit, quæcumque demum caussa ad id impulerit.

§. 131.

Si infans in loco ab hominibus frequentari solito ita fuerit expositus, ut tempestiva ejus detectio omnino sperari potuerit, & effectus expectationi huic responderit, tum factum ejusmodi pro civili delicto habendum, ac mitiori intra unum mensem & unum annum carcere puniendum erit.

§. 132.

§. 132.

Quod si expositio in solitario quodam, a consueta hominum frequentia remoto loco facta, aut infans expositus ita obvolutus fuerit, ut a prætereuntibus vix animadverti, vel vagitus ejus non facile auribus percipi potuerit, aut si mors expositi quoquo modo infantis exinde fuerit secuta, factum hoc criminale est delictum.

§. 133.

Pœna criminalis hujus delicti est durus carcer, qui, si infans in vita manserit, vel, si mors ejusdem in casu §. 131. nihilominus subsecuta fuerit, intra unum & quinque annos, secus autem intra quinque & decem annos præfigendus est.

CAPUT XVI.

De vulneratione, aliaque corporali violatione.

§. 134.

Qui cuiquam cum intentione lædendi grave vulnus, aut valetudini ejusdem detrimentum infert, delicto se obstringit, quamvis nec animum interficiendi habuerit, nec mors subsequuta sit.

§. 135.

Vulneratio, aut corporalis violatio sequentibus in casibus criminale delictum evadit:

a.) Si cum læsione illata vitæ periculum conjunctum, vel ea ita saltem comparata fuerit, ut læsus grave inde corporis sui detrimentum capiat;

b.) Si tali instrumento , talique modo suscepta est , quocum vitæ discrimen plerumque cohæret ;

c.) Si aggressio per insidias facta , sicque persona quæpiam violenter , et si verberibus duntaxat , læsa fuerit.

§. 136.

Pœna criminalis hujus delicti est mitior carcer intra tres menses , & unum annum , quæ pro ratione gravioris malitiæ , violentiæ , & læsionis ad quinquennalem etiam durum carcerem protendi potest.

§. 137.

Durus carcer intra unum & quinque annos in eos quoque decernendus erit , qui juxta §. 123. ob illatam in rixa necem tanquam delicti gravis vulnerationis rei puniendi sunt.

§. 138.

Aliæ §. 135. non expressæ graves vulnerationes , aut corporales violationes
qua

qua civilia delicta mitiori carcere intra unum mensem & unum annum puniuntor.

§. 139.

Qui se cum proposito, vitam sibimet ipsi adimendi, graviter vulnerat, aut lædit, criminale delictum committit.

§. 140.

Delinquens ejusmodi cum discrimine, num authochiria ob propriam poenitentiam, num vero casu tantum & invito reo consummata non fuerit, mitiori, vel duro carcere a tribus mensibus usque ad unum annum coercendus erit.

§. 141.

Morte secuta cadaver extra sepulcra defoditor.

§. 142.

Qui eo se sine mutilat, ut officiis sibi qua civi incumbentibus se subducat, delictum civile incurrit.

§. 143.

Pœna hujuscemodi mutilationis est mitior carcer intra unum mensem, & unum annum; quod si mutilatio ad servitia militaria declinanda peracta fuisset, tum delinquens pœna persoluta illi generi servitii militaris, ad quod etiamnum aptus videbitur, mancipandus erit.

CAPUT XVII.

De Duello.

§. 144.

Qui alium quacumque de causa ad certamen singulare armis lethiferis suscipiendum provocat, quique ad talem provocationem conflictus causa se sistit, criminale delictum duelli committit.

§. 145.

Delictum hoc , etsi nullum inde malum secutum fuerit, duro carcere a tribus mensibus usque ad unum annum punitor.

§. 146.

Si in duello vulneratio acciderit , poena duri carceris ab uno usque ad quinque annos decernenda erit.

§. 147.

Si mors alterutrius ex duello secuta est, homicida duro carcere a decem usque ad viginti annos plectitor.

§. 148.

Quovis in casu provocans severius quam provocatus puniatur.

§. 149.

Qui ad provocationem, vel ad ejusdem acceptationem quacumque ratione contribuerit, aut provocationem declinaturus despectum minitatus fuerit, aut exhibuerit, mitior^{is} carcere a tribus mensibus usque ad unum annum; sin id, quod

E 3 con-

contulit, magnum momentum habuerit, & vulneratio, vel ipsa mors subsecuta sit, duro etiam carcere ad quinque usque annos puniendus erit.

§. 150.

Qui duello, ut adstantes, seu ita dicti secundantes, uni certantium adstiterit, ad durum carcerem a tribus mensibus usque ad unum annum, vel prorsus ad quinque etiam annos pro eo, ac ad delicti progressum magis contulerint, majusque malum subsecutum fuerit, condemnandi sunt.

CAPUT XVIII.

De incendio.

§. 151.

Delicti criminalis incendii reus est, qui talem ponit actionem, qua secundum suam intentionem incendium in rebus alienis excitari deberet, etsi flamma non
erupe-

eruperit, nec ullum inde damnum secutum fuerit.

§. 152.

Pœna sequenti discrimine decernenda erit :

a.) Si ignis erupit, & grave læso damnum, aut cuidam homini mortem attulit, uti etiam;

b.) si delinquens incendium diversis vicibus, tametsi semper sine effectu, attentavit; utroque in casu delinquens duro carcere ad dies vitæ, ac pro ratione singularis malitiæ, & gravioris damni severissimo etiam carcere plectitor;

c.) si ignis erupit, nullæ tamen ex mox recensitis circumstantiis adfuere, durus carcer a decem usque ad viginti annos præfigendus erit;

d.) si ignis quidem non erupit, at tempore nocturno, aut tali in loco, unde erumpens facile propagari potuisset, vel ejusmodi sub circumstantiis, ubi vita simul

humana manifesto periculo exposita erat, subjectus est, facti tum auctor duro carcere a quinque usque ad decem annos punietur;

e.) si delictum de die nullo singulari inde periculo imminente commissum, atque ignis subjectus absque eruptione extinctus, vel antequam damnum adferre potuisset, suppressus fuit; delinquens poenam duri carceris intra unum, & quinque annos incurrit;

f.) si delinquens poenitentia ductus, ac opportuno adhuc tempore tantam impendit operam, ut omne detrimentum praepeditum sit, poena duri carceris intra tres menses, & unum annum decernenda erit.

§. 153.

Qui incendium in rebus suis propriis animo jura tertio in eas competentia subvertendi, aut suspicionem delicti in alium torquendi excitat, is haud incendii, sed falsi reus habetor.

CAPUT XIX.

De furto, et aliis amotionibus.

§. 154.

Qui lucri faciendi gratia bonum mobile alienum alteri id possidenti præter illius consensum subripit, furtum committit.

§. 155.

Furtum vel ex quantitate rei ablatae, vel ex qualitate facti, vel ex conditione delinquentis in criminale delictum abit.

§. 156.

Ex quantitate rei ablatae furtum criminale delictum erit, si summa, vel pretium rei furto semel, aut iteratis vicibus ablatae, viginti quinque florenos viennenses excedit. Coeterom pretium hoc non ex emolumento furi obtingente, verum ex damno illius, qui furtum passus est, computandum erit.

E 5 Ex

§. 157.

Ex qualitate facti furtum criminale est delictum, vel

I. nulla habita quantitatis ratione, si durante incendio, inundatione, aut alia si-
ve communi siue peculiari ejus, qui fur-
tum patitur, calamitate commissum fuerit,
vel

II. si summam quinque florenorum ex-
cedit, ac præterea *a.*) in consortio unius
vel plurium complicum, aut *b.*) in loco
cultui divino dedicato, vel *c.*) in re obse-
rata, aut *d.*) denique in pecude de pas-
cuis vel de agmine perpetratum fuerit.

§. 158.

Ex conditione delinquentis furtum cri-
minalibus adnumeratur delictis:

I. nullo habito quantitatis respectu,
si delinquens bis jam a judice ob furtum
poena tametsi non criminali mulctatus
fuerit;

II.

II. si famuli, vel ancillæ hero, aut heræ, opifices, vel operarii magistro, aut illi, cui operam locaverant, pretium vel summam quinque florenos excedentem furati fuerint.

§. 159.

Si præter ea, quæ §. §. 156. 157. 158. ad delictum criminale furti requiruntur, nulla adest circumstantia aggravans, durus carcer intra tres menses & unum annum poena esto.

§. 160.

Si vero ad id, quod alioquin jam, ut furtum delictum criminale sit, sufficeret, altera adhuc memoratarum in reconfitis §. §. circumstantiarum accesserit; tum poena duri carceris intra unum, & quinque annos statuenda erit.

§. 161.

Si summa rei furto ablatae trecentos florenos excedit, vel furtum passo grave pro modo facultatum suarum damnum il-

la-

latum , aut furtum singulari quadam temeritate , vi , vel astutia peractum fuerit , denique si delinquens furandi consuetudinem contraxerit , durus carcer a quinque usque ad decem annos decernendus erit.

§. 162.

Delinquens , qui bis jam ob furtum poenam criminalem subiit , ad durum carcerem a decem usque ad viginti annos condemnandus erit.

§. 163.

Furtum nocturno tempore admissum , vel diuturnitate , vel exasperatione poenæ severius semper habetor , quam si caeteris paribus de die perpetratum fuisset.

§. 164.

Qua furti reus is etiam criminaliter tractandus est , qui rem vi officii publici , vel speciali potestatis superioris mandato sibi concreditam summa vel pretio viginti quin-

quinque florenos excedentem sibi tenere
arrogat.

§. 165.

Talis delinquens criminalis, si res ab
eo interversa centum florenos non exce-
dit, ad durum carcerem ab uno usque ad
quinque annos, si damnum majus fuerit,
ad decem, vel viginti etiam annos con-
demnandus erit.

§. 166.

Furta, in quibus ea, quæ secundum
§. §. 156. 157. 158. ad qualitatem delicti
criminalis requiruntur, non interveniunt,
qua civilia delicta tractanda erunt.

§. 167.

Pro civilibus delictis habenda quoque
sunt, *a.*) omnia ferarum furta, *b.*) ligno-
rum item furta in patentibus silvis, nisi
peculiare delictum criminale concurrat.

§. 168.

§. 168.

Ubi furtum delictum civile est, pro gradu malitiæ, elucentis ex eo periculi, illatque damni, mitiori, vel duro carcere ab uno mense usque ad unum annum, sique res ablatae exigui prorsus fuerint valoris, infra unum mensem puniendum erit.

§. 169.

Qua particeps furti delicto se obstringit, qui rem furtivam occultat, eam sibi adquirere aut aliis distrahere molitur.

§. 170.

Si huic *a.*) ex summa aut ex pretio rei, seu ex iis, quæ gesta sunt, constiterit, furtum sub qualitate delicti criminalis commissum fuisse, vel *b.*) si res furtivæ ab eo repetitis vicibus occultatae, sibi habitæ, aut alienatae simul sumtæ summam vel pretium viginti quinque florenorum excedunt, tunc participatio delictum criminale est.

§. 171.

§. 171.

Participationis istiusmodi reus mitiori a tribus mensibus usque ad unum annum, pro ratione vero majoris summæ, astutiæ, illatque suo auxilio damni ad quinque etiam annos prorogando carcere plectendus erit.

§. 172.

Participatio ferarum vel lignorum furti §. 167. memorati, quovis in casu pro civili delicto habenda est.

§. 173.

Participatio aliorum, quæ pro civilibus declarantur, furtorum eo usque delictum civile erit, donec ob reiterationem ex eaque provenientem summam secundum §. 170. (b) in criminale delictum abeat.

§. 174.

In participes furti, qui civilis delicti rei sunt, pæna ex §. 168. decernitor.

§. 175.

§. 175.

Qui peculiari in §. 164. expresso nexu non obstrictus bonum aliquod sibi concreditum intervertit, retinet, & in proprios usus convertit, amotionis pro civili delicto habendæ & ad normam §. 168. puniendæ reus est.

§. 176.

Amotiones inter conjuges, parentes, liberos, fratres, atque sorores, quamdiu in communi vivunt familia, evenientes, solummodo, si caput familiæ id ipsum petierit, tanquam delicta civilia conformiter ad §. 168. puniri poterunt.

§. 177.

Quodvis furtum, vel amotio cessat esse delictum, si auctor facti rem furto ablatam, vel amotam, antequam is judicialiter innotescat, sponte restituerit, damnumque ex facto suo emergens reparaverit. Idem in furti participatione obtinet.

§. 178.

CAPUT XX.

De rapina.

§. 178.

Rapina est delictum criminale. Hujus reum se facit, qui personæ vim eo fine infert, ut bono mobili, eidem aut etiam alteri personæ proprio, potiatur, nec interest, an vis corpori reapse illata, an minis saltem intentata fuerit.

§. 179.

Sola jam hujusmodi comminatio, etsi ab uno tantum profecta, nec ullum effectum sortita sit, duro a quinque usque ad decem annos carcere vindicanda erit.

§. 180.

Si vero comminatio in consortio complurium rapinæ sociorum, vel lethiferis armis suscepta, vel res cum comminatione

Cod. Pœn.

F

pla-

plane rapta fuerit, durus carcer a decem usque ad viginti annos in poenam decernendus erit.

§. 181.

Eadem poena obtinet, si in personam violentæ manus injectæ fuerint, quamvis rapina perfici non potuerit.

§. 182.

Rapinæ violenta manuum injectione susceptæ atque omnino consummatæ durus carcer ad dies vitæ imminet.

§. 183.

Si ad rapinam vulneratio quoque, vel læsio corporis accesserit, qua vitæ periculum, aliudve grave corporis detrimentum cuipiam adlatum fuerit, quivis in hoc complex severissimo ad dies vitæ carcere puniendus erit.

§. 184.

Qui rem, quam raptam novit, licet levis summæ, vel pretii, occultat, distra-

strahit, aut sibi adquirere tractat, ut particeps criminalis delicti rapinae duro intra unum & quinque annos carceri subjicitor.

CAPUT XXI.

De falso.

§. 185.

Qui alium fraudulenter circumveniendo in errorem inducit, ut quisquam damnum in re aut jure suo patiatur, vel qui talem fovens intentionem, errore, aut ignorantia alterius abutitur, falsum committit, quod inter delicta refertur.

§. 186.

Falsum, vel ex qualitate facti, vel ex quantitate damni in delictum criminale abit.

§. 187.

Species, in quibus falsum ex qualitate facti tanquam delictum criminale imputandum est, sunt, sequentes:

a.) si quis alium ad falsum testimonium in judicio dandum subornaverit, vel falsum testimonium judicio obtulerit, aut reddiderit, vel denique in causa propria falsum juramentum obtulerit, vel plane præstiterit;

b.) si quis se officialem publicum esse simulaverit, aut mandatum magistratuale, vel datum sibi a publica quadam potestate jus mentitus fuerit;

c.) adulterinæ in commercio publico mensuræ, vel ponderis usus;

d.) cum quis documentum publicum vel ex ordinatione publica cum impressione sigilli fieri solitam signationem seu probationem effingendo imitatur, aut adulterat;

c.) si termini ad designandos limites positi auferuntur aut moventur.

§. 188.

Alia falsi genera criminalia sunt delicta, cum damnum illatum aut saltem intentatum viginti quinque florenos excedit.

§. 189.

Tamet si omnes fallendi modi ob nimiam eorumdem diversitatem in codice praesenti enumerari nequeant, speciatim tamen sub conditione mox memoratae summae delictum criminale committit:

a.) qui falsa privata documenta concepit, aut genuina adulterat;

b.) qui imbecillitate alterius, mentem ejus praestigiosis aliisque fraudulentis artibus obcaecando, in ejus ipsius aut tertii detrimentum abutitur;

c.) qui res inventas ex proposito occultat, & tanquam sibi proprias habet;

d.) qui falsum nomen, conditionem, dignitatem usurpat, se dominum bonorum ad alios pertinentium simulat, aut quocumque furo utitur, ut injustum lucrum facere, alterius bona aut jura eidem competentia lædere, vel eum ad ejusmodi noxias actiones inducere valeat, quas citra fraudem sibi factam nunquam suscepisset;

e.) obærat, qui profusione imparem se solvendo reddidit, qui machinationibus fidem protrahere conatus est, qui fictitios creditores prætegendo, aut alias conventiones subdole tractando, aut partem patrimonii sui occultando genuinum bonorum (vulgo massæ) statum pervertit.

§. 190.

Cum falsi mitius, severiusque vindicandi ratio a comitantibus circumstantiis dependet; in poenam criminalem pro modo adhibitæ fraudis, possibilis adversus eam cautelæ, imminentis inde peri-

culi, datique damni jam mitior jam durus
 carcer trium mensium irrogari, verumta-
 men etiam ad decem annos protendi im-
 mo & exasperari poterit. Præcipue au-
 tem fraudulentus in ea specie, qua delicto
 suo falsi jurisjurandi in judicio oblatio
 aut ipsa plane præstatio accesserit, præ-
 ter duri & longioris carceris poenam ad
 infamem catastam exponatur.

§. 191.

Si memorata §. §. 187. & 188. ad cri-
 minale delictum requisita deficiunt, delictum
 falsi §. 185. definitum tanquam civile
 tractandum, & mitiori intra unum men-
 sem & unum annum carcere vindicandum
 erit.

CAPUT XXII.

De bigamia.

§. 192.

Qui superstiti conjuge cum alia persona novas contrahit nuptias criminale delictum admittit.

§. 193.

Ejusdem delicti rea fit persona soluta, cum persona maritata, quam talem esse novit, matrimonium iniens.

§. 194.

Pœna bigamiæ est mitior carcer ab uno usque ad quinque annos. Si vero delinquens personam, quacum novas init nuptias, matrimonii, quo tenetur, vinculum celaverit, duro carcere plectitor.

CA-

CAPUT XXIII.

Decalumnia.

S. 195.

Qui bonam alterius existimationem, eum seu criminalis, seu etiam civilis tantum delicti temere infimulando, lædere conatur, delicti calumniæ se reum reddit.

S. 196.

Ubi criminatio intra fines indeterminatæ incusationis perstitit, nec ullum damnum infamato attulit, qua civile delictum calumniæ dijudicanda, & mitiori carcere unius mensis usque ad annum coercenda est.

§. 197.

Ast si calumniator criminationem colorata quadam ratione probabilem reddere studuit, aut si calumnia diffamato insigne detrimentum importavit; calumnia-

F 5 tor

tor pro criminali delinquente habendus,
& duro intra unum & quinque annos car-
cere plectendus erit.

CAPUT XXIV.

De subsidio delinquentibus præstito.

§. 198.

Delicti ejusdem, quo immediatus se auc-
tor obstringit, eos quoque reos habendos
esse, qui opem, auxiliumque ei præbue-
re, jam §. 10. continetur. Sequentibus
vero in casibus singularis delicti reum se
quoque reddit is, qui delinquenti ope sua
adeft aut saltem non deest.

§. 199.

Præmus casus: si quis criminale delic-
tum, quod citra proprium periculum fa-
cile impedire poterat, ex malitia averte-
re intermiserit.

§. 200.

§. 200.

Qui in crimine perduellionis id ipsum intermittit, ad normam §. 45. pro complice habendus, & severissimo ad dies vitæ carcere puniendus erit.

§. 201.

Qui alia criminalia delicta supra allegato modo præpedire intermittit, delinquens criminalis censendus & dimidio illius poenæ, quæ facto ab eo cognito nec tamen impedito imminet, adficiendus est. Quod si poena facti mors, seu carcer ad dies vitæ fuerit, præstiti tum ejusmodi subsidii reus duro intra decem, & viginti annos carcere plectitor.

§. 202.

Secundus casus: si quis notum sibi perduellionis, vel adulterationis chartarum publicarum reum potestati superiori denunciare consulto intermittit,

§. 203.

Delinquens ejusmodi criminalis poenæ §. §. 46. & 201. præscriptæ subiacet. Eo solum in casu, quo denunciationem adulteratoris chartarum publicarum intermittens convictus esse poterat, ex intermissa denunciatione noxias consecutiones ultra haud orituras esse, in eum tanquam delinquentem civilem duro carcere a tribus mensibus usque ad annum animadvertendum est.

§. 204.

Soli consanguinei delinquentis, tum ascendentis, tum descendens lineæ, qui-que primo ei affinitatis gradu juncti sunt; fratres porro atque sorores, consobrini, atque fratrueles, nec non conjux istiusmodi delinquentem indicare intermittentes, siquidem delictum consummatum nec ullum malum consecretarium ultra pertimescendum est, a poena, quatenus §. 46. non obstat, immunes sunt.

§. 205.

§. 205.

Tertius casus : qui investiganti potestati superiori apta ad detegendum delictum aut delicti auctorem indicia occultat, aut delinquentem eandem celat, notis sibi delinquentibus refugium præbet, aut conventiculis eorundem, quæ præpedire potuisset, suffragatur.

§. 206.

Talis occultator civilis delicti reum se reddit, & pro ratione imminentis ab occultato delicti auctore periculi, profectæque a subsidio suo noxæ, mitiori, vel duro carcere a tribus mensibus usque ad tres annos puniendus erit.

§. 207.

Attamen personæ, quas inter & delinquentem in §. 204. commemoratum necessitudinis vinculum obtinet, ob solam ejusmodi occultationem poenæ reatum non incurrunt.

§. 208.

§. 208.

Quartus casus: si quis comprehenso occasionem ad fugam, seu fraude, seu vi faciliorem reddiderit, vel investigantibus superioribus, ne profugus comprehenderetur impedimento fuerit.

§. 209.

Istiusmodi subsidium criminale semper est delictum. Quod si ab eo, cui custodiae cura incumbit, suppeditatum, vel si subsidium adferenti notum fuerat, comprehensum perduellionis, adulterationis chartarum publicarum, vel monetæ falsæ, homicidii, rapinæ, vel denique incendii inculatum, vel plane reum jam declaratum esse; delinquens duro carcere, ac siquidem ei, qui ob crimen perduellionis, vel adulteratarum chartarum publicarum sub carcerum custodia detinetur, subsidium præstat, inter quinque & decem annos, in reliquis vero hic expressis casibus

bus intra unum & quinque annos puniendus erit.

§. 210.

Sin comprehensus ob aliam præcedenti §. haud expressam causam inquisitioni, vel poenæ obnoxius fuerit, & subsidium præbens nullo peculiari officio ad ejus custodiam tenetur, mitiori carcere intra tres menses, & unum annum plectendus erit.

§. 211.

Quintus casus. Si quis militem ad signa, atque vexilla juratum, aut eum qui servitio militari addictus est, ad militiam deferendam impulit, aut ei consilio & opera præsto fuit, aut desertori signorum, emendo de eò vestitum aut arma, monstrando viam, porro vestium mutatione, occultatione, receptatione, vel quacumque demum ratione auxiliarem operam præbuit, atque ita vel desertionem faciliorem, vel percuntationem,
at-

atque reductionem ejusdem cunctiliosorem reddidit.

§. 212.

Præstiti ejuscemodi subsidii reus, militiæ, si ad hanc aptus fuerit, tradendus est. Inhabilis militiæ non modo pro quovis profugo e copiis pedestribus milite quinquaginta florenos, sique ex equitatu fuerit, centum florenos persolvere, sed & tanquam delinquens civilis poenam minoris carceris intra unum mensem, & annum subire tenetur. Si solutionem ærario militari præstare nequiverit, tum poena duratione aut exasperatione augenda est. Quamvis porro desertor signorum reductus fuerit, propterea, quæ in hoc §. disponuntur, nequiquam immutantur.

CAPUT XXV.

De circumstantiis poenam mitigantibus.

§. 213.

Circumstantiæ personam delinquentem respicientes, propter quas poena mitigari poterit, hæ sunt:

a.) si delinquens viginti annis minor, vel alias mente debilis fuerit;

b.) si vitam antea inculpatam duxerit;

c.) si se, tertio quodam impellente, timore, aut obedientia seduci siverit;

d.) si vehementi quadam, quæ hominum mentes ferire solet, animi commotione ad perpetrandum delictum abripi se passus fuerit;

e.) si magis data sibi per aliorum negligentiam occasione ad delictum allectus

Cod. Poen.

G

fu.

fuerit, quam se præconcepta ad illud committendum intentione determinaverit;

f.) si inopia, qua premebatur, ad facinus perpetrandum induci se passus fuerit;

g.) si damnum datum resarcire, vel ulteriores malas consecutiones ex poenitentia haud simulata, ac efficaci fervore impedire studuerit;

h.) si, dum fugam facile capessere, aut delitescere potuisset, se ipsum denunciaverit, delictumque a se patratum fassus fuerit;

i.) si ex poenæ rigore modus ac quæstus, quo innocens familia sustentatur, insigne detrimentum caperet.

§. 214.

Ex qualitate facti poena mitigari poterit:

a.) si delictum solummodo attentatum fuerit, pro ratione scilicet, qua conatus, ab ipsa delicti consummatione plus, minusve remotus est;

b.)

b.) si delinquens a majori damno inferendo , ad quod occasio ei præsto fuerat , ultro se abstinuerit ;

c.) si damnum e delicto emergens exiguum fuerit , aut damnum passus , vel læsus plenam obtinet resarcitionem aut satisfactionem.

CAPUT XXVI.

De circumstantiis delictum aggravantibus.

§. 215.

Quo maturior erat deliberatio , quo sollicita magis ad patrandum delictum præparatio , quo majus damnum datum , aut imminens exinde periculum , quo difficilior ad id declinandum circumspectio , quo plura una violantur officia , eo majus est delictum , eo major sit rigor poenæ.

G 2 §. 216.

§. 216.

Speciatim gravior est illius reatus, qui

a.) plura diversi generis delicta commisit; vel

b.) qui idem delictum reiteravit;

c.) qui jam similis delicti poenam dedit;

d.) qui alios ad delictum committendum seduxit, vel

e.) qui auctor, concitator, ac coryphæus delicti a pluribus commissi fuit.

§. 217.

Is quoque delinquens severius puniendus est, qui judicem in inquisitione falsas fingendo circumstantias circumvenire conatur.

CAPUT XXVII.

De dijudicandis circumstantiis mitigantibus, et aggravantibus.

§. 218.

Motivorum mitigantium eatenus tantum ratio haberi potest, quatenus contraria ex parte nulla obveniunt aggravantia.

§. 219.

Pœnam mortis ex lege delinquenti irrogandam iudex nunquam mitigare potest.

§. 220.

Sed & in delicto carcere perpetuo plectendo mitigandi causæ ea tantum ratione prodesse possunt, quatenus iis deficientibus pœna plane exasperanda fuisset.

§. 221.

In aliis delictis regula esto: Determinatam a lege durationis mensuram, pœnæque genus ob circumstantias mitigantes

G 2 neu-

neutiquam immutari, sed tempus duntaxat poenæ intra limites spatii per legem concessi coarctari posse.

§. 222.

In casibus a lege pro civilibus tantum delictis declaratis, nec non, ubi a lege poena infra quinque annos statuta est, poenam ad brevius tempus aut ad mitiorem carcerem, quam lex decernit, temperandi jus esto, si modo plures ac tales concurrunt leniendi rationes, ob quas firma de emendatione delinquentis spes concipi valet.

§. 223.

In iisdem casibus mitigatio poenæ quoad tempus ac gradum carceris in eo consistere potest, ut longiori durationi poena sensibilibior, jejunio scilicet aut castigatione exasperata, substituatur.

§. 224.

Aggravantium circumstantiarum is est effectus, ut iis convenienter major aut summus, quem lex definit, gradus carceris poenæ decernendus, aut etiam hæc modis in capite secundo adductis exasperanda sit.

CAPUT XXVIII.

De modis, quibus delicta ac poenæ extinguuntur.

§. 225.

Mors delinquentis, sive ea ante, sive post coeptam inquisitionem, ante, vel post latam in eum sententiam evenerit, persecutionem delinquentis, & poenæ executionem quidem tollit, lata tamen jam antehac sententia, quantum ad bona delinquentis attinet, executioni mandanda erit.

§. 226.

Postquam delinquens poenam decretam persolvit, delictum extinctum censendum est. Is porro in omnia civibus communia jura regreditur, quatenus eorum jactura nec sub expressis in §. 35. condemnationis confectariis comprehensa, nec cum ea per §. §. 36. & 37. copulata est. In usu proinde ejusmodi jurium a nemine unquam impediri, aut turbari poterit. Et donec ulterior ejus vita proba fuerit, quod actum fuit, a nemine ei objiciatur, nec quacumque demum ratione probis ideo proscindatur.

§. 227.

Qua ex parte poena irrogata remissa fuerit, ea remissio eundem, ac si delinquens poenam subiisset, effectum habet.

§. 228.

Qui a competenti foro post legitimam inquisitionem de inculpato crimine absolutus

tus & innocens declaratus est, in eum ob idem delictum rursus inquiri haud potest.

§. 229.

Præscriptione delictum & poena exstinguitur, si, a die perpetrati delicti inchoando, delinquens tempore præsentis lege definito inquisitioni subjectus non fuerit.

§. 130.

Tempus præscriptionis hujus

a.) pro delictis criminalibus, in quæ seu mortis, seu perpetui carceris poena statuta est, ad viginti annos;

b.) pro iis, quibus poena decem annorum usque ad viginti annos imminet, ad decem annos; pro delictis criminalibus, in quæ poena infra decem annos sancita est, ad quinque annos; pro omnibus demum delictis civilibus ad duos annos præfigitur.

§. 231.

Præscriptio tamen ei solum patrocinari potest, qui nec e ditionibus hisce fu-

gam cepit , nec præfinito præscriptionis
tempore ullius se ultra delicti reum fecit.

§. 232.

Præscriptionis is est effectus , ut ob id
delictum nec inquisitio , nec poena locum
habeat.

P A R S II.

D e

legitimo in delicta procedendi
modo.

CAPUT I.

De jurisdictione circa delicta.

§. 233.

In caussis criminalibus nonnisi judiciis poenalibus, peculiariter ad eas tractandas destinatis, jurisdictio competit, quatenus aliud præsentis codice non est definitum.

§. 234.

Hiscæ judiciis poenalibus in iis quoque caussis jurisdictio præsentis lege tribuitur,
quæ

quæ tenore hujus codicis tanquam civilia delicta dijudicanda sunt.

§. 235.

Jurisdictio judicii poenalis in toto ejus districtu obtinet, adeo, ut nulla in eodem existens persona aut communitas immunitate gaudeat.

§. 236.

Hæc jurisdictio consistit in officio in delicta inquirendi, delinquentes detegendi, cumque his modo legitimo procedendi.

§. 237.

Quilibet intra limites districtus degens tenetur, in judicio poenali, quod eum citandum existimaverit, comparere, interrogatus respondere, atque mandatis ejusdem obtemperare.

§. 238.

Judicium poenale jurisdictionem suam vi officii exercere debet, præterquam in casibus supra §. §. 102. 106. 109. 176. expressis.

§. 239.

§. 239.

Quæ ad hanc jurisdictionem pertinent negotia, præcipua cura maturantur. Omnes porro reliquæ præfecturæ a judiciis poenalibus interpellatæ, auxilium eis nulla interposita mora præstare tenentur.

§. 240.

Exercitium jurisdictionis in judiciis poenalibus iis tantum committi potest, qui prævio examine riguroso ex præsentis codice a tribunali appellationis habiles declarati fuerint. Tali modo adprobatus mox a tribunali appellationis juramento obstringatur, se in jurisdictione poenali, si qua ei exercenda obtigerit, justitiam secundum leges esse administraturum.

§. 241.

Præterea in judiciis poenalibus necessarij pro modo districtus adparitores constituendi, carceres numero congruo & in legitimo statu conservandi, ea denique cuncta comparanda sunt, quæ demanda-

ta iisdem juris administratio postulat. Publica tamen judiciorum poenaliū aut locorum supplicii designatio haud permittitur.

§. 242.

Corpus delicti a iudicio poenali, in cuius districtu delictum commissum fuit, levator.

§. 243.

Adversus personam delicti inculatam procedendi ius ei iudicio poenali competit, in cuius districtu talis persona deprehenditur.

§. 244.

Sequentes duntaxat excipiuntur casus :

- 1.) Qui perduellionis, adulterationis chartarum publicarum, monetæ falsæ inculatur, ad iudicium poenale cracoviense, ut legitime adversus eum procedatur, transmittendus est.

2.) Personæ ad exercitum pertinentes , si delicti causa adprehenduntur , proximæ militari præfecturæ tradendæ sunt.

3.) Extraneum ministrum, personasque ad legationem proprie pertinentes adprehendere nulla ratione licet. Domestici quoque, & aliæ ad famulitium legati spectantes personæ , siquidem nationis ablegantis subditi fuerint, foro communi haud substant. Quamobrem si cum ejusmodi domesticis aut famulatio legati casus contingeret, tunc equidem præfectura personam inculatam custodire , attamen ministro id aperire tenetur, ut is comprehensum recipere valeat.

4.) Si judicium poenale profugum e districtu suo persequitur , is huic judicio , ubicunque demum eum assequitur , relinquitur.

5.) Si a poenali judicio delicti causa edicto citatus, in alio judicio poenali deprehenditur, priori extraditor.

§. 245.

Quoniam communis securitas præcipue a concredita judiciis poenalibus juris administratione pendet, quævis in ea admissa negligentia gravi obnoxia est animadversioni. Ubi itaque constiterit, delinquentem mora judicii poenalis legitimum procedendi modum evasisse, id ipsum judicium non modo illis, qui ea de causa indemnitatem suam amiserant, damnum refarcire, sed & omnes impensas, quas aliud judicium poenale delicti hujus causa tulit, refundere tenetur. Præterea is, qui se moræ reum fecit, poenæ subjicitor.

§. 246.

Judicia poenalia tribunali appellationis, utpote tribunali superiori, hocque supremo justitiæ tribunali subjectum est.

§. 247.

Tribunali superiori facultas conceditur, in locum judicii poenalis ordinarii
aliud

aliud ad causam tractandam delegandi, quoties id inculpati ad iudicium ordinarium ejusve administrationem relatio, aut causæ connexitas ad maturiorem atque solidio rem pertractationem, aliaque iusta causa exigit.

CAPUT II.

De

investigandis delictis, et delinquentibus.

§. 248.

Qua ratione non solum iudicia poenalia, sed & praefecturae loci in otiosas, vagabundas, suspectasque personas sine peculiari quoque ansa curate invigilare, sique violentae invasiones commissae, vel aliae periculosae facinorosorum catervae observatae fuerint, aptas visitationes, atque investigationes instituere teneantur; id jam politicae ordinationibus sancitum est.

Cod. Poen.

H.

§. 249.

§. 249.

Sin autem iudicio poenali determinatum, in suo districtu patratum delictum innotuerit, sive a iudicio ipso detectum, sive eidem indicatum fuerit, modum, quo ad hanc notitiam pervenerit, exacte protocollo inferat.

§. 250.

Quilibet notum sibi delictum, atque delinquentem seu immediate iudicio poenali, seu proximæ præfecturæ indicandi jus habet.

§. 251.

Delator tamen nomen suum, vitæ conditionem, atque domicilium profiteatur, & delatio determinatam facti relationem contineat.

§. 252.

Ad anonymam delationem adversus neminem proceditor. Quod si ejusmodi delatio talem delicti descriptionem secumferat, quæ fidem mereri videtur, occasio-

nī esse poterit, ut rei veritas, omni tamen circumspectione adhibita, indagetur.

§. 253.

Sin autem delationi exacta solum circumstantiarum enarratio deficiat, iudicium poenale ea, quæ haud satis perspicua sunt, delatoris examine aliaque congrua scrutatione dilucidare studeat.

§. 254.

Delator, ut nomen suum occultetur, petere potest. Ubi tamen in progressu substantiales facti circumstantiæ falsæprehenduntur, inculato revelator.

§. 255.

Ad omnes præfecturas atque munera pertinet, ut delicta, seu ab ipsis observata, seu iisdem indicata quantocyus ad iudicium poenale referant, delinquentes apprehendant, eosque ad iudicium poenale transmittant.

§. 256.

Quicumque *a.*) tendentis ad perditionem, seditionem atque tumultum, adulationem chartarum publicarum, monetam falsam, homicidium, rapinam, atque incendium, conatus notitiam habet, vel *b.*) de ejusmodi delicto recens perpetrato superiores eo tempore, quo id iis nondum innotuisse conjicere potest, certiores reddere, vel *c.*) ignotum superioribus ejusmodi delicti auctorem cum certitudine indicare, vel *d.*) noti quidem aut profugi, aut latitantis istiusmodi delinquentis commorationem revelare valet, is id illico cum cunctis sibi cognitis circumstantiis, iudicio poenali, vel proximæ præfecturæ indicare tenetur.

§. 257.

Qui hoc officium prætermittit, is poenas legibus politiæ præscriptas incurret. Quatenus vero certis in casibus intermissio isthæc tanquam delictum imputetur, jam

jam supra §. 202. usque ad §. 204. expositum est.

§. 258.

Consanguinei tamen delinquentis, tum ascendentis tum descendentis lineæ, ejus conjux, fratres, atque sorores, consobri-
ni, atque fratrueles, quique eodem ei
affinitatis gradu juncti sunt, excepto casu
§. 204. expresso ob intermissam delatio-
nem animadversioni haud sunt obnoxii.

§. 259.

Simul ac judicio pœnali delictum in
suo districtu perpetratum innotuerit, non
attento eo, an delicti auctor notus sit, nec
ne, corpus delicti nulla interposita mora
levare tenetur.

§. 260.

Finis hujus indagationis est, ut *a.*) de-
lictum perpetratum esse liqueat, *b.*) cunc-
ta, quæ ad ulteriorem causæ pertracta-
tionem facere queunt, eruantur, atque

H 3 *adversus delictum.*)

c.) incertus forte adhuc delicti auctor detegatur.

§. 261.

Quamobrem indagatio ita instituenda est, ut, quæ acciderunt, secundum coherentem circumstantiarum seriem, quantum fieri potest, accurate explorentur, ea quæ ad augendum vel minuendum delictum faciunt, dilucidentur, & indicia investigentur, quæ ad detegendum reum, complices, eosve, qui conscientiam delicti habent, viam pandunt.

§. 262.

Si delictum vestigia aut in loco, aut in persona læsa reliquerit, investigatio in eo ipso loco aut in persona læsa suscipitor.

§. 263.

Donec delictum iudicio poenali indicatur, & usque dum levatio corporis delicti instituitur, vestigia atque ea omnia, quæ ad pleniorum facti ejusve conditio-

nis

nis cognitionem faciunt, in eo, quo tempore detecti delicti fuerant, statu, quatenus citra gravioris damni metum fieri potest, conservantur.

§. 264.

Si jurisdictionem administrans officialis tempore indicationis iudicio poenali factæ absens foret, aut alia ratione alevando corpore delicti impediretur, alius officialis attamen ad hoc munus ob-eundum omnino idoneus ablegatur.

§. 265.

Præterea huic investigationi duas personas judiciales, aut saltem duos fide dignos viros e domo aut e vicinia commissi delicti tanquam assessores adesse oportet.

§. 266.

Immo si delictum tale fuerit, ut ad conditionem ejus e vestigiis eruendam per-
ritorum in arte aliqua aut scientia iudicium requiratur, tunc una ejusmodi per-

sona, sique nullum fuerit in mora periculum, duæ adhibeantur necesse est.

§. 267.

Artis peritus alioquin jam vi conditionis suæ jurisjurandi religione obstrictus, sub fide jurata admonendus est, ut veritatem rei curate eruat, atque ea, quæ scire necesse est, religiose & perspicue indicet : alias hujus tenoris juramentum ab eo exigendum est.

§. 268.

Speciatim cum quis læsus, vulneratus, aut occisus fuerit, læsus aut occisus sollicitè inspicere, numerus & conditio vulnèrum, an & quatenus quævis plaga aut violatio periculosa aut quæ lethifera sit, determinari, instrumentum, quo vulneratio aut occisio effecta est, quantum fieri potest, denotari, porro an mors necessarie ex ipso facinore, aut ex adjunctis sequuta fuerit, declarari, denique gradus adhi.

hibitarum insidiarum, violentiæ aut atrocitatis ex detectis vestigiis observari debet.

§. 269.

In delictis, per quæ vi dolove jactura rebus infertur, aut intentatur, vis, dolive, tum mediorum, quibus reus usus est, nec non damni dati certitudo eruenda, simulque perpendendum est, an delictum ab unico committi potuerit, aut quæ opitulatio ex circumstantiis elucescat.

§. 270.

Instrumenta delicto inservientia, obiecta delictum præseferentia, res furtivæ, raptæve, aut facinoroso propriæ, quæ in loco delicti relictæ, & in levatione corporis delicti repertæ sunt, prævia descriptione a judicio poenali, quoad fieri potest, adservandæ, possessori tamen literæ acceptum testantes dandæ erunt.

§. 271.

Super instituta oculari inspectione, atque cunctis, quæ hac occasione explorata fuere, accuratum, & completum protocollo conficiatur, & ab assessoribus subscribatur.

§. 272.

Huic protocollo pariter subscripta eorum consignatio, quæ in judicii depositum recepta fuere, nec non adsciti fors artis periti scripta relatio, quam de reposito rei statu exhibere tenetur, adjungatur; sin isthic id, quod reperit, coram proferre malit, hæc indicatio eidem super oculari inspectione confecto protocollo exacte inferatur, ab eoque subscribatur.

§. 273.

Proximum est, ut judicium poenale læsum, domesticos, eosque omnes, qui optimam notitiam habere pæsumuntur, dieoque ad illustrandas facti circumstantias, atque ad detegendum reum confer-

re

re valent, plene examinet, eorum dicta protocollo inferat, aut examen eorum, qui alii iudicio poenali subsunt, provideat.

§. 274.

In hunc finem interrogandus prævie admoneatur, ut dicta sua probe perpendat, veritatem ingenue indicet, ideoque nec suspicionem fundamento carentem moveat, nec inculpationem augeat, nec notas sibi circumstantias reticeat, nec veram rei conditionem minuere studeat.

§. 275.

Mox ei quæstiones de nomine suo, cognomine, ætate, natalium loco, religione sua, statu ac reliquis omnibus, quæ pro circumstantiarum ratione de ejus persona scire interest, proponendæ sunt.

§. 276.

§. 276.

Damnum passus interrogandus erit ,
a.) quod damni objectum , quæ vera
ejus æstimatio sit, *b.)* quo modo dam-
num illatum fuerit, *c.)* quid ipse ad aver-
tendum damnum fors egerit , *d.)* quid
denique ad ulteriorem investigationem ,
vel ad obtinendam indemnitatem in me-
dium adferre valeat.

§. 277.

Sin certitudo damni ex læsi indica-
tione ob absentiam , mentis debilitatem,
aut alia impedimenta erui nequiret, aut
graves urgeant conjecturæ, eundem in
damni indicatione modum excedere, tum
in iis speciebus, in quibus delicti quali-
tas a quantitate damni pendet, vera
quantitas interrogatione eorum, quibus
damni objectum compertum est, aut si
res ferat, per æstimatores ab omni par-
tium studio alienos exploranda erit.

§. 278.

§. 278.

In examinandis domesticis , aliisque factum contestari valentibus , peculiarium , sub quibus delictum commissum est , circumstantiarum ratio habenda erit. Generatim interrogationes ita formantor , ut interrogato haud peculiare circumstantiæ suggerantur , sed ansa præbeatur ad id , quod de re compertum habet , sponte sua indicandum , atque ut id duntaxat , quod ad integritatem narrationis pertinet , singularibus quæstionibus suppleatur. Semper vero ratio scientiæ personæ interrogatæ indaganda erit.

§. 279.

Ei , qui damnum delicto passus est , nec non alteri cuivis testi , qui hac in perveſtigatione interrogatus apta ad rem indicat , dicta sua , prout protocollo inscribebantur , distincte recitanda sunt , addito , ea jurejurando quoque firmanda esse.

§. 280.

§. 280.

Quæ occasione hujus recitationis a testibus monentur, protocollo adnectenda sunt. Absolutum protocolum ab examinato subscribendum; sin scribendi imperitus esset, signum manuale adponendum, ac duorum eum in finem arcessitorum testium subscriptione confirmandum est.

§. 281.

Porro a teste juramentum de veritate & integritate indicationis suæ accipitor. Ubi tamen testi innixa præsentì codici exceptio obstiterit, hæc juramenti exactio aut omnino aut saltem ad ulteriorem rei illustrationem usque intermittitor.

§. 282.

Ubi delicti conditio inspectionem ocularem respuit; attamen ejusdem certitudo præscripto examine testium §. 273. memoratorum eruenda est.

§. 283.

§. 283.

In casibus urgentibus, dum corpus delicti a judicio poenali ob distantiam promte levare nequit, adeoque occasio id levandi elabi, aut ulterior causæ pertractatio impediri aut protrahi posset, præfectura loci, in quo delictum commissum aut denuntiatum est, & si illarum plures fuerint, ea, cui tranquillitatis, ordinis & securitatis cura competit, id omne, quod ad promptam investigationem pertinet, modo supra præscripto exequi, & quæ acta sunt, judicio poenali transmittere tenetur.

CAPUT III.

D e

legitima perpetrati delicti incusatione.

§. 284.

Nemo, ut de delicto rationem reddat, sollicitator, nisi incusatio legitimis suffulta est indiciis.

§. 285.

Legitima sunt indicia, quæ talem ad incusatum relationem habent, ut omnibus circumstantiis probe perpenſis veriſimilis efficiatur reatus.

§. 286.

Quemadmodum ex investigatione noti jam delicti apta ad detegendum ejusdem auctorem oriri poſſunt indicia; ita ex ipsius quoque personæ circumſtantiis legitimum ab ea perpetrati, etſi ſuperioribus eo uſque ignoti, delicti, prodere

ſc

se potest indicium, si nimirum circumstantiæ hæ ita comparatæ fuerint, ut eas ad delictum tantum referri omnino probabile sit.

§. 287.

In specie legitimum ad incusationem oritur indicium: si *a.*) incusatus se ipsum ut delicti auctorem coram præfectura fatetur; *b.*) si vehementiorem affectum adversus læsum prodidit, eique malum postea secutum comminatus fuit; *c.*) si vel ante factum intentionem idem committendi manifestavit, seu post factum se id commississe naravit, aut fassus est; *d.*) si epistolæ, aut alia scripta propria sua manu exarata extant, quæ pro naturali, ac proprio eorum sensu commissum ab eo delictum innuunt; *e.*) si is illico post factum commissum, aut vulgatum fugam dedit, neque alia fugæ adparet causâ; *f.*) si falsis ostentationibus suspicionem a se amovere, vel alium suspectum reddere

stiduit; *g.*) si de mediis aut instrumentis immediate ad delictum relationem habentibus cum aliquo constituit, aut ea revera comparavit; *h.*) si in rebus suis instrumenta, quæ ipsi pro conditionis suæ ratione nulli alii usui, quam ad delictum patrandum deservire poterant, aut *i.*) ejusmodi objecta, quæ vestigia, aut signa commissi facinoris præseferunt, vel *k.*) e delicto promanant, reperta sunt; *l.*) si inculpatus tempore commissi delicti in loco, ubi perpetratum est, tale quidpiam agens observatus est, quod cum delicti executione cohæret; *m.*) si ut complex delicti in societate perpetrati a confesso hujus delicti complice modo in hoc codice præscripto proditus est; *n.*) si jam antehac similis delicti sub iisdem peculiari-
bus, quæ nunc iterum concurrunt, circumstantiis reum se fecit; *o.*) si descriptio alicujus delinquentis per mandata comprehensoria publicata accurate in incusa-
tum

tum cadit; *p.*) si delicti, quod lucri causa admitti solet, inculpatus, alioquin sinistrae famae homo ultra conditionis suae modum sumtuose vivit, vel plures monetæ species, quales furto aut rapina ablatæ fuerunt, ostendit, aut expendit; *q.*) si vagabundi aut alias suspecti homines tales res secumferunt, vel ad vendendum exhibent, quarum legitima possessio ipsorum circumstantiis minime congruit; *r.*) si cum inculpatione infanticidii repentina in oculos cadens uteri mutatio, defectus infantis & emergens e personæ inspectione de partu non ita pridem edito certitudo concurrunt.

§. 288.

Perplexi, interrupti sermones, versicolor vultus, timor, tremor, animi indoles, cum delinquentibus cognatio, aliæque similes, ambiguae interpretationi obnoxiae circumstantiae legitimum indicium neutiquam constituunt, attamen cum aliis

factum indicantibus momentis probabilior-
rem efficere possunt incusationem.

§. 289.

Veritas omnium circumstantiarum, e
quibus indicia oriuntur, quantum fieri
potest, explorari, atque circumstantiæ,
quibus incusatio nititur, extra dubium po-
ni debent.

§. 290.

Quapropter omnia, quæ ad eru-
endas has circumstantias prodesse possunt,
tum examinando personas illarum notiti-
am habentes, tum instituendo aliam quam-
cumque aptam investigationem eo pror-
sus modo perficienda sunt, qui ad dete-
gendum delictum præcendenti capite præ-
scribitur.

§. 291.

Si exploratæ per investigationem cir-
cumstantiæ probabilem suspensionem præ-
bent, apud incusatum res ad delictum
relationem habentes, seu in persona ejus
re.

reperiri posse hujus generis vestigia , tunc habitationem ejus , receptacula , atque suppellectilem , vel in sua , vel in patris-familias præsentia perscrutari , sique necesse fuerit , vestes perquirere , ipsum denique corpus incusati inspicere oportebit. Qua in re tamen ea cautio atque moderatio adhibenda est , ne tranquillitas domestica ultro turbetur , quam conservatio publicæ securitatis & muneris extendentis ratio plane exigit.

§. 292.

Ut legitimum sit indicium , haud semper necesse est , ut illud per duos omnino exceptione majores testes , vel per ocularem judicii probetur inspectionem. Unus quoque fide dignus testis , sive ipse læsus , sive alius fuerit , sufficit , cum vel de ipsa facti commissione , vel de actionibus cum ea necessario connexis testimonium præbuerit.

§. 293.

Remotiora quoque indicia, atque singularia de iis testimonia ad legitimam sufficere poterunt incusationem, si plura eorum tam perfecte in una persona congruunt, ut alterum altero suffulciatur, eorumque connexio nulla contraria circumstantia infirmetur.

§. 294.

Generatim quodvis indicium & levius in se argumentum majorem vim nanciscitur, si incusatus malæ famæ persona fuerit, a qua hujusmodi delictum minime est alienum.

§. 295.

Complicis delatio tunc tantum legitimum efficit indicium, cum citra certæ personæ suggestionem facta, ideoque spontanea, completa, & delatarum circumstantiarum veritas explorata fuerit.

§. 296.

Sed & sponte peti potest inculpationis perquisitio ab eo, cujus interest, ut serpens de eo rumor, facta præfecturæ delatio, aut excitata apud eandem suspicio commissi delicti discutiatur, partim ne ei temporis lapsu aptæ probationes deficiant, partim ne famæ suæ hæreat suspicio; quo casu iudicium poenale, licet sufficientia ceteroquin haud forent indicia, nihilo secius inquisitionem præscripto universim ordine instituere, atque ad finem perducere tenetur.

§. 297.

Ubi quidem indicia ad inculpationem, at ex adverso etiam elidentes eadem sese produnt circumstantiæ, hæ non minori fervore explorandæ veniunt. Si porro de aliquo delicti suspicio concepta, & militantium adversus illum indiciorum exploratio instituta fuisset, sed ea occasione omni fundamento destituta adparuerit

suspicio , tunc ultra in eum haud procedendum , quin petenti ad sui defensionem & tranquillitatem publicum hac super re testimonium edendum erit.

§. 298.

Cum publicæ salutis quam plurimum intersit , delinquentes celeriter detegi , potestates quoque politicæ ad eum finem una agere obligantur. Hinc indagatio indiciorum non tantum ad pœnalis judicii , sed ad illius quoque præfecturæ curam pertinet , cui pro systemate provinciali tranquillitati , ordini , atque securitati in eo districtu , in quo hæc indagatio fieri potest , invigilare incumbit.

§. 299.

Cujusvis porro judicii , muneris , aut præfecturæ est , ut quidquid sibi de indicis ad detegendum delinquentem inservientibus , vel de circumstantiis ad exploranda indicia iam aperientibus innotuerit , vel cum judicio pœnali ipso,
vel

vel cum memorata in præcedenti §. præfectura nulla interposita mora communicet.

§. 300.

Judicium pœnale indagationem delatorum sibi indiciorum iis in casibus, quibus distantia illius testibus examinandis prægravis, vel causæ accelerandæ impedimento foret, a memorata politica præfectura petito.

§. 301.

Hiscæ in casibus, ac generatim simul ac memoratæ politicæ præfecturæ vestigia alicujus delinquentis innotuerint, ea non expectato judicii pœnalis monito, in indicia præscripto modo inquirere & acta judicio pœnali tradere debet, cui ea, quæ deficiunt, emendare integrum erit.

§. 302.

Nulli judicio pœnali, nullique alteri præfecturæ ullo in casu permissum est, suspecto, ad graviora indicia vel argu-

menta colligenda , sive immediate , sive per alios occulte instigatos homines dolos tendere , quibus ad malum suum propositum executioni dandum , seu ad facinus prosequendum , seu iterandum alliciatur. De omnibus , quæ ex ejusmodi seductione evenerint , præfectura ab potestate sibi præposita ad rationes reddendas adigenda , poenaeque coercenda erit.

CAPUT IV.

De comprehensione et examine summario inculpato.

§. 303.

Legitimis indiciis delicti gravatus , aut in ipso facinore deprehensus in judicii custodiam sumitor.

§. 304.

§. 304.

Delinquens in flagranti delicto deprehensus, secundum §. 255. a qualibet, quæ ipsum deprehendit, vel cui sistitur, præfectura, custodiæ mancipandus, &, vel immediate judicio poenali, vel præfecturæ, cui eo in loco tranquillitatis, ordinis, atque securitatis cura commissæ est, ad ulteriorem ejusdem ad judicium poenale deportationem tradendus est.

§. 305.

Sin inculatio legitimis nititur indiciis, præfectura, cui in loco, ubi indicium occurrit, tranquillitatis, ordinis atque securitatis cura incumbit, inculatum, siquidem in eodem districtu deprehendi potest, comprehendat, vel præfecturam sub qua commoratur, de comprehensione admoneat, vel denique profugum, si certum vestigium aut spes eundem assequendi adfulgeat, persequatur, & hisce modis comprehensum cum omnibus, quæ relate ad
ip-

ipsum obvenere vel acta fuere, nulla interposita mora ad iudicium poenale transmittat.

§. 306.

Adprehensio atque custodia ea cautione instituitur, ut inculpatus elabi haud possit, simul tamen, quantum fieri potest, ut bonæ ipsius existimationi, atque personæ parcatur, attenditur. Igitur tunc tantum, cum resistit, aut fugam adornat, necessaria adversus eum vis adhibenda erit.

§. 307.

Simul ac inculpatus a iudicio poenali adprehenditur, aut eidem sistitur, id *a.*) rationem capturæ, indiciaque, quibus ea nititur, *b.*) exactam formæ ipsius externæ, vestimentorumque descriptionem protocollo inferre, porro *c.*) vestes comprehensi, ceteraque, quæ attulit, ea exactitudine, ne quidquam lateat, perscrutari debet.

§. 308.

§. 308.

Documenta, pecunia, aliave metalla tum arma, aut instrumenta, quibus comprehensus se liberare, vel vim sibi inferre posset, nec non objecta aut vestigia delicti hac perscrutatione reperta incusato adimenda, & in iudicii poenalis custodiam recipienda sunt.

§. 309.

Protinus nullaque interposita mora comprehensus examini summario subijctor.

§. 310.

Principio examinis de veritate dicenda serio admonendus est, partim quod ad eam detegendam lege obligetur, partim quod mendacii poenam daturus, ac præterea ob elucentem inde malitiam delicti ipsius poena augmentum captura foret.

§. 311.

Post hæc de nomine & cognomine suo, ætate, natalium loco, de parentibus suis,

an

an matrimonio junctus sit , tum de conjugē , de liberis , de vitæ sustentandæ modo , de postremo commorationis loco , an jam olim in carceribus detentus fuerit , & denique de causâ præsentis comprehensionis interrogator.

§. 312.

Si ad propositas quæstiones aut omnino non respondeat , aut responsa in alia plane ad rem minime pertinentia objecta detorqueat , rursus eidem declarator , contumaci silentio aut pervicacia hac causam suam deteriorem futuram ; si persistat , in carcerem mittitor.

§. 313.

Si comprehensus causam adprehensionis suæ ignotam sibi esse perhibuerit , tum imputatum delictum ac militantia adversus eundem indicia eatenus ipsi manifestantor , ut necessariam omnino inculpationis cognitionem obtineat.

§. 314.

§. 314.

Ubi delictum, cujus incusatus est, inficiatur, de eo, quod ad probandam innocentiam suam in medium adferre, in specie vero, an, respectu ad tempus locumque delicti habito, id a se nequaquam committi potuisse, docere valeat, interrogandus est.

§. 315.

Quando fatetur delictum, confessio sine examinis interruptione ita excipienda est, ut completam occasionis, decreti, suscepti, ac consummati delicti narrationem contineat.

§. 316.

Cum comprehensus delicta fatetur, quorum nulla hactenus exstant indicia; eorum quoque confessio integre adnotanda est.

§. 317.

§. 317.

Ubi facti circumstantiæ arguunt, plures esse ejusdem participes, de his quoque comprehensus interrogator.

§. 318.

Singulæ quæstiones & examinati ad eas responsiones continua numerorum serie protocollo inferantur.

§. 319.

Examinato responsa sua actuario dictare integrum esto.

§. 320.

Sin hac facultate non utatur, tum officialis judicii poenalis exceptum ad singulam quæstionem responsum, retentis examinato propriis expressionibus, actuario ea ratione dictet, ut examinatus quodvis verbum probe percipere valeat. Quodvis responsum simulac adnotatum fuerit, examinato prælegendum, isque an fidelis sit adnotatio, interrogandus erit. Cum quid mutandum monet, id sigillatim, ci-

tra

tra ejus, quod scriptum fuerat, mutationem, protocollo insertor.

§. 321.

Examinatus unumquodque protoccolli folium subscribere, vel si scribendi imperitus esset, familiare sibi subnotandi signum adponere, ad calcem vero protoccolli præsentes examini judiciales personæ ac assessores examinati subscriptionem; aut subsignationem, subscriptione sua confirmare tenentur.

§. 322.

In summario examine qualitas respon-
forum ad propositas quæstiones non ponderanda, nec, an cum indiciis comper-
tis congruant, discutiendum est. Sed
nec responsum examinato suggerere, nec
castigationem, seu comminationem, pol-
licitationem, aut quamcumque aliam,
etsi bona mente excogitatam artem ad-
hibere licet, quibus ad alias, quam

Cod. Poen. **K** spon-

sponte edere vult, responsiones permo-
veatur.

§. 323.

Si locus adprehensionis a loco judicii
poenalis tam longe distat, ut comprehen-
sus intervallo duodecim horarum eidem
fissi nequeat; tum præfectura, cui in ad-
prehensionis loco tranquillitatis, ordi-
nis, atque securitatis cura commissa est,
summarium examen norma præsentis insti-
tuet, & protocollum cum omnibus sub
custodiam receptis rebus, occasione de-
portationis comprehensi ad judicium poe-
nale transmittet. Quo casu sufficit, ut
judicium poenale ipsum hoc a politica
præfectura formatum protocollum depor-
tato, quatenus dicta ejus continet, præ-
legat, eum, quid adjungi vel mutari velit,
interroget, datumque ab eo responsum,
modo §§. 319. 320. & 321. indicato,
protocollo subjungat.

§. 324.

Si inculpatus fixum habet domicilium, & ex actis hactenus haud adparet, foro ejus civili incarcerationem alioquin jam compertam esse, ea huic foro a judicio poenali eum in finem nuntiator, ut de officiis detento incumbentibus opportune disponatur.

§. 325.

Cum officialis publicus, clericus, membrum statuum provinciæ aut universitatis incarcerationatur, res peracto summario examine a judicio poenali mox tribunali superiori indicator, ut ab hoc rursus illi potestati, sub qua incarcerationatus munus gerit, episcopo, collegio statuum provincialium, aut universitati nuntietur.

§. 326.

In iis quoque speciebus, quibus incarcerationatus secundum §. 244. alteri judicio extradendus est, tamen prævie exa-

men summarium excipiendum , atque in transmissione incarcerati exhibendum est.

§. 327.

Cum comprehensus perduellionis , adulteratarum chartarum publicarum, falsæ monetæ, aut alterius ob late sparsos complices communi securitati noxii delicti inculatur, judicium poenale rem illico circuli capitaneo indicato, ut, quod salus publica interim deposcere videtur, disponi, & pro circumstantiarum ratione res ad potestatem politicam provinciæ referri queat.

§. 328.

Si *a.*) inculatio civile aut criminale quidem , sed ejusmodi delictum concernat, cui ex lege unius ad summum anni poena imminet, si præterea *b.*) inculatus nota, fugæ nequaquam suspecta, & integræ eo usque famæ persona fuerit, & *c.*) ejus libertate inquisitionem impeditum iri metuendum non sit; tunc adversus

fus inculatum citra incarcerationem procedendum, iudicio poenali tamen ab inculato fides danda est, se nec domicilium suum usque ad causæ exitum mutaturum, nec latitaturum, sed ad quamlibet citationem coram iudicio compariturum esse.

CAPUT V.

De carceribus

§. 329.

Comprehensos diversi sexus separari, generatim singulos, quantum fieri potest, in privos, immo qui complices esse arguuntur, in sat distantes a se invicem carceres includi, ideoque in quovis iudicio poenali congruum huic separationi & jurisdictionis districtui carcerum numerum præsto esse oportet.

§. 330.

Unusquisque carcer sufficienti aere , luce , & tanto saltem spatio , ut comprehensus commeare queat , præditus , siccus porro , mundus , in summa ita comparatus sit , ut valetudo comprehensi nulli periculo , nec is ulli alii malo exponatur , quam quod ad personam sub custodia tenendam , fugamque impediendam necessarium est.

§. 331.

Generatim ratione carcerum , quantum nimirum ædificii situs , aliæque circumstantiæ permittunt , sequentia attendantur : *α.*) fenestra , per quam aer , & lux immittitur , non in viam patentem , sed in aulam aut commeatum spectet , & ea altitudine collocetur , ut nec extrinsecus in carcerem quis inspicere , nec comprehensus ex eodem prospicere , nec sermonem cum quodam conferre possit. Fenestra quoque solidis atque densis muni-

ta sit clathris, ne scilicet per eam vel comprehensus evadere, vel quis exterius quidpiam injicere valeat. *b.)* Ubi muri, aut non satis densi, aut non perfecte sicci fuerint, intus asseribus solidis obducendi sunt. *c.)* Janua e duplicatis asseribus struatur, & extrinsecus binis superne & inferne firmatis ferreis repagulis obfirmata, binis item ferreis pendulis obstructa sit. Januæ ostiolum, quod obserari. & non nisi extrinsecus referari possit, eum in finem exscindatur, ut aer recens carcerem quandoque permeare, & comprehensus omni tempore, quin janua ipsa aperiat, a carcerario observari queat; *d.)* Carceres, quoad necesse fuerit, fornacibus instrui, aut ne comprehensus elabatur, eas æque ac fumarium perticis ferreis muniri, & januam fornicalem probe obseratam teneri oportet. *e.)* Ad cubandum lectus roboreus præsto sit, ita comparatus, ut, ubi res postulat, comprehensus cate-

nis alligari valeat. *f.*) In quolibet carcere lapides centennarii saltem ponderis, aut ferrei parieti, seu pavimento firmiter infixi solidi circuli præsto esse debent, quo comprehensus, si necesse fuerit, iis adligari queat. *g.*) Singuli carceres suis discernantur numeris, ut ordo in iis assignandis, visitandis, aliisque curandis servari possit.

§. 332.

Modum custodiæ, an nimirum comprehensus diu noctuque sine vinculis relinqui, an vero nocte lecto roboreo advinciri, vel continuo vinculis pedibus aut etiam manibus injectis teneri, an lapidi in carcere exstanti, vel circulo adligari debeat, iudicium poenale pro circumstantiarum ratione aestimato. Qua in re id generatim tenendum est, ut gravis delicti, cui mors aut perpetuus carcer imminet, incusati, aut iteratis vicibus ob criminale delictum incarcerati, aut fugam

moliti in vincula conjiciendi, quin inno-
catenæ adligandi sint. In reliquis judi-
cium poenale delicti & indiciorum gra-
vitatem, comprehensi indolem, corpo-
risque robur, tum modum, quo se in
transmissione gesserat, respicito. Id ta-
men semper ante oculos versari debet,
nihil quidem ex iis, quæ ad impedi-
dam fugam necessaria sunt, prætermi-
tendum, comprehensum tamen omnī ea,
quæ cum securitate consistere potest, le-
nitudine tractandum esse.

§. 333.

Liberum esto judicio poenali penden-
te inquisitione, cum emergentes inde cir-
cumstantiæ aut carcerarii de moribus in-
carcerati relatio id exigere videtur, car-
cerem aut præcautionis media mutare.
Carceris mutatio tunc præprimis necessa-
ria erit, quando duorum prope ad invi-
cem incarceratorum nocua inquisitioni

colloquia , seu collusiones , aut fugæ molimina detegerentur.

§. 334.

Durante inquisitione incarcerato conceditur, ex propriis, quantum sibi placuerit, in alimenta impendere, immo & ab aliis subsidia percipere, aut operis pecuniam lucrari, eamque in meliorem sui sustentationem convertere. Attamen *a.*) nec immoderatus ei cibi & potus usus, nec *b.*) alius, quam qui in domo custodiæ coquitur, cibus, nec denique *c.*) pecunia sub manibus permittitur; sed omne id, quod aliena ope aut propria industria conquiratur, ipsi iudicio poenali tradendum, & ab hoc incarcerato alimenta suppeditanda sunt.

§. 335.

Deficientibus in §. præcedenti recensitis subsidiis incarceratus a iudicio poenali pane & aqua, & quotidie uno calido cibo nutritor.

§. 336.

§. 336.

Porro incarcerato, quatenus præfenti ejus statui convenit, vestimentis propriis uti, & ea proprio labore vel alieno beneficio comparare licet. Præter id tamen, quod mox in §. 334. de pecunia monitum est, ea quoque, ne occulti quidquam subministretur, cautione opus est, ut nulum eidem vestimentum, priusquam in judicio poenali pervestigatum fuerit, præbeatur.

§. 337.

Indigenti judicium poenale necessaria omnino vestimenta suppeditato. Idem generatim ratione pauperum incarceratorum curam habeto, ne, quæ secum adtulerunt, vestimenta durante incarceratione penitus adterant, neve finito processu necessario amictu careant. Quamobrem hujusmodi comprehensis vestes, quarum non indigent, demendæ, & prævia, ne quid perdatur, aut per-
mu-

mutetur , consignatione in loco iudicii poenalis interim adservandæ sunt.

§. 338.

Si comprehensus proprio lecto , quo in carcere uti posset , destituatur ; iudicium poenale saccum stramento refertum , atque tegmentum , seu ita dictam amphitapam , ei subministrato.

§. 339.

Comprehenso quævis manus opera , atque occupatio conceditor , quatenus cum custodia consistere potest , & verosimiliter nec fugæ , nec sui ipsius læsioni occasionem præbet.

§. 340.

Fumi ex nigotiana haustus , & luminis accensi usus , aut quidquid aliud flammam excitare posset , comprehenso nequaquam permittitor. Quod vero ad corporis munditiem necessarium est , procurator.

§. 341.

Si comprehensus in morbum incidit, aut incarcerata partui edendo proxima fuerit, carcerarius rem illico iudicio poenali indicato, ut citra moram omne subsidium, quod humanitas postulat, procurari possit; nec tamen alius medicus aut obstetrix, quam qui peculiariter ad id constituti sunt, adhibeantur, nec necessaria fugæ cautio negligatur.

§. 342.

Ubi comprehensus medici iudicio in mortis periculo versatur, is, cui animæ curam gerere peculiariter commissum est, ad ferendum spirituale subsidium admittitor.

§. 343.

Comprehensum adire, colloquium cum ipso serere, nisi cum peculiari poenalis iudicii facultate, & in præsentia talis officialis, qui linguam, in qua hi colloquuntur, intelligit, nemini fas esto

elio. Sed nec nuntium alii mittere , nec ab alio aliter accipere permittitor , quam oretenus , idque per ipsum duntaxat poenale iudicium.

§. 344.

Constitutus a criminali iudicio carcerarius concreditas sibi carcerum claves e manibus suis nunquam dimittat. Quod si alia muneris sui parte , vel adversa valetudine a comprehensorum cura ad tempus impediatur , claves illi duntaxat personæ tradat , quam iudicium poenale pari obligatione expresse denominaverit.

§. 345.

Cum comprehenso vincula imponenda , aut is insuper catenæ alligandus , id præsentè carcerario omni cautela perfici , nec alias catenas adhiberi oportet , quam quibus faber , a quo confectæ fuerant , nomen suum inciderit.

§. 346.

Carcerarius quotidie unumquemque carcerem, in quo comprehensus existit, parietes, fornaces, januas, fenestras, lectos denique probe perlustret, an non attentatæ a comprehenso ad fugam præparationis vestigia deprehendat. Pari ratione vincula, an non vis circa eadem adhibitæ signa exhibeant, inspiciat. Si quid horum detegat, mox iudicio poenali indicato.

§. 347.

Dum comprehenso alimenta adferuntur, carcerarius præsens esse, probeque invigilare debet, ne ipsi occasione isthac clam aliud quidpiam subministretur.

§. 348.

Carcerarius carcerem accedens præcipue talem, in quo audaces, aut urgente necessitate plures una adservantur comprehensi, socium adsciscat. Eadem cau-

te-

tela comprehensus ad iudicium ducatur. Si carcerem de nocte invisere necesse fuerit, id nunquam aperto lumine, sed laterna adhibita fieri debet.

§. 349.

Carcerario sub gravi poena interdicitur, ut ne cum comprehenso de ejus circumstantiis, admissove crimine colloquatur, aut sub quocumque prætextu vel levissimum ab eo munus accipiat. Præter casum defensionis comprehenso sponte sua manus haud injiciat; ast quos sermones, quæve facta, animadversione existimari digna, sine mora ad iudicium poenale referat.

§. 350.

Quemadmodum comprehensus tam a iudicio, quam a carcerario generatim omni, qua fieri potest, moderatione, lenitate, atque decentia tractari, ita & is ex sua parte modestum se gerere, atque in omnibus, quæ disciplinam, & mundi-

di-

ditiam domus concernunt , obedientem se exhibere debet.

§. 351.

Si comprehensus indecentem aut contumacem se exhibuerit , a iudicio poenali poena reatui convenienti , scilicet aut ictibus , quorum tamen numerus viginti nunquam excedere poterit , aut unius diei jejunio in pane & aqua , aut graviorum vinculorum impositione , aut denique arctiori catenæ adligatione coercetor.

§. 352.

Si fugam attentasset ; iudicium poenale nulla interposita mora ea , quæ exstant , vestigia inspicere , eum hac de re examinare , atque illico pro circumstantiarum ratione uni alterive ex iis , quæ §. præcedenti recensitæ sunt , poenis subicere debet ; quo casu ictuum numerus ad quinquaginta , & jejunium ad plures non tamen continuos dies dictari poterit. Insuper vero apta ad disturbandum com-

Cod. Poen. **L** *pre-*

prehenſi propoſitum media adhibenda erunt. Ceterum qua ratione illi comprehenſi, qui ſibi invicem occaſionem ad fugam fraude vel vi faciliorem reddunt, delicti ſe criminalis reos faciant, ſuperius jam capite vigefimo quarto partis primæ continetur.

§. 353.

Super iis, quæ tenore præcedentium duorum §. §. acta fuerint, protocolium concipiendum, & ad acta inquisitionis comprehenſum concernentia ponendum erit.

§. 354.

Carcerarius ſuper omnibus comprehenſis curæ ſuæ commiſſis accuratum protocolium in promptu habere debet. Rubricæ hujus protocolli ſunt:

a.) numerus, ſub quo reus cuſtodix mancipatus fuit. Numerus hic in ſerie ab initio uſque ad finem anni progreditur. Sub finem anni comprehenſi, qui in carcere remanſerunt, in protocolium ſequen-

tis

tis anni juxta ordinem, quo priori inserti fuerant, inchoata iterum numerorum serie transcribuntur;

b.) dies, quo reus custodiæ traditus est;

c.) nomen præfecturæ, per quam adprehensus fuerat;

d.) nomen & cognomen comprehensi;

e.) numerus carceris, & peculiares forte cautelæ, sub quibus custodia durat;

f.) mores comprehensi in custodia;

g.) dies denique, & modus, quo e custodia egressus sit, scilicet an morte, fuga, dimissione aut alia sententia.

§. 355.

Poenalis judicii erit, carceres subinde, & semel ad minimum mense quolibet ex inopinato investigare, an præscripta exacte observentur, examinare, defectus corrigere, omne id denique procurare, quod ad securitatem, bonum ordinem,

L. 2. dis-

disciplinam, atque munditiem in carceribus introducendam, atque conservandam, tum ad ipsorum, quoad licet, comprehensorum sortem leniendam aptum est. Præprimis autem in hac investigatione comprehensos de modo, quo a carcenario tractantur, seorsum interrogari, huncque, si justæ inveniantur querelæ, severe puniri oportet.

CAPUT VI.

De processu inquisitorio ordinario.

§. 356.

Præcipuus iudicii inquisitorii scopus est, reatum aut innocentiam tanta diligentia excutere, ut quam tutissime sententia ferri queat.

§. 357.

§. 357.

Hinc iudicium poenale singulas ad delictum, cuius inquirendus inculatur, pertinentes circumstantias, cuncta ejus defensionis inservientia momenta, omnes porro, quæ delictum augent, aut reatum imminuunt, adtributiones integre, ac sedulo detegere & extra dubium ponere, denique in ea, quæ durante hac tractatione demum innotescunt, non minus ac in ea, quæ comprehensionis tempore jam cognita fuerunt, delicta inquirere debet.

§. 358.

Quatenus itaque delictum, & gradus culpæ inculati, aut quæ ad ejus defensionem pertinent, præscriptis in anterioribus capitibus mediis ad liquidum nondum perducta sunt, iudicii poenalis est, examine inculati atque testium, inspectione iudiciali, conquisitione documentorum, & omnimoda rei illustratione inquisitionem perficere.

§. 359.

Cum innocentiae defensio inter ipsa
iudicii poenalis officia referatur, incusa-
tus nec advocatum seu defensorem, nec,
ut indicia sibi exhibeantur, postulare
potest. Ast præterquam quod mox post
comprehensionem juxta §. 313. de incu-
satione, quantum necesse fuerit, edocen-
dus sit, liberum quoque eidem est, toto
inquisitionis tempore ea omnia suppedi-
tare, quæ suæ defensioni inservire judi-
caverit.

§. 360.

Ulterior inquisitionis finis est : *a.)*
complices, atque participes delicti dete-
gere; *b.)* iis, qui delicto damnum pas-
si fuere, indemnitatem procurare. Igitur
hæc quoque partem officii, in §. 358.
iudicio poenali impositi, efficiunt.

§. 361.

Cura porro danda est iudicio poenali, ut omnis inquisitio, quantum scopus ejusdem admiserit, praesertim vero eorum delictorum, quæ insigne populo scandalum dederint, acceleretur.

§. 362.

Inquisitio tunc quoque omni cura maturanda est, cum de levioribus delictis agitur, quorum protracta inquisitio efficeret, ut detentio in custodia gravior accidat, quam ipsa delicto adsignata poena.

§. 363.

Si adversus comprehensum alterius delicti praeter id, ob quod comprehensus fuit, nulla se prodiderint indicia, nec is ipse plura, quam quorum incusatus est, fassus fuerit delicta, ob solam aliorum ignotorum hactenus facinorum suspicionem inquisitio minime protrahitor.

§. 364.

Ubi gravi, quod reus passus est, delicto poena mortis, aut minimum decennialis carceris imminet; propter leviora delicta haud protelanda est inquisitio, si ea ambagibus obnoxia foret, & tamen ob delicti conditionem aut comprehensibilem egestatem nulla locum habeat indemnitas.

§. 365.

Tametsi omni studio urgenda sit complicum nominatio, praesertim si circumstantiae innuant, delictum nonnisi aliorum auxilio commissum, aut comprehensum facinorosae catervae membrum fuisse; tamen processus tantum ob complices jam comprehensos, & nonnisi eatenus interrumpitor, quatenus probatio contra hunc comprehensum e complicum testimoniis petenda est.

§. 366.

In iis delictis , quibus poena mortis aut perpetui carceris instat, & quorum insuper ad rempublicam relatio omnem curam exigit, ut occulta facta atque complices detegantur, inquisitio terminanda haud est, quoad circumstantiæ firmam spem de comperiendis pluribus delictis aut sociis suppeditant.

§. 367.

Judicio poenali fas est, de omnibus jurisdictioni suæ commissis negotiis cum quavis potestate politica aut quovis justitiæ tribunali litteris requisitorialibus per sese communicare. Cuivis porro potestati obligatio incumbit judicia poenalia adjuvandi, id, quod ad se pervenit, & muneris sui ambitu continetur, vi officii exequendi, & de his aut de obstantibus forte impedimentis responsum & nuntium quam promptissime mittendi. Animadver-

sa in his negligentia aut mora a iudicio poenali ad tribunal superius deferenda est, ut potestas morosa ab ea, cui subjecta est, ad muneris sui expletionem, aut ad rationes moræ suæ reddendas adigatur, aut, si res postulat, poena coerceatur. Quod si iudicium poenale officium hocce prætermiserit, mora aliena se ultra excusare haud poterit.

§. 368.

Ratione cuiusvis comprehensi sub eo numero, quo juxta §. 354. comprehensorum protocollo inscriptus fuit, a iudicio poenali liber actorum diurnorum confici-
tor. In hoc a tempore capturæ inchoando singulis diebus annotator, quid in hac causa occurrerit, quid exhibitum, quid actum fuerit. Ad hujus libri ductum omnes inquisitionem tangentes literas requisitoriales, responsa, instrumenta, protocol-
la, ea, qua increverant, serie, in cubiculo, in
quo

quo jus dicitur, una probe adservari & exacte consignari oportet.

§. 369.

Immo licet nulla adhuc certa persona delicti inculsetur, aut inculatus fugam dederit, vel liber a custodia inquiratur, nihilofecius librum actorum diurnorum supra dicto modo & sub eo numero, sub quo inquisitio eodem anno inchoata fuit, confici, actaque adservari oportet.

CAPUT VII.

De examine inquisiti ordinario.

§. 370.

Quidquid inquisitus in summario examine in favorem aut in dispendium suum adlegavit, id, siquidem delictum respiciat, & non alioquin jam indagatum fuerit, citra moram & eodem modo, qui de delicti & indiciorum investigatione in præcedentibus

tibus capitibus præscriptus est, ad liquidum perducitor.

§. 371.

Si inculpatus jam in examine summario innocentiam suam demonstraverit, vel delictum plene confessus fuerit, & demonstratio innocentiae aut confessio delicti cum iis, quæ explorata fuere, tam perfecte convenerit, ut nullum de facto, ejusque imputatione, de complicibus, atque indemnitate supersit dubium; inquisitio inani examinis repetitione haud protrahenda, verum processus finiendus est. Et priori quidem in casu innocens erga sponsonem de non discedendo a loco commorationis suæ, donec lata fuerit sententia, e carcere dimittatur; posteriori vero casu delictum fassus peræque, ac finito examine ordinario infra præscribitur, de perpendendis & proferendis defensionis suæ momentis admoneatur.

§. 372.

Contra si res examine summario nondum confecta, scilicet, si dicta inculati, cum reliquis circumstantiis collata, obscura, manca, ad elidenda indicia haud sufficientia, aut subsequæ investigationes iisdem non omnino consentaneæ fuerint; vel si ex circumstantiarum connexionem gravia prodeant momenta inculatum plurimum incognitorum hucusque delictorum participem aut plurimum reorum complicem esse, tunc iudicium poenale ad examen inculati ordinarium progredi debet.

§. 373.

Ad hoc examen rite instituendum is, cui inquisitio incumbit, officialis occurrentes in præcedentibus actis circumstantias, tum objecta, quæ majus lumen desiderant, probe perpendat, de aptissima veritatem ex inculato comperiendi, ratione, mature deliberet, atque collineantes

eo quæstiones, ut plene instructus ad examen procedere valeat, prævie conficiat.

§. 374.

Quæstiones generales cum supra §. 311. recensitis coincidunt. Earum repetitio, quatenus examine summario jam extra dubium positæ fuerunt, omitti potest. Sin autem data in eo responsio suspecta est, aut delictorum, indiciorumve causa interest, ut de circumstantiis incusati, de familia, vita ante acta, consuetudine cum aliis, successivis commorationibus, de ratione vitæ, hactenus sustentatæ, ac de acquisitis facultatibus plenius constet; tunc sane quæstiones eo pertinentes proponendæ erunt, ut earum elucubratione firmum posthac iudicium inniti vel incusatus, si in inficiatione aut in falsis excusationibus præsidium quærat, arctius stringi & ex propria confessione convinci queat.

§. 375.

Quæstiones speciales ex peculiaribus
caussæ inquirendæ circumstantiis hauriun-
tor. Earum scopus est, ut interrogatus
ad factum genuinis cum circumstantiis ma-
nifestandum, aut ad infirmandam, qua
gravatur, incusationem perducatur. Præ-
cipua in concipiendis quæstionibus spe-
cialibus momenta sunt: *a.*) ut singulæ ad
rem pertineant, nec inutilia nec inepta con-
tineant; *b.*) ut quæstiones simul sumtæ
huc facientes circumstantias intentionis,
motivorum, loci, temporis, modi,
mediorum adhibitorum, reiterationis, &
auxilii penitus exhauriant; *c.*) ne ambi-
guæ aut captiosæ, sed breves, claræ
sint, & singulæ nonnisi unam circumstan-
tiam contineant, ideoque interrogatus eas
bene intelligere, & ad eas distincte re-
spondere possit; *d.*) ut quæstionum una
ex altera eo ordine fluat, quo conceptus
& circumstantiæ se mutuo consequuntur;
e.)

e.) ne jam ipsa quæstio circumstantias indicet, atque suggerat, quæ ab interrogato demum, si sincerus foret, manifestandæ essent; *f.*) ut interrogatus in responsis calliditatem prodens sensim & pedetentim gravioribus indiciis & argumentis stringatur, sicque ipse animo sentire possit, inficiationem suam illucentibus jam probationibus frustra opponi. Expressa in quæstionibus ad exstantes probationes provocatione tunc tantum opus est, cum inculatus in responsione sua iisdem contradicere præsumit, quo casu militantes contra ipsum probationes eidem ob oculos ponendæ, testes nominandi, & præcipui ex eorum testimoniis articuli prælegendi erunt; *g.*) ut interrogationes, quæ complices tangunt, simul ad exactam eorum descriptionem obtinendam tendant. Ex principiis §. 357. & 358. stabilitis porro *h.*) quæstiones peræque ad ea illustranda & firmanda dirigantur, quæ
ad

ad defensionem & innocentiam, aut saltem ad minuendam culpam inculcati faciunt. Denique i.) ex §. 360. id omne quoque interrogationum objectum erit, quod per delictum læso, aut damnum passo ad obtinendam satisfactionem, atque indemnitatem viam aperire, eamque faciliorem reddere potest.

§. 376.

Examen ordinarium præsentibus iisdem personis, quæ vi §. 319. summario interfuere, instituitur. Gravioribus tantum de causis adfessores mutari fas est.

§. 377.

Judicium poenale, quamprimum fieri potest, examen inchoet, inchoatum vero absque gravi impedimento longiori tempore haud interrumpat. Causæ, ob quas id seu tardius inchoatum, seu diutius interruptum fuit, in protocollo fideliter semper adnotandæ sunt. Liberum e contrario poenali iudicio esto, examen

Cod. Pœn.

M

quo-

quovis die, quavis hora, toties, ac tamdiu continuare, quoad e re visum fuerit. Speciatim vero examen tum haud intermittitor, cum interrogatus in eo est, ut delictum sincere fateatur, vel innocentiam suam cohærenter demonstret, porro cum observatum fuerit, eundem propositis quæstionibus eo redactum esse, ut veritatem declinare ultra haud possit, aut præsentem saltem detegendi propiora veritatis indicia adesse occasionem.

§. 378.

Si inculatus eam duntaxat linguam loquitur, quam inquirens officialis non callet, examini interpret linguam eandem legendi æque, ac scribendi probe gnarus, adsciscendus, sique fieri possit, unus saltem linguæ ejusdem gnarus assessor adhibendus erit. Interpret prævie juramento obstringitor, se quæstiones ex ore officialis, tum responsiones ex ore interrogati exceptas, absque ulla mutatione,

ac-

accurate, & fideliter versurum, & cuncta ea prorsus, qua percepta sunt, ratione nec addendo quidquam, nec demendo scriptis esse mandaturum. Quod si ejusmodi interpretes in judicii poenalis districtu non inveniatur, res ad tribunal superius refertor, ut id interpretem ad judicium poenale deleget, aut incusatum ad aliud judicium poenale, in qua linguæ illius gnaræ personæ judiciales præsto sunt, deportari curet.

§. 379.

Si incusatus mutus, scribendi tamen peritus fuerit; quælibet ei quæstio ore aut litteris proponenda, & scriptum ab eo responsum petendum est. Incusato surdo, qui tamen legere & loqui potis est, quæstio scripto exhibetor, ut eam ipsemet legere, & ad eam respondere valeat. Si mutus scribendi, surdus legendi foret imperitus, vel si incusatus mutus æque, ac surdus fuerit, id tribu-

nali superiori indicari , ejusque jussu præstolari oportet.

§. 380.

Examen placide & decenter excipitor,

§. 381.

Super examine protocollum conficitor, idque foliis mediatis, continue, licet examen in interruptis sessionibus exceptum fuerit, inscribitor. In hujus primordio, uti etiam in qualibet ulteriori sessione, dies, ac hora, qua inchoabatur, unacum personis examini præsentibus, ad calcem vero hora terminatæ sessionis annotator. Columnæ sinistræ proposita quæstio ad verbum, dexteræ vero datum ad eam responsum inscribitor. Quod si juxta §. 378. interpret adhibitus fuerit, primum quæstio in lingua vernacula judicii, subque ea verbis consentiens versio, & pariter responso primum in lingua incusati, & mox subtus quodvis verbum exprimens versio calamo excipi-

pienda est. Cuius quæstioni continuus per totum examen numerus adscribitur, & singulum responsum numero quæstioni, ad quam pertinet, proprio insignitur.

§. 382.

Quidquid interrogatus responderit, siue ad culpam, siue ad ejus defensionem faciat, protocollo inferitor. Modus responsa litteris consignandi idem esto, qui §§. 319. & 320. in summario examine præscribitur.

§. 383.

Interrogatus in nimiam responso-
rum festinationem non conjicitor. Quæstio,
quam haud perfecte capere videtur, ei-
dem repetitor. Ea reiteratione tunc præ-
primis opus est, cum responsum quæstio-
ni non congruit; quo casu nonnisi repe-
titum, licet haud congruum responsum,
protocollo inferri debet. In quæstioni-
bus, quæ peculiares circumstantias aut
longius abhinc tempus respiciunt, ad rem

probe in memoriam revocandam interrogato spatium indulgetur. Si examen ea propter diutius interruptitur, hæc circumstantia in protocollo adnotatur.

§. 384.

Si incusatus metu ac anxietate mentis statu ac animi præsentia dejiciatur, hicque, angor ex reatus conscientia provenire videatur, judicium veritatis manifestationem decenti gravitate urgeat. Id porro, ac generatim, quotiescunque occasione quæstionis aut responsionis peculiaris mentis concussio, & insignes motus in examinato observantur, vere ac integre in protocollo adnotandum erit.

§. 385.

Ubi responsum insignem mentis perturbationem præsefert, judicium poenale comprehensum a duobus medicis aut chirurgis investigari, scriptamque ab iis opinionem, an adparentem mentis perturbationem veram, an vero simulatam exi-

ſiſiment, dari jubeat. Si ſimulatam eſſe declaraverint; comprehenſus ictibus punitor. Pœna hæc, quouſque ſimulatio duraverit, tribus diebus interjectis prævia ſemper commonitione iteranda, atque eo modo continuanda eſt, ut ictibus decem initium fiat, numeruſque unaquaque vice quinque augeatur, donec ad triginta excreverit, qui, quoad comprehenſus ſimulationem deſierit, continuandi ſunt. Ubi autem medici veram eſſe ſenſuum perturbationem judicant, aut ſecundum officium ac conſcientiam nil certi deſignare audent, aut in diverſas abeunt ſententias, re ad tribunal ſuperius exacte delata, ulterior inde inſtructio præſtolanda erit. Relationi huic notationes, quæ tum judiciſio pœnali tum carcerario in obſervando comprehenſo occurrerunt, inſeruntur.

§. 386.

Si tanta fuerit comprehensi pertinacia ut ad propositas sibi quaestiones nil prorsus respondeat, serio de obligatione iudicio respondendi, nec non de poena contumaciae suae imminente commonetor. Si hoc nil profecerit; eo, qui praecedenti §. de simulata mentis perturbatione praescriptus est, modo tamdiu castigator, quamdiu in obstinato suo silentio persistit. Praeterea talis perversus, quoad responsa dederit, non nisi pane, & aqua nutritor.

§. 387.

Congrua verberum aut jejunii poena tunc quoque obtinet, cum inculatus circumstantiam manifestae probationi contrariam adducendo inquisitionem morari aut iudicium in errorem inducere studuerit, & licet manifesta probatione refutetur, nihilo minus in mentiando persistit. Quo casu tamen poena viginti ictus aut triduum

num jejunium in hebdomada excedere nequit.

§. 388.

Quaelibet ex præcedentibus tribus §§. irrogata punitio, adnexa caussa, in examinis protocollo accurate adnotator.

§. 389.

Prævie formatis quæstionibus eatenus duntaxat insistendum, quatenus ad data responsa aptæ fuerint. Quampri- mum autem responsio novas quæstiones suppeditat, hæ apte concipiendæ & ordinandæ sunt.

§. 390.

Falsis Indiciis, aut fictitiis probationibus inculatum terrere, levio- rem poenam, aut impunitatem polliceri, minas, aut vim quancumque in eum adhibere, nefas esto. Sed nec in responsis proto- collo inferendis verba proprio arbitrio in alium sensum, quam qui interrogati menti, & naturali significationi convenit,

detorquere licet. Quælibet hujus generis transgressio gravi animadversioni obnoxia esto.

§. 391.

Sed nec in quæstionibus nomen alterius tanquam complicitis interrogato suggerere fas est, nisi jam adversus talem legitima complicitatis extent indicia. Incusatus tamen, qui jam a longiori tempore delictis deditus est, etiam citra peculiare confociationis indicium generatim interrogari poterit, an non ipsi catervæ facinorosorum, occultatores, vel alii rei publicæ perniciosi homines noti sint; quo deinceps in ejusmodi exitiosum hominum genus penitius inquiri possit.

§. 392.

Finita unaquaque examinis sessione protocollum ab omnibus, qui examini interfuere, subscriptor. Si protocollum pluribus foliis constat, cuncta folia filo, vel funiculo conjungi, ambæ fili, seu
fu-

funiculi extremitates cera dura , qualis ad sigilla adhibetur , firmari debent , sigillo præsentium desuper impresso , ne folium aliquod demi , aut supponi possit. Circa inculcati subscriptionem idem observandum , quod in examine summario §. 321. definitum est.

§. 393.

Si cuncta , in quæ secundum §. 357. & 358. iudicium poenale inquirere oportet , exhausta fuerint , nec ulla jam spes adfulget , ea , quæ defunt , explendi , examen terminator.

§. 394.

Examine finito , examinato declarandum est , triduum ipsi superesse , ad perpendendum , quid adhuc in sui defensionem ac præsidium in medium adferre valeat. Elapso triduo iterum audiatur , & si quæ momenta in sui defensionem , aut ad mitiorem sententiam impetrandam protulerit , ea fideliter , ob-

ser-

servatis superius circa conjunctionem foliorum, atque subscriptionem memoratis cautelis, examinis protocollo adnectantur. Quod hic loci præscribitur, tunc quoque obtinet, cum tenore §. 371. processus solo summario examine, & facta in eo inculcati confessione absolvitur.

§. 395.

Judicium poenale examinis protocollo id omne adjunget, quod durante inquisitione de corporis constitutione ac moribus comprehensi observaverat, quatenus id in sententia ferenda, atque executioni mandanda, momenti quidquam facere potest. Comprehenfus denique a medico, aut chirurgo inspiciendus, atque exacta corporalis ejus constitutionis, roboris item, & vitiositatis descriptio actis inferenda est.

CAPUT VIII.

De testium examine.

§. 396.

Ad inquisitionem illud præprimis pertinet, ut cuncta testimonia excipiantur, quæ internas æque, ac externas perpetrati delicti, adhibitorumque mediorum qualitates dilucidare, inquisiti dicta confirmare, vel refellere, culpam, aut innocentiam ejus, tum majorem aut minorem reatus gradum docere possunt. Quamobrem omnes eas personas examinari oportet, quarum testimonia ad hunc finem profutura esse, tum ex præviis testium, aut ipsius inculati examinibus, tum ex rei natura, aut ex detectis durante processu vestigiis conjicere licet. Pariter examinatus jam testis, cujus tamen dicta haud sat perspicua, vel vero in progres-

si imperfecta comperta fuerint , ad dubia examinanda ac ea , quæ deficiunt , explenda rursus audiendus erit.

§. 397.

Unusquisque testis testimonium suum in iudicio coram edere tenetur. Recusantem auctoritate publica sistere, poenaeque, seu pecuniaria , seu corporali ad dicendum testimonium compellere jus esto. Qui ob adversam valetudinem in iudicio comparere nequit, in habitatione sua a iudicio examinandus est. De mutis, surdis, iisque testibus, qui non nisi linguam iudicio ignotam callent, ea , quæ §. §. 378. & 379. præscripta sunt, observantur.

§. 398.

Qui eo tempore , quo testimonium perhibere deberent , ob corporis , vel animi statum veritatem dicere nequeunt , examinandi haud sunt.

§. 399.

§. 399.

An vero inculati consanguinei lineæ
tum ascendentis , tum descendentis ,
fratres , atque sorores , consobrini ,
& fratrueles , conjux item , quique pri-
mo adfinitatis gradu ei juncti sunt, testi-
monium perhibere velint nec ne ; eorum
relinquitur arbitrio. Hos equidem in ca-
sum , quo sponte testimonium præbere
vellent , citare licet , attamen de legiti-
ma a testimonio dicendo exemptione ex-
presse commonefacere , admonitionemque
in protocollo adnotare necesse est. Tunc
demum testimonium detrectare nequeunt,
cum de crimine perduellionis agatur, spes-
que firma sit , eorum testimonio incogni-
tas hactenus circumstantias comperiendi.

§. 400.

Testes ab illo judicio poenali exami-
nantor , in cujus districtu commorantur.
Teste in districtu alterius judicii poenalis,
quam cui incumbit inquisitio , degente ,
illud

illud iudicium a iudicio inquisitorio transmissis quaestionibus ad examen testis instituendum interpellator , addita causssae descriptione , qualis ad concipiendas novas , responsis testium adcomodandas , quaestiones necessaria fuerit.

§. 401.

Sin testis in loco commoretur , qui ultra duo milliaria a iudicii poenalis sede distat , a praefectura loci , in quo degit interrogator. Quem in finem vel ab ipso inquirente iudicio poenali , siquidem ejus districtus eo usque porrigitur , vel hujus rogatu per aliud iudicium poenale , modo in praecedenti §. adducto , interpellator.

§. 402.

Si ad dubium de persona inculati tollendum necesse fuerit , ut testes inculatum videant , testes in eodem circulo habitantes in iudicio poenali , inculatum sub custodia habente , comparere te-

nen-

nentur; quodsi in alio circulo sint, iudicium poenale rem ad tribunal superius referat, quo id modum, inculatum recognoscendi, testibus minime molestum & inquisitioni innocuum determinet.

§. 403.

In testium examine, proponendis quaestionibus, & forma protocolli eadem servantur, quæ §. §. 274. 278. 280. 319. 320. 321. 378. 379. 381. & 392. præscripta sunt.

§. 404.

Sed & testium, qui durante inquisitionis processu interrogantur, de dictorum veritate iuramentum, eadem ratione accipitor, quæ in prævia investigatione §. 279. & 281. definitur.

§. 405.

Sequentes iuramento obstringi nequeunt: *a.*) in quos suspicio cadit, ipsos auctores esse facinoris, de quo examinantur; *b.*) qui complices, aut partici-

Cod. Pœn.

N

pes

pes ejusdem delicti esse arguuntur ; *c.*) qui cujusdam delicti causa sub inquisitione aut poena sunt ; *d.*) qui decimum quartum ætatis annum nondum expleverunt ; *e.*) quibus cum inculato graves intercedunt inimicitiae ; *f.*) qui in examine momentosas circumstantias comprobatae veritati contrarias enarrarunt , quin errorem prorsus innoxium docere possint.

§. 406.

Testimonia a publicis potestatibus edita, vel ex libris natalibus , copulationum conjugalium , aut mortuorum descripta jurisjurandi vinculo firmari necesse non est. Sed testimonia singulorum officialium, utut de rebus officii edita, pari jure cum aliis testimoniis censentor. Circa artis peritos §. 267. norma esto.

§. 407.

Si testes ad literas requisitoriales examinantur , judicium poenale vel præfectura loci interpellata , exemplum protocol-

colli examinis, pro sui cautione, sibi servet, ipsum vero protocollum iudicio pœnali interpellanti transmittat.

CAPUT IX.

De confrontatione incusati cum testibus.

§. 408.

Si testes præcipuas circumstantias adversus incusatum, eas negantem, testati fuerint, isque non obstante horum testimoniorum prælectione in §. 375. f. præcepta, in negando perseveraverit, quin tamen testibus aut effatis eorum solidi quid obmoveat, testes præsentés cum eodem componuntor.

§. 409.

Confrontatio ordinarie in iudicio pœnali inquisitorio instituenda est. Ubi ve-

ro testi propter distantiam valde arduum foret, coram hoc judicio comparere, hac de re ad tribunal superius referatur, cujus arbitrato aut indemnitas testi præstanda, aut comprehensus debita cautela in alium confrontationi idoneum locum transmittendus erit.

§. 410.

Teste propter ejusdem delicti consortium, vel propter aliud delictum sub alterius judicii poenalis custodia existente; cum hoc judicio de teste probe custodito sistendo convenitur.

§. 411.

Generatim vero, si de confrontatione complicitis instituenda agitur, prævia interrogatione extra dubium ponitur, eundem testimonium suum incusato & velle & posse coram confirmare.

§. 412.

Ante confrontationem ipsam incusatus rursus monetor, ut a negando desistat,

fiat, nec rem eo venire permittat, ut testes veritatem coram dicturi cum eo componantur,

§. 413.

Incusato nihilo minus in negando persistente, testis accersendus, & ; siquidem juratus fuerit, depositi a se juramenti admonendus est. Ut testis integrum suum testimonium repetat, haud necesse est; sufficit, puncta præcipua incusatum immediate gravantia sigillatim in hoc examine percereri. De quovis a teste confirmato puncto mox incusatus interrogator, an aut qualitati testis, aut ejus ef-fatis obmovere quid valeat. Nulla, minimum solida exceptione proposita, confrontatio, dum ulla aggravans circumstantia supereft, continuator.

§. 414.

Integer confrontationis actus protocollo examinis incusati tamquam continuatio inferor, ea ratione, ut, quæ te-

stis præsentē inculato palam profitetur ,
hicque reponit , protocollo juxta inscri-
bantur , & ad quodvis punctum , quomo-
do testis , quomodo inculatus se gesserit ,
adnotetur.

§. 415.

E pluribus testibus , cum inculato
componendis , nonnisi singuli componun-
tor.

CAPUT X.

De legitima probationum vi.

§. 416.

Judex finita inquisitione ad ferendam sen-
tentiam progressurus exstantes probatio-
nes diligenter perpendito. In caussa di-
judicanda id duntaxat pro vero habe-
tor , quod legitime probatum fuerit.

§. 417.

§. 417.

Comprehenſi innocentia legitime evie-
ta cenſetor, ſi exſtantia adverſus eum in-
dicia ita infirmata fuerint, ut nulla jam
ſuperſit dubitandi ratio.

§. 418.

E contrario propria inculati confeſſio,
legitima imputati delicti probatio eſto.

§. 419.

Confeſſio tamen ſequentibus prædita
ſit requiſitis: *a*) ut inculatus eam in exa-
mine apud iudicium poenale protulerit, vel
ſaltem confirmarit, & quidem *b*) in ſta-
tu, quo mentis ſuæ plene compos fue-
rat; *c*) ut perſpicua, atque determinata,
non verbis ambiguis, aut geſtibus facta
ſit; *d*) ut confeſſio non nuda propoſitæ
quæſtionis adfirmatione, verum propria
inculati narratione nitatur, & *e*) cum ex-
ploratis delicti circumſtantiis conſentiat.

§. 420.

Hujuscemodi confessionis vis eo nequaquam infringitur, quod omnes facinoris circumstantiæ, quas inculatus confessus fuit, ultra perfecte investigari nequeant; sufficit, commissum delictum aliquo tamen modo experientia confirmari, nihilque occurrere, quod confessionis fidem labefactet. Si præter confessionem nullum omnino delicti vestigium detegi posset, sola confessio legitima probatio haud est.

§. 421.

Confessio contra præscriptum legis, pollicitatione, minis, violentia, aut illicitis quibuscumque mediis elicitæ, tunc demum legitimam vim probandi nanciscitur, cum comprehensus ab hisce illegitimis impulsionibus, immo & ab earum metu immunis, confessionem repetierit, eaque tales contineat circumstantias, quæ cum levato corpore delicti conveni-

ni-

niunt , & comprehenso , nisi ipse auctor delicti foret , compertæ esse non possent.

§. 422.

Probatio per confessionem subsequa inficiatione , aut contradictione inculati non infirmatur , nisi probabilem causam falsæ confessionis , aut tales circumstantias proferat , quibus exploratis prioris confessionis veritatem merito in dubium vocare licet.

§. 423.

Ut testis effatum fidem faciat , sequentia desiderantur : *a.)* voluntarium , ideoque nec collusionem , instigationem , detorsionem , corruptionem , præmio , nec minis , aut violentia testi suggestum sit ; *b.)* facti , vel circumstantiæ , cujus veritatem confirmet , perspicuam , atque determinatam narrationem contineat ; *c.)* propria , certa que testis scientia , non relativis , conjecturis , probabilitate , vel argumentationibus nitatur ; *d.)* jurejurando

firmitur, *e.*) nec ex qualitate testis, nec ex tenore effati iusta, fidem minuens suspicio oriatur; *f.*) effatum cum iis, quæ explorata fuere, eatenus certe congruat, ut ne in præcipuis circumstantiis adpareat repugnantia.

§. 424.

Generatim ad legitimam probationem duorum testium effata requiruntur. At tamen *primo* : ad qualitatem facti evincendam eo in casu, quo facti probatio alia ratione obtineri nequit, unius illius, in quem delictum commissum fuit, testimonium sufficit. *Secundo* : quantitas damni delicto dati testimonio læsi, aut ejus, in cuius potestate res, dum violabatur, erat, legitime probatur, tametsi satisfactio præstetur. *Tertio* : ad eam delicti circumstantiarum explorationem, qua ipsa inculati confessio, ut legitimam vim probandi sortiatur, sufful-

fulta esse debet, unius testis dicta, confessioni consentanea sufficiant.

§. 425.

Quidquid a iudicio poenali, vel alia praefectura de aliquo cum inquisitione nexum habente muneris exercitio in protocollis adnotatum fuerit, legitime probatum habetor; testimonium vero unius officialis ad iudicium poenale munus gerentis de circumstantiis durante inquisitione emergentibus a ceteris testimoniis omnino non differt.

§. 426.

Publica documenta, §. 406. memorata, generatim eorum, quæ continent, legitimam fidem faciunt.

§. 427.

Ubi testimonium artis periti in praesenti codice desideratur, id, quod praescripto modo testatur, legitime probatum censetor.

§. 428.

§. 428.

Incusatus negans delictum vel per testimonia, vel per concursum circumstantiarum convinci potest.

§. 429.

Ad convictionem per testes requiritur, ut duo testes jurati, quorum uterque decimum octavum ætatis annum expleverit, immediate de ipso delicto, ab incusato patrato conforme, propria, certaue scientia innixum, & normæ §. 423. attemperatum testimonium perhibuerint, suaque effata incusato in confrontatione coram confirmariint, quin fides eorum defensione incusati, aut alia in inquisitione obveniente circumstantia labefactetur.

§. 430.

Complicum quoque effata tunc ut testimonia ad legitimam incusati convictionem valere poterunt, quando duo complices uno ore adversus incusatum delictum

tum ab eo cum ipsis patratum testati fuerint, suaque effata non solum inculcato in judiciali confrontatione coram repetierint, verum etiam post publicatam ipsis poenalem sententiam expresse iterum ea de re interrogati, confirmaverint. Præterea eorum effata *primo*, requisitis §. 423. *a, b, c, e, f*, instructa sint; *secundo*, in responsis ad tales quæstiones, quæ ipsis de singularibus cum communi delicto connexis circumstantiis propositæ fuerant, quasque ante comprehensionem prævidere haud poterant, inter se plene consentiant; *tertio*: quoad præcipuas complices ipsos gravantes circumstantias directis ac perspicuis probationibus firmentur, ita, ut iudex a studio partium alienus præviam collusionem suspicari, aut alia de causa veritatem effatorum in dubium vocare nequeat.

§. 431. *non in d. 10*

Sub iisdem cautelis convictio tum quoque locum habeat, si præter effatum unius testis jurejurando confirmatum, ceterisque requisitis §. 423. & 429. prædictum, consentiens cum eodem juxta §. 430. unius complicitis effatum habetur.

§. 432.

Ad legitimam convictionem delinquentis, factum negantis, per concursum circumstantiarum efficiendam, sequentia requisita junctim desiderantur :

I. Factum cum concomitantibus peculiaribus circumstantiis revera accidisse legitime probatum sit. Ubi itaque factum cum peculiaribus circumstantiis probari nequit, nec convictio per concursum circumstantiarum locum invenit.

II. E nexu exploratarum per inquisitionem circumstantiarum adeo propinqua, atque perspicua relatio inter commissum delictum, & inculatum se prodatur,

ut

ut saltem secundum naturalem, atque consuetum humanarum actionum cursum concipi nequeat, alteri, præterquam incusato, tam propinquam occasionem, eam mentem atque determinationem obtigisse.

III. In delictis homicidii ex inquisitione clare adparere debet, incusatum odium, inimicitiam, æmulationem, iram, indignationem, vel alium ejusmodi vehementem affectum adversus occisum fovisse, aut ei mortem minatum fuisse, vel minimum mortem ejus sordidi lucri cupidine ad obtinenda privata commoda, aut ad amovendum aliquod impedimentum exoptasse.

Duæ præterea ad minimum e sequentibus circumstantiis legitime probatæ adversus incusatum concurrant oportet: *a.)* ut homicidium instrumento patratum sit, quo non nisi incusatus eo tempore instructus erat; *b.)* ut incusatus in loco

cædis commissæ, ipso illo tempore, quò
 committebatur, conspectus fuerit, quin
 ullam aliam verisimilem occupationem,
 aut causam, ob quam ibidem adfuerit,
 afferre valeat; *c.*) ut cæde pervulgata
 absque alia probabili causa fugam de-
 derit, vel sese occultaverit; *d.*) ut tem-
 pore patratæ cædis cum lethiferis, &
 quidem ejusmodi instrumentis, quibus
 alias uti non consueverat, deprehensus
 fuerit; *e.*) ut jam ante cædem patratam
 in loco quodam ab eo, qui nunc occisus
 est, frequentari solito, delitescens, aut
 insidias struens visus fuerit; *f.*) ut in eo,
 aut in ejus vestimentis commissi delicti,
 aut perpetræ in hujus patratione resistan-
 tiæ vestigia detegantur; *g.*) ut quidquam
 eorum, quæ enecatus cædis tempore se-
 cum habebat, vel apud ipsum inventum,
 vel dum persequentes fugeret, abjectum
 ab ipso fuerit.

Si contrarium ejus, quod inculpatus ad sui defensionem de circumstantiis adversus ipsum militantibus adducit, legitime probatum, adeoque defensio sua manifeste falsa fuerit; tum una quoque e memoratis hic circumstantiis ad convictionem sufficit.

IV. In ceteris delictis ex inquisitione constare debet, inculpatum talem esse hominem, a quo imputatum delictum minime est alienum, quippe quod vel jam antehac delicti causa in inquisitionem judicialem inciderit, nec innocens declaratus fuerit; vel quod honestum vitæ sustentandæ modum docere nequeat; vel denique quod cum notoriis delinquentibus in consortio, ac familiari consuetudine vixerit.

Præter hoc duæ saltem e sequentibus circumstantiis legitime probatæ inculpatum premant: α.) ut apud ipsum, vel in habitatione ejus, vel in aliquo, ubi res

Cod. Pœn

O

su-

suas recondere solet, ei accessibili loco
 instrumenta ad facinus comittendum apta,
 ipsique pro conditione, vitæque susten-
 tandæ modo plane supervacanea inventa
 fuerint; *b.*) ut apud ipsum, in habita-
 tione ejus, vel in alio ab ipso ad res
 suas condendas determinato loco objecta
 delicti, aut permanentiâ cujuscunque ge-
 neris vestigia reperta fuerint; *c.*) ut in
 locum delicti commissi vel ante, vel post
 facinus, vel dum illud patrabatur, irrep-
 serit, ibidem latitaverit, aut inde se sub-
 duxerit; *d.*) ut post facinus pervulgatum
 absque ulla alia probabili causâ fugam
 dederit, vel latuerit; *e.*) ut opificem,
 vel artificem de ejusmodi sibi re confi-
 cienda interpellaverit, quæ ei ad nul-
 lum aliûm licitum, aut conditioni suæ
 convenientem usum, utique vero ad per-
 petrandum imputatum facinus prodesse
 poterat; *f.*) ut facinoris commissi tenta-
 menta, aut exercitia sua manu facta pro-
 ficerent;

flent; g.) ut forma, armis, vestimentis prorsus idem videatur, qui ut delicti auctor ab eo, in quem admissum est, aut ab aliis descriptus fuerit.

Si legitime probetur, defensionem inculcati contra obstantia sibi indicia falsam esse; in quolibet delicti genere, una e recensitis hic circumstantiis ad convictionem sufficit, peræque ac id paulo ante de delicto homicidii memoratum est.

§. 433.

Inculcato factum quidem fatente, malum tamen propositum inficiente; considerari oportet, an secundum circumstantias ex inquisitione illucentes factum repente contigerit, an vero auctor ad id præparandum media adhibuerit, impedimenta amovere studuerit. Priori in casu exusatio eatenus tantum admitti poterit, quatenus malum secundum naturalem rerum ordinem haud necessario ex ipsa actione secutum est. Si vero incu-

satus occasionem , atque media delicti
committendi præparaverit ; tum mali quo-
que propositi convictus habetor ; præ-
terquam si ex inquisitione peculiare ad-
pareant circumstantiæ , quæ apte aliam
intentionem admittunt.

§. 434.

Generatim regula esto , nullam pro-
bationem singillatim , sed in connexionem
cum integro inquisitionis negotio perpen-
dendam esse. Cum itaque testimoniorum
integritas personalibus relationibus , aut
cujuscumque probationis fides contrariis
explorationibus dubia redditur , tum pro-
bationis vis infringitur , & imminuta pro-
batio legitima ultra censeretur nequit.

CAPUT XI.

De sententia.

§. 435.

Finita unaquaque inquisitione, qua quis ad causam de delicto dicendam in jus vocatus est, sententia fertor.

§. 436.

Sententia ab eodem iudicio poenali, cui jus procedendi adversus inculatum competit, pronuntianda est.

§. 437.

Porro sententia in iudicio ad legis præscriptum composito prævia debita deliberatione fertor.

§. 438.

Ad iudicium ex legis præscripto componendum confessus trium ad minimum virorum, qui a tribunali superiori ad mu-

nus judicis in causis poenalibus exercendum idonei declarati fuerunt , una cum actuario requiritur.

§. 439.

Cui cum eo , de quo judicandum est, talis intercedit nexus, ob quem in causis civilibus pro eo , vel adversus eum testis omni exceptione major haud foret, ad iudicium poenale non admittitur.

§. 440.

Ad deliberationem, ferendamque sententiam quantocius progredi oportet ; ideoque sententia in regula post terminatam inquisitionem intra octo dies , ubi vero inquisitio gravior, ac prolixior fuerit, intra triginta ad summum dies pronuntiatur.

§. 441.

Deliberatio die profesto , ante meridiem, & in composito iudicio instituitur. Votum absentis scripto transmissum haud numeratur.

§. 442.

§. 442.

In instituenda deliberatione ordinem libri actorum diurnorum, de quo §. 368. mentio facta est, sequi oportet. Cuncta protocolla, ceteraque scripta, prout in inquisitione alia aliis succreverant, integra, non in epitomen redacta, præleguntur. Assessores iudicii ad continuam, exactamque attentionem tenentur, ut de re tota, religiose conceptam, & solidam opinionem proferre valeant. Si in inquisitione defectus adpareat, ob quem tute ad sententiam ferendam progredi non liceret, ejus emendatio confestim curanda est.

§. 443.

Quilibet votum daturus perpendito, jus non arbitrio, sed legibus determinari; earum adplicationem ad factum, personam, atque probationes, sententiam efficere; innocentem nil pati, & nec cum fonte severius, ac leges docernunt, agi

debere ; publicam tamen securitatem, ac eadem innixam societatis civilis salutem præprimis sceleris punctionem deponere; hinc iustitiam non minus intempestiva misericordia , quam injusta severitate migrari.

§. 444.

Assessor, qui referentis munere fungitur, opinionem suam scripto præparatam in deliberatione prælegito , præses suffragia perrogato. Quodlibet votum ab actuario cum adductis motivis protocollo inscribitur. Sententia secundum votorum pluralitatem concipitur. Præses uno duntaxat, & quidem postremo voto gaudet, quo, si vota paria fuerint, res deciditur. Si votis paribus præses aliam tertiam opinionem protulerit ; sententia secundum eam, cui præsidis votum proxime accedit, concipitur. Quodsi opinio ejus ab utriusque partis opinione prorsus fuerit diversa, interrogatio suffragio-

giorum repetenda, ac si ne tum quidem
majora prævalent, mitior ex paribus sen-
tentia seligenda est.

§. 445.

In sententia sequentia capita expri-
muntur :

Primo : nomen inculati, cognomen,
ac nomen spurium, scilicet, quod ei in
caterva facinorosorum, aliasve in com-
muni vita inditum fuit ;

Secundo : delictorum, de quibus ju-
dicatum fuit, denominatio, una cum de-
terminatione, an criminalia, vel civilia
delicta sint. Denominatio secundum le-
gem, paucis verbis, prætermiffa facti de-
scriptione, ita tamen concipienda, ut plu-
res sub communi cujusdam delicti nomi-
ne comprehensæ species, jam ab ipsa le-
ge a se invicem discretæ, distincta hac
denominatione designentur ;

Tertio : dies instituti cum inculato a
judicio poenali examinis, dies finitæ in-

quisitionis , nec non latae in eum sententiae ;

Quarto : genuinus sententiae tenor, qua *a.*) inculpatus, vel innocens, vel poena dignus declaratur, aut inquisitio tollitur, porro *b.*) indemnitas a condemnato ob delictum forsan praestanda, aut determinatur, aut reservatur, *c.*) refusio denique impensarum judicialium imponitur, aut tollitur.

§. 446.

Si iudicium poenale cognoverit, inculpatus se plene ab indiciis purgasse, manifestam proinde esse ejus innocentiam, sententia pronuntiator : eum ab imputato ipsi delicto absolvi, atque innocentem declarari.

§. 447.

Sin ex actis inquisitionis legitima quidem delicti ab inquisito perpetrati probatio haud prodeat, probabilia tamen de eo supersint argumenta, sententiae tenor
esto

esto : inquisitionem ex legitimæ probationis defectu sublatam declarari.

§. 448.

Cum inculpatus ex legitima probatione unius , vel plurium delictorum reus judicatur ; poena legitimo respectu ad qualitatem facti , ejusque auctoris , tum ad aggravantes , & lenientes circumstantias habito decernitor. Sententia definitam poenæ speciem , hinc , si poena carceris irrogatur , gradum , tempus durationis , una cum adjectis fors exasperationibus , nobilitatis jacturam , aut relegationem tam perspicue exprimat , ut in poenæ executione ne minimum quidem dubium suboriri possit.

§. 449.

Pœna mortis tum solum sententia irrogari potest , cum delictum , in quod lex poenam hanc statuit , adversus inculpatum propria ejus confessione , vel per testes juratos legitime probatum fuerit. Delin-

quens

quens per complices delicti, vel per concursum circumstantiarum convictus, ultra viginti annos ad carceris poenam non condemnator.

§. 450.

Lata pro votorum pluralitate sententia protocollo ad verbum præside dictante inferenda, ab actuario confestim perscribenda, & ab omnibus iudicii membris subscribenda est.

§. 451.

Si unum e sequentibus delictis inquisitionis fuerit objectum, scilicet, perduellio, seditio atque tumultus, vis publica, abusus potestatis superioris alteriusve muneris publici, adulteratio chartarum publicarum, falsa moneta, turbatio religionis, homicidium, duellum, incendium, rapina, denique subsidium delinquentibus præstitum; tunc sive de conatu, sive de consummatione ejusmodi delicti agatur, qualiscunque fuerit sententia, semper

per ante publicationem tribunali superiori
ri submittitor.

§. 452.

In aliis delictis condemnatio tunc de-
mum tribunali superiori prævie submit-
tenda est, cum ea legitima convictione
inculati negantis innixa, vel poena ultra
quinque annos decreta, aut si expositio-
ne ad infamem catastam, aut denique si
ictuum castigatione exasperata fuerit.

§. 453.

In casibus, qui præcedentibus duo-
bus §. §. continentur, præter perscrip-
tam sententiam etiam liber actorum diur-
norum una cum omnibus actis, & deli-
berationis protocollo tribunali superiori
transmittitor. A diffitis judiciis poenali-
bus transmissio per cursum publicum pro-
ximo die curanda. Dies traditionis in
judicii protocollo adnotandus, & accep-
tum traditionis testimonium sollicite adser-
vandum est.

§. 454.

§. 454.

A tribunali superiori caussa transmissa ea ratione maturatur, ut eodem tempore, quod superius §. 440. finitum est, dijudicetur. Ceterum in componendo illic confessu, in elaboranda relatione, in relatione ipsa, porro in deliberatione, tum in modo concludendi, ac perscriptione exaranda præscripta tribunalibus justitiæ instructio observator.

§. 455.

Tribunal superius ante omnia modum procedendi quam *exactissime* examinato. Observatis hac in re defectibus substantialibus, qui ipsam sententiam ferendam afficiunt; acta iudicio poenali illico remittito, eique aptam ad emendandos hosce defectus instructionem dato, addito præscripto, ut, dum acta iterum transmiserit, declaret, an priori sententiæ inhæreat, aut qua ratione eam mutandam iudicet. In postremo hoc casu mutata
sen-

sententia in tribunalis superioris deliberationem venit.

§. 456.

Sin tribunal superius levioris momenti nœvos, qui naturam negotii nequidquam mutant, detexerit, tunc causam ipsam dijudicato, compertos tamen nœvos, sive rem ipsam, sive ejus morationem concernant, peculiari decreto reprehendito.

§. 457.

Transmissione actorum ob exceptas §. 451. delictorum species facta, tribunal superius non attenta ea, quæ a judicio poenali lata est, talem pronuntiato sententiam, qualem leges, & acta exigere videntur. Liberum itaque eidem erit, judicii poenalis sententiam aut confirmare, aut mitigare, aut duriolem ferre. Sin judicium poenale tribunali superiori ex causa §. 452. acta tradiderit; eidem haud fas est, illius judicii sententiam in durio-

rem

rem mutare, sed expendere unice, an non legitime consideratis omnibus facti, probationum, tum aggravantibus, & lenientibus circumstantiis justo durius cum incusato agatur, an porro iudicii poenalis sententia confirmanda, aut ad quem modum mitiganda sit.

§. 458.

In delictis perduellionis, abusus potestatis superioris, alteriusve muneris publici, & chartarum publicarum adulterationis, nec ipsi tribunali superiori sententiam suam perscribere licet, sed conclusum supremo iustitiæ tribunali cum omnibus actis submittere, ejusque decisionem præstolari debet.

§. 459.

In aliis §. 451. recensitis delictis lata a tribunali superiori sententia, supremo iustitiæ tribunali tum demum erit submittenda, si poena mortis irrogatur, vel si a tribunali superiori statuta poena eam, quam

quam iudicium poenale determinaverat ,
quinque annis excedat , vel denique si iu-
dicum poenale dimissionem incusati , tri-
bunal superius autem poenam decreverit.

CAPUT XII.

*De publicatione , atque executione sen-
tentiæ.*

§. 460.

Sententia foro superiori haud obnoxia ,
citra moram publicanda est , atque exe-
cutioni mandanda. Ubi tamen ad poe-
nam damnatus tempore promulgandæ sen-
tentiæ mente captus , aut alio gravi mor-
bo æger , vel femina condemnata præg-
nans fuerit ; publicatio , atque executio
eo usque differtor , donec mente captus
rationis usum , ægrotus sanitatem recupe-
raverit , prægnans partum ediderit.

Cod. Poen. P. Tum

Tum solum etiam prægnanti damnatæ sententia publicari, atque executioni mandari poterit, si prorogatio custodiæ, dum partum edidisset, gravior ipsa poena foret.

§. 461.

Publicatio, atque executio sententiæ tum quoque differtor, cum condemnatus *a.)* officialis publicus, *b.)* clericus, *c.)* statuum provincialium, *d.)* vel matriculæ universitatis, aut lycæi inscriptum membrum, *e.)* vel talis persona fuerit, quæ a statu militari ad munus civile retenta militari dignitate transivit. His in casibus sententia tribunali superiori, etsi alia eam submittendi causa non subesset, una cum actis traditor, ut ab hoc pro personarum diversitate curiæ, ad quam condemnatus servit, episcopo, statuum provincialium collegio, universitati, vel lycæo, proximæ denique mi-

litari præfecturæ delictum, lataque sententia significetur.

§. 462.

Accepta hac notitia officialis publicus damnatus a mox curia, ad quam servit, munere privandus, idque tribunali superiori nunciandum, & ab hoc sententiæ poenalis publicatio, atque executio mandanda est. Ceteris in casibus §. præcedenti memoratis iis potestatibus, quibus sententia significatur, de status ademtione, quo damnatus cum ipsis jungitur, statuere, idque tribunali superiori indicare permittitur. Verumtamen responso intra triginta dies non accepto tribunal superius citra ulteriorem dilationem publicationem, & executionem sententiæ poenalis curato.

§. 463.

Sententia, qua comprehensus innocens declaratur, eidem quantocius, ideoque etiam die dominico, aut festivo ab

actuário significanda, is porro in libertatem restituendus, eique sententiæ exemplar, a judicio poenali roboratum, edendum est.

§. 464.

Si inquisitio ex defectu legitimæ probationis tollitur, inculatus proximo die profesto coram judicio sisti, ab actuário sententia eidem prælegi, ejusque exemplar edi, isque prævia gravi admonitione dimitti debet.

§. 465.

Sententia mortis poenam præseferens, proximo, quo commode fieri potest, attamen tali die profesto, quem nec dominicus, nec festus dies sequitur, publicator. Hunc in finem in illo, ubi curia judicialis est, foro, catastra erigenda, eo condemnatus, vinculis strictus, comitantibus vigiliis ducendus, eidem peculiariter hunc in finem præparata epitome actorum inquisitionis, delicti
sum-

summam continens, una cum sententiâ ab actuârio præsensibus duobus iudiciâ pœnalis officialibus voce clara, atque distincta praelegenda, simulque condemnato significandum est, postmodum sententiam executioni mandatum iri. Condemnato in curiam reducto curator animæ, quem & ipse sibi eligere potest, addendus, nec tamen promiscuus aliorum ad eum aditus concedendus est. Postero mane pœna mortis executioni datur, quin ob condemnati reluctationem se ad mortem præparandi, aut ob prætextum imploratæ gratiæ mora indulgeatur. Sententiæ capitales, quæ in metropoli executioni dantur, una cum prælecta in publicatione epitome typis mandandæ, atque die executionis publici juris faciendæ sunt. Cadaver supplicio adfecti elapsis duodecim horis penes ipsum supplicii locum inhumatur, eodem tempore supplicii catastro amovetur.

§. 466.

Aequè sententia poenam carceris ultra quinquennium irrogans definito die facto condemnato in vinculis ad exstructam ante curiam judicalem catastam ducto, clara voce publicator.

§. 467.

Sententia, qua poena non ultra quinquennium decernitur, a judicio poenali in ipsa curia condemnato proximo die facto indicitor.

§. 468.

Si sententiæ relegatio adnexa fuerit; ipsum reditum in unam ex hisce provinciis delictum criminale esse, tum quæ huic delicto ex lege poena immineat, in promulgatione declarator.

§. 469.

Si inquisitio ex defectu legitimæ probationis tollitur, vel poena corporis afflictiva irrogatur, promulgatæ sententiæ

ex-

exemplar cum descriptione personæ, ad
versus quam lata fuerat, a iudicio poe-
nali circuli capitaneo transmittitor, ut
is inculati, vel condemnati notitiam ha-
beat.

§. 470.

Sententia, qua condemnatus ad in-
famem catastam exponitur, vel sub initium
poenæ ictibus castigatur, quave stigmatis
impressio cum relegatione decernitur,
quoad has exasperationes statim post pro-
mulgationem executioni mandator.

§. 471.

Ad subeundam poenam corporis af-
flictivam, sex menses duri carceris, vel
unum annum mitioris carceris non exce-
dentem, condemnatus, in ipso iudicii
poenalis loco detineri potest.

§. 472.

Sin delinquens ad duri carceris poenam ultra sex menses , vel ad mitioris carceris poenam ultra annum condemnatus fuerit, locus poenæ subeundæ sequenti discrimine determinator :

a.) delinquentes ob delictum perduellionis , aut adulteratarum chartarum publicarum ad poenam carceris damnati, eam in arce, sententia peculiariter determinanda, subibunt ;

b.) de alio quocunque delicto ultra decem annos condemnatus, ad arcem Spielberg, quæ prope Brunam in Moravia est, ad poenam subeundam deportatur ;

c.) ad decem annos, vel infra condemnati poenam suam in universali domo correctoria provinciæ tolerabunt.

§. 473.

Deportatio condemnati ad locum, lege ad poenam subeundam designatum, a præ-

præfectura circulari institutor, quia iudicio poenali aliud incumbat, quam ut condemnatum ad hanc præfecturam fiat. Iudicium itaque poenale, cum per §. 469. sententiam poenalem, in aliquo e locis §. 472. definitis executioni mandandam, ad præfecturam circularem transmittit, simul exquiret, quonam die condemnatus ad ulteriorem deportationem extradendus sit.

§. 474.

Si præfecturæ circularis conditio fert, ut condemnatum, dum ad locum poenæ deportetur, in custodiam recipiat, illico iudicio poenali extraditionem delinquentis mandato. Sin loco ad custodiam opportuno careat, condemnatus in iudicio poenali relinquendus, quantocius tamen dies extraditionis præstituendus est. In genere præfectura circularis omnem curam adhibeat, ut condemnati quantocius, ac tutissime ad poenæ

locum deportentur. De necessario præsidio militari proximam præfecturam militarem interpellato, sique vectura opus fuerit, de equis vehicularibus publice dandis curam habeto. Tametsi porro, quoad fieri potest, plures condemnati una ad poenæ locum deportandi sint, ea tamen in re nec commoditas, nec impensarum compendium, verum justitiæ administratio, & publicæ securitatis cura finis præcipuus esto. Hinc ob opinatam plurium deportandorum colluvionem vel unius condemnati deportatio haud protrahenda, sed condemnatus intra triginta ad summum dies post publicatam sententiam ad designatum poenæ locum deportandus est.

§. 475. *de poenâ*

Judicium poenale sub gravi animadversione obligatur, ut condemnatum, donec a præfectura circulari receptus fuerit, sub exacta, a fugæ periculo tuta, custodia

dia teneat , eademque præcautione ad præfecturam circularem sistat.

CAPUT XIII.

De recurſu.

§. 476.

Recurſus, id eſt, auxilii a tribunali ſuperiori imploratio, adverſus duplicis generis ſententias locum obtinet: *a.*) adverſus ſententias judicii poenalis, quas hoc, quin prævie tribunali ſuperiori ſubmittat, publicare, atque exequi poteſt; *b.*) adverſus eas tribunalis ſuperioris ſententias, quibus ſententia judicii poenalis plene abſolutoria in ſublationem inquisitionis mutata, aut ſententia poenalis quoad poenæ durationem, vel alio modo exaſperata fuit. Fundamentum recurſus in eo conſiſtere poteſt, quod inculatio, atque in-

qui-

quisitio absque legitima causa instituta sit, vel quod inculatus secundum ea, quæ de indiciis explorata fuere, innocens declarari, vel ex lege non tam severe condemnari debuisset. Adversus sententias a supremo justitiæ tribunali latas, & adversus tribunalis superioris sententias, per quas judicii poenalis sententia modo in b. memorato, nec mutata, nec exasperata fuit, recursus haud conceditur.

§. 477.

Rekursu uti possunt; *a.*) ipse condemnatus; *b.*) ejus consanguinei in linea ascendente, & descendente; *c.*) ejus conjux; *d.*) tutor; *e.*) terræ dominus pro subdito suo. Ut autem judicio poenali constet, recursum nec a persona jure recurrenti destituta, nec sub nomine ficto exhiberi, recurrens fide digno testimonio, unam præcedentium qualitatum doceat oportet. Sed nec legitimæ hæ personæ recursus absque fundamento, aut ea tantum

in-

intentione interponant, ut executio sententiæ differatur.

§. 478.

Recurfus causa actorum inquisitionis inspectionem nemini petere fas est. Ut tamen persona recurrenti jus habens scire valeat, utrum solida recursus fundamenta adsint, motiva latæ sententiæ a judicio poenali petere potest, quæ intra viginti quatuor horas eidem edenda sunt. Hunc in finem tribunal superius sententiis illis, contra quas juxta §. 476. b. recursus locum invenit, motiva sententiæ adjungito.

§. 479.

Recurfus illico post publicatam sententiam, & ante poenæ executionem insinuandus, ipse vero libellus recursus intra octiduum saltem judicio poenali, a quo publicatio facta, exhibendus, præterlapso hoc tempore autem rejiciendus est. A recurrentis arbitrio

pe-

pendet, utrum recursum coram ad protocol-
lum dictare, aut scripto exhibere
malit. Si condemnatus ipse recursum in-
terposuerit, eidem desideranti vir pro-
bus, & peritus addendus, & colloquen-
di cum hoc, semper tamen præsente ju-
diciali persona, & quidem lingua, quam
persona hæc callet, facultas danda est.
Sed & defensori huic sub animadversio-
ne, & poena injungitur, ut libellum in-
tra octiduum exhibeat. In perplexis tan-
tum casibus petenti terminus ad dies octo
prorogator.

§. 480.

Judicium poenale libellum recursus,
quamprimum exhibitus fuerit, vel elapso
termino recursus insinuationem protocol-
lo inscriptam cum omnibus actis tribu-
nali superiori transmittito, & in infor-
matione adjungi solita rationes adducito,
quibus fors recursum refelli judicet. Pen-
den-

dente tribunalis superioris decisione, executio sententiæ poenalis suspenditor.

§. 481.

Tribunal superius recursum & acta probe perlegito. Si causæ tractatio, & sententia lata legibus conformis reperitur, recursum rejicere, alias vero dijudicationem legibus contrariam irritam declarare, injuste oppresso indemnitatem, atque satisfactionem procurare, vel sententiam ad legis normam mitigare debet. Exasperare autem poenam occasione interpositi recursus fas non est.

§. 482.

Ubi recursus adversus tribunalis superioris sententiam interponitur; acta supremo justitiæ tribunali submittenda, & ea omnia, quæ de recurso adversus sententiam judicii poenalis præscribuntur, observanda sunt.

§. 483.

§. 483.

Si recursus rejectus fuerit; carcer a die publicatæ sententiæ usque ad diem, quo subsecuta de recursu decisio condemnato promulgatur, in poenæ tempus non imputatur. Si vero sententia mitigatur, tolerata tempore interjecto custodia utique imputanda est.

§. 484.

Citra remedium recursus latæ sententiæ non derogator. Ubi tamen poena interrogata quinquennium non exceßerit, & durante poena nova, in ferenda sententia haud ponderata, atque talia se prodiderint momenta, quæ, si tunc cognita fuissent, ad mitigandam poenam fecissent, tribunali superiori æquam relaxationem indulgere jus & potestas esto. De poenis ad longius tempus aut supremi iustitiæ tribunalis sententia decretis, nonnisi ab eodem hoc tribunali remissio impetrari potest.

CAPUT XIV.

*De modo procedendi in profugos atque
absentes.*

§. 485.

Tametſi delicti, in cujus notitiam præfectura venit, auctor prorsus ignotus ſit, vel comprehendi nequeat; nihilo ſecius ea cuncta, quæ tam de indagatione facti, & concurrentium ad id circumſtantiarum, quam de conquirendis probandi mediis præſcripta ſunt, circumſpici, & quæ legitime explorata ſunt, judicio poenali in promptu eſſe debent, ut, comperto auctore delicti, uſui eſſe poſſint.

§. 486.

Judicii poenalis eſt, nihil eorum prætermittere, quæ ad apprehendendum delicti auctorem facere poſſunt. Alii magiſtratus judicio poenali hac in re opem, atque ſubſidium ferunt. Ad

Cod. Poen.

Q

per-

persequendum fugitivum provocata præfectura districtus sui limitibus non coarctatur, sed per se ipsa delinquentis vestigia ad extrema usque harum provinciarum confinia persequi potest, quin a præfecturis, quarum districtus permeat, impediri queat; immo hæ omnes communem inter se operam ei hac in re præstanto.

§. 487.

Si delinquens ex indubiis vestigiis, ex indiciis ad comprehensionem legitimis compertus habeatur; mandata comprehensoria emittuntur. Cavendum tamen est, ne forte facinoris auctor in persuasione sua, nil adhuc iudicio de se constare, turbetur, atque adeo vel a revertendo deterreatur, vel ad fugam capeffendam incitetur, vel denique ad eludendam quocunque modo percuntationem moveatur. Dum quid simile suspicari licet, vestigiis commorationis delinquentis clam potius continuo
in-

institi, ac secreta præfecturarum, in quarum districtu commorari posset, provocatione, comprehensionem curari oportet.

§. 488.

Mandata comprehensoria adversus illos quoque exarantur, qui e carceribus durante inquisitione, vel e loco poenæ evadendi media invenere.

§. 489.

In mandato comprehensorio persona, adversus quam emanat, quam distinctissime describitur. Judicium poenale conceptum a se mandatum comprehensorium secreto præfecturæ circuli tradit, hæc autem illud illico per peculiarem sic dictam currendam, in minores districtus divisam, diu noctuque promovendam cum politicis circuli præfecturis communicat, & mandati exemplar simul ceteris provinciæ præfecturis circularibus transmittit, ut promulgatio ac divulgatio in ceteris quoque circulis cure-

tur. Exemplar mandati a præfectura circuli etiam tribunali superiori mittitor, ut promulgatio in aliis quoque provinciis tum per harum provinciarum potestates politicas, tum, si res postulet, per ephemerides publicas fiat.

§. 490.

Politica præfectura acceptum mandatum comprehensorium omnibus suis ad publicam vigilantiam constitutis officialibus, atque omnium ejusdem districtus communitatum præfectis notificet, ut non solum ab iis ipsis congrua cura adhibeatur, verum etiam per eos unusquisque paterfamilias, si quæ descriptæ similis persona occurrerit, ad eam indicandam attentior reddatur.

§. 491.

Quæ de mandatis comprehensoriis præcipiuntur, eadem in descriptione, atque promulgatione rei furtivæ aut raptæ, stellionatus item objecti, publicarum char-

ta-

tarum adulterationis, & falsæ monetæ observantor. Si descriptio majoris pretii ob-
jecta, aut tales res concernit, ex qua-
rum divulgatione spes affulget, ipsum fa-
cinoris auctorem detegendi, aut ulterius
malum prævertendi, aut denique damnum
passo indemnitatem procurandi, promul-
gatio illico institui poterit. At si de publi-
carum chartarum adulteratione, vel falsa
moneta describenda, atque promulganda
agitur, res prævie ad tribunal superius re-
ferenda, & ab hoc ea de re cum potesta-
te politica provinciæ conveniendum est.
Promulgatio æque ac in mandatis com-
prehensoriis peragitur. Hæ descriptio-
nes cuivis obligationem imponunt, objec-
tum descriptum, simul ac de eo quidquam
compererit, præfecturæ indicandi.

§. 492.

Si omnibus licet tentatis mediis delicti
incusatus deprehendi nequeat; regu-

Q 3 la.

lariter plena caussæ dijudicatio , scilicet ipsa condemnatio , eo usque , dum incusatus comprehensus fuerit , sistitor. Si tamen facinus gravi offensionis fuerit , vel ex omnimoda impunitate latius serpens malum metuendum foret , ac præterea de auctore delicti nullum supersit dubium , tunc etiam in absentem , atque profugum procedere , atque ad talem condemnationem progredi fas est , quæ aliquem tamen poenæ effectum adversus delinquentem habeat & exemplum ob oculos populi ponat.

§. 493.

Ante hujus processus institutionem , res a judicio poenali tribunali superiori submittenda , hujusque concessio petenda est. Hac impetrata absens seu profugus per edictum , ut se coram judicio sistat , citator. In edicto nomen , cognomen , conditio citati , & imputatum delictum exprimitur , addito mandato , ut intra sexag-

gin-

ginta summum dies coram judicio poenali compareat, & ad incusationem respondeat.

§. 494.

Citato intra terminum præfinitum non comparente, citatio secundo edicto repetitor. Edictum hoc præter nomen, atque conditionem citati, etiam imputati delicti præcipuas circumstantias, ad severiorem condemnationem facientes, unaque mandatum contineat, ut citatus se intra dies sexaginta coram judicio poenali sistat, utpote quod secus incusati delicti ex confessione reus habendus sit.

§. 495.

Primum, & secundum edictum in loco delicti commissi, in eo, in quo incusatus notorie domicilabatur, in eo denique, in quo judicium poenale situm est, modo in aliis judicialibus citationibus consueto affigitor, & si citatus pendente edicti termino non fuerit comprehen-

sus, semel saltem quolibet mense ephemeridibus provinciæ insertor. Exemplar edicti tribunali superiori transmittor, ut promulgatio, in gravioribus præsertim casibus, ubi facinoris auctorem interceptum iri multum interest, etiam in reliquarum provinciarum ephemeridibus, quin & in exteris regionibus procuretur.

§. 496.

Si citatus coram judicio, a quo citatus fuerat, ad primam, vel secundam citationem comparuerit; ordinario, lege præscripto modo proceditor. Quod si coram alio se sistat judicio; hoc eundem judicio poenali, a quo citatus fuerat, ad legitimam causæ discussionem tradito.

§. 497.

Citato salvum conductum petenti haud quidem promittere fas est, eum ab inquisitione, a condemnatione, aut omni tempore a comprehensione immunem fore:

Po-

Poterit tamen fide publica sponderi, eum durante inquisitione liberum a custodia tantisper mansurum esse, dum contra eum de imputato delicto, deque defensionis infirmitate extiterint probationes legitimæ. Sed & ad hunc modum restrictum saluum conductum iudicium poenale non nisi tribunalis superioris auctoritate, ad quod res prævie referenda est, impertitor; imo & hac impetrata, iudicium poenale non minus ad eas præcautiones adhibendas tenetur, quæ fugam incusati, quatenus citra comprehensionem fieri potest, præpedire valent.

§. 498.

Secundo quoque citationis termino frustrato, iudicium poenale citatum ex iis iudicato, quæ, eo licet absente, in instituta inquisitione obvenerant. In hac dijudicatione exstantes adversus citatum probationes ita considerantur, ac si exceptiones iis opponere, seque defendere nullo modo valeat, ideoque delicti

Q 5 cum

cum circumstantiis in citatione edictali expressis ex confessione reus censetur. Deliberatio & sententiæ pronunciatio ea prorsus ratione peragitor, ac si processus adversus delinquentem comprehensum terminatus fuisset. Lata sententia ante publicationem tribunali superiori, & ab hoc addita sua opinione supremo justitiæ tribunali substernitor.

§. 499.

Lata in absentem, aut profugum poenalis sententia patibulo, quod loco ad publicam poenam *exequendam* destinato erigi oportet, tali modo affigitor, ut a prætereuntibus commode quidem lægi, a nemine tamen obliterari, aut avelli possit. Sententia per tres continuos dies sic affixa relinquenda, & præterea ternis vicibus ephemeridibus provinciæ inferenda est.

§. 500.

Quatenus ejusmodi sententia privationem nobilitatis decernit, & superius §.

35. memoratos generales effectus producit, durante quoque condemnati absentia, executioni mandator. Profugo deprehenso, judicium poenale, quod edicta exaraverat, non obstante absentis condemnatione, causam ex ordine tractato, novam sententiam pronuntiato.

CAPUT XV.

*De reassumenda inquisitione ob novas
circumstantias.*

§. 501.

Si adversus inculatum, qui ex defectu legitimarum probationum ab inquisitione dimissus est, novæ prodierint probationes, inquisitio denuo instituitur.

§. 502.

Priusquam tamen inquisitio ob insufficientiam probationum sublata reassumatur,

tur, exploratum esse debet, *a.*) detectas nunc circumstantias, seu probationes revera novas esse, easque in priori inquisitione vel prorsus non innotuisse, vel tum haud satis dilucidari potuisse; *b.*) eas revera exstare; *c.*) nova probandi media tanti ponderis esse, ut, rite pervestigata, verisimiliter inculatum ad confessionem permovere, vel legitimam ejus convictionem, aut per se sola aut perpenſis una prioribus probationibus efficere valeant.

§. 503.

Concurrentibus his tribus mox recensitis requisitis, inquisitio cum ipsa comprehensione inculati reassumi potest. Sin vel unum ex his deficiat, is, qui sublatae inquisitionis sententiam, pro se habet, ne quidem liber a custodia examinator, imo nec aliud quidquam adversus eum inquisitionis renovandæ caussa suscipitor.

§. 504.

Ab eo, qui sententia absolutus & innocens declaratus est, de eodem delicto defensio aut excusatio nulla ratione possitor.

§. 505.

Sed & adversus delinquentem, qui ad poenam condemnatus est, ob idem factum inquisitio reassumi haud potest, tametsi ejusmodi emerferint circumstantiæ, quæ si ferendæ sententiæ tempore notæ, vel probatæ fuissent, severiorem effecissent sententiam.

§. 506.

Ob delictum ante sententiam poenalem commissum, si quidem ejusdem generis est ac illud, de quo jam poenalis sententia lata fuit, tum demum condemnatus novæ inquisitioni subjicitor, si noviter detectæ circumstantiæ memorata §. 502. requisita habeant, & obveniens nunc delicti iteratio ita comparata sit, ut lex re-

gu-

gulariter decennalem ad minimum poenam statuatur, & tamen priori sententia ob ignotam, vel non probatam tunc temporis iterationem, ne quinquennalis quidem poena decreta fuerit. Ob ignoratam antehac levioris delicti iterationem nova inquisitio neutiquam ad severiorem poenam irrogandam, sed eatenus duntaxat locum habeat, quatenus de præstanda indemnitate agitur, cujus impetrandæ spes solida ex priorum actorum cum recens detectis circumstantiis comparatione concipitur.

§. 507.

Ob delictum præcedens diversi ab eo generis, de quo prior sententia lata fuerat, inquisitio reassumitur, si præter nova, atque legitima indicia, *a.*) poena irrogata anni spatium haud excedat, obveniens e contra recens delictum quinquennali ad minimum poena ex lege foret vindicandum; vel *b.*) si in recens detectum

tum delictum mortis, aut perpetui carceris poena statuta, per priorem vero sententiam temporanea carceris poena irrogata sit; vel c.) si ob compertum nunc delictum damnum præstandum, & inquisitio veram indemnitis impetrandæ spem faciat.

§. 508.

Si nova proveniunt indicia, eum, de quo sententia jam pronuntiata est, delictum in societate judicio hactenus incognita commisisse, is inquisitione ad detegendos complices adigi potest, licet vi præcedentium §§. recens patefacti delicti causa nova sententia poenalis in eum decerni non possit.

§. 509.

Qui sententia innocens declaratus non est, & unusquisque pro eo, inquisitionis reassumptionem petendi jus habet, si tales suppeditentur probationes, quæ in prio-

ri

ri inquisitione non apparuerant , & ejus generis sunt , ut firma spes affulgeat , earum dilucidatione innocentiam comprobatum iri. Poena jam irrogata , damnatus nova sua adminicula , & modum eorum veritatem eruendi præfecto loci poenalis exhibeto. Hujus officium est , accuratum protocollum de his conficere , illudque judicio poenali tradere , ut hoc probe perpenſis novis circumſtantiis , ſiquidem fundatas repperit , condemnatum citra moram tantisper e poena eximat , ſibi ſiſti faciat , & inquisitionem inſtauret.

§. 510.

Nova inquisitio regulariter ab illo judicio poenali inſtituitur , quod priorem ſententiam tulerat. Huic itaque obvenientes novas circumſtantias indicari , argumenta ſuppeditari , ac eum ipſum , de quo judicatum eſt , ſiquidem poenæ adhuc obnoxius , vel cuſtodix denuo mancipatus fue-

fuerit, tradi oportet, sin autem liber sit, & ad probandam innocentiam suam ipsemet inquisitionem instaurari petat, coram eodem iudicio sese sistat. Eo tantum casu, quo nova inquisitio secundum §. 507. ob delictum diversi ab eo generis, de quo sententia lata fuerat, instituenda est, inquisitionem reassumere illius iudicii poenalis est, in cuius districtu incusatus nunc commoratur.

§. 511.

Qualibet reassumta inquisitione, per omnes processus partes, tum etiam in ferenda sententia, exacte cuncta ea observanda sunt, quæ præsentì codice in præcedentibus capitibus præscribuntur. Super istiusmodi inquisitione nova sententia fertor. In dijudicandis probationibus novas circumstantias cum ijs, quæ in priori processu obvenerant, probe conferri, atque combinari, ac si de poena irroganda agitur, sententiam ita pro-

Cod. Pœn.

R

nun-

nuntiari oportet, quemadmodum ex lege ferenda fuisset, si detecta postea delicta, & nunc exstantes probationes jam tempore prioris dijudicationis adparuissent. In decernenda tamen temporanea carceris poena, persolutæ ex priori sententia poenæ ratio habetör, eaque in nova irroganda remittitor.

CAPUT XVI.

De judicio statario.

§. 512.

Urgente necessitate extraordinarius iudicii statarii processus locum habere potest, qui in eo consistit, ut delictum quam brevissime investigandum, reus illico condemnandus, poenaeque statim executioni mandanda sit.

§. 513.

§. 513.

Judicium statarium regulariter nonnisi in seditione & tumultu , & in ipso hoc delicto tum solum obtinet , si res eo devenerit , ut ad restituendam tranquillitatem vi aperta uti necesse sit. Sedato tumultu hic modus procedendi nec inchoari , nec inchoatus continuari potest.

§. 514.

Judicium statarium per præfecturam circularem instituendum , & in loco seditionis habendum est. Eum in finem circuli capitaneus percepta genuina seditionis qualitate , perspectaque judicii statarii necessitate , *a.)* horam , qua eodem , vel si hoc fieri nequeat , sequenti die eo venturus sit , determinato ; *b.)* quinque in exercenda jurisdictione poenali probatos & re haud implicatos viros ad judicium statarium denominato , unum ex iis præsidem constituito , actuarium adjungito ; *c.)* proximam præfecturam

militarem, ut præsidium in omnem eventum judicio præsto sit, interpellato; *d.*) præfecturam politicam loci, ubi judicium statarium habendum est, vel ipsam, vel per delegatum officialem comparere jubeat, atque curare, ut utensilia judicio necessaria in loco ad habendum judicium idoneo in promptu sint, ut porro, si necesse fuerit, illico patibulum construi possit, denique pro hoc casu curator animæ, atque carnifex adsit.

§. 515.

Unusquisque ad munus in judicio statario obeundum a præfectura circulari designatus, sepositis omnibus aliis negotiis, sub gravi animadversione, tempore præfixo, in loco determinato comparere obligatur.

§. 516.

Quamprimum cuncta rite parata fuerint, illis in plagis, ubi seditio est, tubæ,
aut

aut tympani sono promulgator: ut, consistente nunc judicio statario, quisque ad pacem se componat, a turbulentorum congluvie statim secedat, & jussis ad compescendum tumultum editis pareat, secus eum, qui ultro inter tumultuosos apprehensus fuerit, pro statarii juris rigore morte punitum iri. Post hanc promulgationem curandum est, ut illi, qui tanquam factionum duces, atque concitatores eminent, vel saltem insigniter malitiosis actionibus, atque violentiis severæ sese poenæ reos reddiderunt, per vigilias, quibus a præfectura circulari prudentes commissarii adjungendi sunt, apprehendantur, atque coram judicio statario sistantur.

§. 517.

Si rapina, homicidium, aut incendia in districtu quodam usque adeo invaluerint, ut processus statarius a supremo justitiæ tribunali ad præfecturarum relationes decretus fuerit; tribunal poe-

nale superius ordinato, ut in districtu, ubi hæc delicta magis magisque grassantia ansam præbent, hujus processus comminatio publicetur. Quod si post publicationem simile delictum in districtu rursus commissum, & quispiam, adversus quem legitima de tali delicto exstant indicia, apprehensus fuerit; quælibet præfectura id illico præfecturæ circulari indicare tenetur. Circuli capitaneus citra moram judicium statarium in loco indicati delicti instituito, huncque in finem, quæ in §. 514. memorantur, curato.

§. 518.

In quolibet judicio statario, quoad indubiam circumstantiarum & corporis delicti explorationem, probationum conquisitionem, harum vim legitimam, & incusati examen, generatim eadem tenenda sunt, quæ hoc codice in processu ordinario præci-

cipiuntur. Singularia processus statarii
 hæc sunt: *a.)* singula capita processus
 ab ipso inde primordio usque ad ejus
 finem coram congregato judicio serie non
 interrupta tractantur; *b.)* res omnis in
 eo vertitur, ut illud factum probetur,
 cujus vindicandi causa judicium stata-
 rium habetur; circumstantias levioris mo-
 menti aut alia ab apprehenso commissa de-
 licta haud respici, & complicum explo-
 rationem non quidem negligi, sententiæ ta-
 men adversus apprehensum pronuntiatio-
 nem ejusque executionem propter com-
 plices haud retardari oportet: *c.)* senten-
 tia in judicio statario intra viginti quatuor
 horas a tempore, quo inculatus compre-
 hensus, aut judicium statarium coaduna-
 tum est, pronuntiari, atque executio-
 ni mandari debet.

§. 519.

Judicium statarium modo procedendi & forma inquisitionis ordinaria haud tenetur. Senior assessor collegio gradatim exponat, quid agendum, quomodo in inquisitione procedendum arbitretur. Judicium statarium potestatem habet, testem, quicumque is fuerit, confestim citandi, recusantem vi etiam judicio sisti faciendi, & detinendi, quamdiu ad eum, vel cum aliis testibus, vel cum ipso inculato, veritatis eruendæ causa, componendum, necesse fuerit. Senior assessor quæstiones proponito, & responsa, quibus ferenda sententia innitatur, actuariis, ut protocollo inscribantur, dictato. In deliberatione præses assessorum suffragia juxta muneris senium rogato, rem secundum vota majora, vel, si hæc paria fuerint, secundum illa vota, quibus accedendum esse arbitratur, decidito.

§. 520.

§. 520.

In iudicio statario poena delinquentis laqueus est. Illi solum, qui seditionis atque tumultus minus participes fuerant, si absterrens exemplum supplicio unius alteriusve e præcipuis delinquentibus obtineri queat, ad poenam corporis afflictivam §. 53. sancitam, hoc casu publica castigatione exasperandam, condemnator.

§. 521.

Inculpatus spatio viginti quatuor horarum definito nec legitime convictus, nec sufficienter purgatus, una cum inquisitionis actis iudicio poenali legitimo ad instituendum adversus eum processum ordinarium traditor.

§. 522.

Sin legitima extante delicti probatione sententia lata fuerit; citra moram publicator, simulque curator, ut mox in lo-

co opportunissimo patibulum construatur, atque executio statim peragatur,

§. 523.

Decreta a iudicio statario laquei poena, condemnato, ut se ad mortem præparare valeat, duas regulariter horas, ad expressam vero ejus petitionem, tertiam quoque indulgeri oportet. Ulterior retardatio locum haud invenit.

§. 524.

Adversus sententiam a iudicio statario latam recursus non datur,

§. 525.

De iis, quæ in iudicio statario acta sunt, protocollum ex ordine conficitor, huic substantialia causæ momenta, præsertim, quæ corpus delicti, atque probationes adtingunt, una cum editis in de liberatione suffragiis, lataque sententia inscribuntor, protocollum ab omnibus, qui iudicio statario interfuere, subsignator, & intra triduum saltem a tempore ter-
mi-

minatî statarii judicii tribunali superiori,
ut de servato legitimo ordine fides fiat,
transmittitor.

CAPUT XVII.

*De præstanda indemnitate, atque satis-
factione.*

§. 526.

Judicium poenale iis, quibus delicto damnum illatum est, rerum ad eos pertinentium restitutionem ex officio procurare obligatur, si eæ occasione inquisitionis inter res delinquentis seu complicitis delicti, vel tali in loco reperiantur, quo a delinquente ad eas duntaxat custodiendas repositæ fuerunt. Restitutio hæc vel ab ipso judicio poenali fit, si res restituenda in manus ejus devenerit, vel ad hujus interpellationem ab illo foro, sub cujus jurisdictione res nunc existit. Judicium poe-

na-

nale legitima apocha rem suam recipientis sibi caveto.

§. 527.

Si res aliena in manus alterius, non complicitis, modo ad dominium transferendum habili, seu etiam pignoris titulo pervenerit; iudicium poenale operam impendito, ut possessor rem domino sponte restituat; sin hoc impetrare nequeat, domino rei possessorem indicato, quo jus suum legitimo modo persequi valeat.

§. 528.

Priusquam tamen iudicium poenale petenti rem, quam delicto sibi surreptam esse contendit, restituat, dominium aut detentionem probari necesse est. Si confessioni delinquentis jurata domini aut detentoris confessio accesserit; probatio plena erit. Deficiente delinquentis confessione ad talem probationem sufficit, si a.) ex inquisitione constet, delictum in eum com-

commiffum fuiſſe, qui ſe dominum aut detentorem proſitetur, *b.*) hic rem diſtincte, & talibus notis, quæ nonniſi domino aut detentori compertæ eſſe poſſunt, deſcribat, & *c.*) dicta ſua jurejurando confirmet.

§. 529.

Extante dominii aut detentionis probatione, res petita domino aut detentori illico reſtituenda, aut reſtitutio ejus procuranda eſt, tametſi inquiſitio nondum fuerit terminata. Quin immo judicium poenale id agere tenetur, ut domini rerum in inquiſitione obvenientium quantocius detegantur, & ſuum cuique reddatur. Quare, ſi quid in inquiſitione reperiatur, quod alienum eſſe videtur, inculſatus vero dominum laudare aut nolit, aut non poſſit, ac præterea intra bimeſtre a tempore, quo delinquentis comprehenſio innotuit, nemo ſe dominum proſiteatur, a judicio poenali res hæc ita deſcribitor, ut
do-

domino quidem nota reddatur, præcipuæ tamen rei notæ characteristicæ reticeantur, quarum expositione domino via probandi dominii pateat.

§. 530.

Descriptio hæc in eo loco, in quo inculpatus commoratus est, vel ubi imputatum ipsi delictum commissum fuit, per edictum divulgator, addito jussu, ut dominus intra anni terminum profiteatur, & jus suum probet; cum secus res descripta vendenda, ejusque pretium interim in judicio poenali adservandum sit.

§. 531.

Nemine intra hunc terminum jus ad res descriptas profitente judicium poenale curato, ut eædem a foro civili loci illius, ubi sunt, sub hasta vendantur, redactumque pretium sibi tradatur. Intra legitimum præscriptionis tempus domino, jus suum probanti, redactum pretium petere liberum esto. Elapso præscriptionis tem-

pore ærario , ex quo generatim iudicii
poenalis impensæ feruntur , cedito.

§. 532.

Si res aliena ejus sit naturæ, ut citra
corruptionis periculum per integrum an-
num conservari nequeat, vel conservatio
dispendium adferat; sub hasta etiam ante
hoc tempus venditor,

§. 533.

In quavis districtione rei alienæ, cu-
jus dominus ignoratur, unaquæque res
vendita in specie describi, perceptum ex
ea pretium, & emtoris nomen adnotari,
hæcque adnotatio ad acta inquisitionis
reponi debet.

§. 534.

Licet restitutio rei alienæ procurari
amplius nequiret; nihilominus tamen ju-
diciu poenale obligatur, in inquisitione
ex officio investigare, quale damnum
ex delicto ortum sit. In sententia tum
demum de indemnitate decernito, si de
dam-

damni æstimatione ac de persona, cui indemnitas debeatur, ex causæ tractatione perspicue ac indubie constat. Hoc casu judicium poenale, dum sententiam fert, de eo quoque cognoscito, cui, & quanta indemnitas a delinquente præstanda sit; atque hæc cognitio ei, cui indemnitas adjudicatur, a judicio poenali traditor.

§. 535.

Talis cognitio ad similitudinem alterius rei judicatæ hunc effectum habet, ut is, cui indemnitas adjudicatur, in foro civili condemnati continuo ipsam executionem petere possit. Hæc tamen cognitio non impedit, quo minus majorem indemnitatem petat, si damnum majus, quam quod poenalis judicii cognitione determinatur, docere valeat.

§. 536.

Si judicium poenale certo definire nequeat, cui aut quæ indemnitas ex delicto debeatur; sententiæ poenali inserto,

in-

integrum esse per delinquentem læsis, indemnitatem jure persequi. Hinc probationes ad hoc jus sibi reservatum persequendum in judicio poenali conquirere efflagitanti, inquisitionis acta in iis partibus, quæ ad delictum in eum commissum relationem habent, & ad probandum jus suum prodesse possunt, inspiciendi, imo ut hæ partes sibi descriptæ edantur, petendi jus esto.

§. 537.

Satisfactio ab eo, qui delicto injuriam passus est, consueto juris ordine petitor; eique ad hanc obtinendam finita inquisitione, lataque sententia probationes modo præcedenti §. memorato in judicio poenali conquirere liberum esto.

CAPUT XVIII.

De impensis judicii pœnalis.

§. 538.

Cuncta negotia in caussis poenalibus, in quocumque demum foro occurrant, ex officio obeuntor, quin compensatio, taxatio, vel sportula, quam quæ in præfenti codice expresse conceditur, exigiqueat. Scripta in caussis poenalibus ab usu papyri signati, & dum transmittuntur, a mercede cursus publici juxta vigentes hac de re peculiares leges immunitia sunt:

§. 539.

Vecturæ ad quameunque comprehensæ deportationem necessariæ a communitatibus gratis præstantor.

§. 540.

§. 540.

Medici quoque, chirurgi, & obstetrices in causis poenalibus relationes, ac indicationes suas gratis danto. Vectura tamen & victus in loco iudicii non commorantibus refunditor.

§. 541.

Testi, mercede diurna viventi, & ob citationem ad iudicium eadem carenti, consueta diurni laboris merces compensator.

§. 542.

Singulis ad deportandum delinquentem a iudicio poenali constitutis custodibus, siue civilis siue militaris status fuerint, pro quovis milliari itineris ultro citroque peracti decem cruciferi praestantur; si in loco aliquo cum deportato commorari debuerint, pro die integro viginti, pro dimidio decem cruciferi penduntur.

§. 543.

Interpreti , per §. 378. ad inquisitionem arcessito , munus ad iudicium poenale non gerenti nec in officio publico constituto , pro unoquoque die florenus debetur.

§. 544.

Cursoribus , qui in operis iudicii poenalis non sunt , pro singulis milliaribus ultro citroque decem cruciferi solvuntur.

§. 545.

Carnifici , sententiam mortis exsequenti , quindecim floreni debentur.

§. 546.

Definitæ præcedentibus §§. pensiones a iudicio poenali mox præstita opera solvuntur ; salvo tamen adversus incusatum , ad refundendas impensas condemnatum & ad earum ex propriis facultatibus refarcitionem idoneum , post latam sententiam regressu.

§. 547.

Fas quoque esto iudicio poenali *a.*) a condemnato pro alimentis, in carcere per §. 335. suppeditatis, quotidie quinque cruciferos; & *b.*) pro sententia duodecim florenos exigere.

§. 548.

Incusatus innocens declaratus, etiam a refundendis impensis absolvendus est; delatorem iudicium poenale eo duntaxat in casu de earum ~~refarcitione~~ ~~convenire~~ poterit, ubi delatio, quæ falsa reperta est, inquisitioni ansam præbuerit.

§. 549.

Si incusatus reus declaratur, vel inquisitio ex defectu legitimarum probationum tollitur, ad impensas iudicio poenali refundendas condemnator. Refusio tamen ad eum tantum modum ex patrimonio incusati sumi poterit, ut nec quæstus sui fors imminuatur, nec is ab implendo officio præstandi indemnitate,

suosque alendi impediatur. Refundendarum impensarum causa executio sententiæ quoad alia capita differenda haud est.

§. 550.

Impensæ statarii iudicii a communitate, quæ ejusdem materiam præbuit, feruntur; quorum etiam vectura, victusque officialium, quos eidem interesse oportuit, pertinent. Has impensas circuli capitaneus jussu & debita cum moderatione imputato; communitati ratione horum sumtuum adversus eos, qui vere fontes fuerint, regressus patet.

§. 551.

Quidquid ratione impensarum obvenit, in librum actorum diurnorum, in qualibet inquisitione per §. 368. concinnandum, tamquam pars ipsorum actorum exacte inscribitur, ut iudicium poenale, ultra normam præscriptam nil imputatum, atque solutionem iis, quibus

de-

debetur, præstitam fuisse, quovis tempore docere valeat.

CAPUT XIX.

De judiciorum poenaliurn et tribunalium superiorum in causis poenalibus nexu.

§. 552.

Ad promovendam ~~securitatem~~ publicam judicia poenalia arcto se nexu conjungere, & quam ~~promptissime~~ adjuvare debent. Præprimis autem tunc, ut inter se conferant, necesse est, cum ad iudicium aliquod poenale perniciosus delinquens sistitur, in cujus vita exploranda vestigia occurrunt, eum jam apud aliud iudicium poenale carcere detentum fuisse, vel cum adparet, ab alio iudicio poenali indicia delicti detecta fuisse, quæ auctorem arguant similem huic, qui nunc inquisitioni

S. 4 sub-

subjicitur, aut cum occurrit, alibi delicti, cujus comprehensus inculatur, complices, aut participes compertos fuisse.

§. 553.

Eodem modo judicia poenalia pro sitis ratione acceptum nuncium de locis, in quibus facinorosi conveniunt, consultant, aut commorantur, vel ubi delicti objecta, idoneaeque ad id patrandum instrumenta aut recondunt, aut conficienda curant, vel ubi res delicto partas venales exponunt, sibi invicem communicant.

§. 554.

Non minus judicia poenalia communem operam ad finem suum assequendum conferre tenentur, si observatum fuerit, in uno alterove loco, in hoc aut illo districtu delicta frequentiora fieri, aut numerum delinquentium increfcere, utpote quod fors politica praefectura debitam curam praetermittat, vel praescriptae ad
præ-

prævertenda facinora cautiones , atque ordinationes negligantur , vel etiam peculiare circumstantiæ occasionem , atque facilitatem delinquendi parent.

§. 555.

Si poenali judicio tesserae aut signa , quibus delinquentes ad suscipienda delicta , aut ad se invicem dignoscendos utuntur , si peculiare inventiones , technæ , & media , quibus maleficiorum consummationem sibi ~~faciliorem reddunt~~ , innouerint , tum judicia poenalia hæc sibi mutuo ~~significanto~~ , ut horum vestigiorum notitia delinquentes detegere , præfecturas ad ea attentas facere , & vulgus a periculo tutum reddere valeant. Præterea peculiare ejusmodi observationes , siquidem ad impedienda delicta aut ad detegendos reos rationes ineundæ , aut ordinationes instituendæ fuerint , tribunali superiori indicantur.

§. 556.

In his & similibus casibus judicia poenalia non unius, ejusdemque provinciæ tantum, verum si res postulet, universarum etiam ditionum viribus unitis ad communem finem assequendum tendere, informationem, atque dilucidationem sibi mutuo impertiri, & acta, quæ præsto sunt, seu authentica, siquidem iis carere liceat, seu fida eorum descripta exemplaria inter se communicare obligantur.

§. 557.

Eum in finem unumquodque judicium pænale exhibitorum protocollum habeto, cui exhibita, nisi ad præscriptum §. 368. diurnorum actorum librum pertineant, inscribi, & quæ desuper acta sunt, adnotari oportet.

§. 558.

Super actis ad registraturam depositis
judicium poenale repertorium concipito.
In hoc negotia in sequentes classes distri-
buuntur: *a.*) in ea, ubi poenali judicio
commissa delicta denunciata fuere, quin
eorum auctor innotuisset; *b.*) in ea, ubi
judicio poenali delinquentes vel ex nu-
da tantum descriptione, aut de nomine
etiam, & conditione innotuere, quin ta-
men adprehendi potuerint; ~~*c.*) in ea, ubi~~
~~inquisitio terminata & sententia pronun-~~
~~ciata est; *d.*) in ea, ubi inquisitio aut~~
~~sententiæ pronunciatio delinquentis mor-~~
~~te, aut fuga interrupta est; *e.*) in ea de-~~
nique, ubi processus ob complices aut par-
ticipes nondum detectos adhuc pendet.
Ceterum repertoria omnes circumstan-
tias, ex quibus judicium poenale alte-
rum alteri expositam præcedentibus §. §.
auxiliarem operam præstare potest, suc-
cine-

cincte & continenter comprehendere, & ad ea registraturæ acta, ex quibus res, si necesse fuerit, plenius cognosci possit, referre debent.

§. 559.

In registratura acta in separatis fasciculis adservari, & unamquamque inquisitionem in peculiarem fasciculum redigi oportet. Reliqua ad iudicium poenale pertinentia acta pro materiarum diversitate secernuntur. Quævis in fasciculo contenta pars tam numero fasciculi, ad quem pertinet, quam eo, sub quo in eodem reponendum est, in dorso signator. Si hujusmodi pars actorum pluribus allegatis instructa fuerit, unicuique horum numerus partis, ad quam spectat, inscribendus & in principali exhibitio, quot allegata ad idem pertineant, adnotator. Exceptis casibus in hoc codice expressis

ne-

nemini acta inspicere, aut cuidam foras dare permittitur.

§. 560.

Ut ea, quæ quærentur, facilius inveniri possint, repertoriis æque ac registraturæ actis accurati ordine alphabetico conficiendi indices adduntur, hisque res eadem sub diversis respectibus inscribitor, nimirum *a.*) sub nomine incusati, seu delinquentis, cui alia, quibus delinquens forte insigniri solebat, seu ita dicta, spuria nomina, & clariorem personæ descriptionem, ne ex nominum similitudine error suboriatur, addi oportet; *b.*) sub nomine locorum, in quibus delicta perpetrata fuere, & *c.*) sub ipsorum delictorum denominatione.

§. 561.

Tribunal poenale superius ut judicia poenalia, quæ in provincia suæ curæ demandata existunt, officium suum quam exactissime expleant, invigilato, proposita in rebus difficilioribus dubia apta institutione resolvito, judicia poenalia, quibus ab alia potestate opera subsidaria negatur, adjuvato, ab iis, quæ in officiis suis negligentia deprehenduntur, causa cognita poenam exigit.

§. 562.

Ut tribunal superius continuam inspectionem in judicia poenalia sibi subjecta exercere valeat, unumquodque eorum singulo trimestri tabellam de omnibus a se susceptis inquisitionibus præfecturæ circulari, ut hæc eam ad tribunal superius promoveat, transmittere, & casu flagitante docere debet, tabellam ad ulteriorem

rem promotionem triduo post elapsam trimestre missam fuisse. Tabella juxta exemplar, ad finem hujus capituli adjunctum, exacte, atque fideliter concipitor. In-
cusati, quorum inquisitio sententia nondum finita fuerit, rursus in sequentis trimestris tabellam transcribuntur.

§. 563.

In relatione, quacum tabella submit-
titur, cuncta delicta ad iudicium poena-
le delata, quorum auctores necdum com-
prehensi sunt, adducantur, addito ad sin-
gula, an, & quid ad delinquentem inter-
cipiendum actum fuerit.

§. 564.

Quod si in trimestri nec delinquens
comprehensus, nec delictum indicatum
fuerit, id ipsum præscripto tempore re-
ferendum erit.

§. 565.

§. 565.

Tribunal superius tabellas has , unacum relationibus , quibus submittuntur , perlegere , si moram advertit , negotium urgere , vel ad penitiorem rei dilucidationem , ut rei a judicio poenali fors minus apte susceptæ tempestive mederi valeat , exactam informationem petere debet. Hæc tamen omnia ea cautione fieri oportet , ut ambages , inanesque scriptiones evitentur , inquisitiones haud sistantur , nec acta judicio necessaria deponantur.

§. 566.

Ex trimestribus univerforum judiciorum poenalium tabellis tribunal superius sub finem anni tabellam generalem juxta præscriptum §. 562. exemplar conficito , eamque intra primos triginta dies recens inchoati cujuslibet anni supremo justitiæ tribunali submittito. In adnectenda tabel-

bellæ huic relatione maturo consilio adducitor, an, & quæ delictorum genera hoc anno relate ad præcedentem aucta, seu diminuta fuerint, quæ præcipuæ hujus differentię causæ esse possint, an poenalia judicia suis fungantur partibus, seu in quibusnam defectus animadvertantur, additis ad emendandam justitiæ vindictivæ administrationem observationibus aptis; quo ipsum hoc tribunal supremum solidam totius rei cognitionem habeat, & quæ rei publicæ proficua sunt, procurare valeat.

§. 567.

Unumquodque judicium poenale statis temporibus, & semel saltem in anno visitari, carceres inspicere, comprehensos an debita maturatione inquirantur, & quo modo tractentur, interrogari, libros actorum diurnorum, protocolla item, atque registraturas perlustrari, præcipue vero submissarum per vices trimestres tabel-

larum exactitudinem investigari, generatim denique judiciorum poenaliū agendi rationem tam in toto ambitu, quam in casibus singularibus cum legis præscripto conferri oportet. Investigatio hæc in loco, ubi tribunal superius sedem suam habet, per delegatum ab eo consiliarium instituitur, qui hac super re exactam relationem, omnes, quos adverterit, defectus adducendo, & media, quibus emendari possint, suppeditando, facere tenetur. In judiciis poenalibus remotioribus eadem investigatio per præfecturam circularem occasione præscriptæ ex ordine circuli visitationis instituitur, de hoc tamen objecto distincta a ceteris visitationis negotiis relatio facienda, & a potestate politica provinciæ tribunali superiori exhibenda est.

§. 568.


Has visitationum relationes tribunal superius debita cum attentione perpendito; sique tales deprehendantur nævi, qui promptum requirunt remedium, aptam rationem inito; de reliquis rebus opinionem suam supremo justitiæ tribunali submittit, & decissionem præstolato.





Tabella judicii poenalis

Cracoviæ pro trimestri a 1. Januarii usque ad ultimam Martii 1797.

Nro.	Inculati nomen, at- que conditio.	In manus judicii traditi fuere.			Dies examinis.	Actus judicialis.
		Die	Per	Ob		
1.	Eleonora Stafiko- wa operarii vidua ex Trawkowice.	23. De- cembris. 1796.	Præfec- turam Wasiłow.	Falsum.	23. 27. De- cembris 1796. 2. 5. Janua- rii 1797.	Die octava Januarii 1797. falsi qua civilis delicti rea declarata, & ad sex menses ad mitiorem carceris poe- nam condemnata est.
2.	Stephanus Duda vulgo Oszukalski operarius rustici ex Czarkow.	10. Fe- bruarii. 1797.	Judicia- lem visi- tationem.	Furtum, atque la- trocinium.	10. 13. 18. 24. Februa- rii 9. 27. 28. Martii.	Cum primo 27. Martii rapinam passus sit, in- quisitio ob perpetratum simul homicidium, tum ad detegendos compli- ces, restitutionemque rei raptæ procurandam continuatur.
3.	Adalbertus Sliw- kowski civicus fu- tor in Sweykow.	Liber a custodia.		Vulnera- tionem.	30. Martii 1797.	Processus pendet.







Biblioteka Jagiellońska



stdr0023800

